

CITONDEZYO



Inga mwa kkala. Mwabuka, no bantu boonse! Botelwa kuba mu kuswangana kwa Mwami cifumo sunu, kujoka aa . . . Tii ndazi kuti inga ka tujokede na pe, pele Mwami wa bamba nzila, nkabela twa bweedela kuswangana sunu. Lino tu langila ziindi zipati zya bulemu sunu, cifumo cino, mu ciiyo eci ca kwiiya kwa Munsondo, mu Ijwi. Elyo sunu masiku tuno jisi miswaangano ya kuponesegwa alubo, antoomwe a kuswangana kwa mulalilo kwiitobela.

² Elyo eno tu jisi i—i kutuulwa kwa muvwanda, Nda syoma i . . . Mukwesu Neville wazwaa ku ndaambila kuli bantu bamwi bajisi muvwanda wabo weelede ku tuulwa. Elyo balombwa kuti balete muvwanda ku ciindi eci, mpawo. Elyo mukwesu wesu ula syaala, na bamwi babo, ku organi na piano, omwe. Elyo mpawo kuleta muvwanda. Tu yooba a mulimo wakutuula; kutegwa inga twa njila ncobeni, cakubinda mbuli mbo tukonzya, ku Ijwi.

³ Nkaambo, tu yanda ku—ku bamba ku Ijwi. Eeco—eeco nce cintu cipati, kupa ciindi cesu ncobeni ku Ijwi lya Mwami. Aboobo tuli lumbide maningi ku ciindi ceelede ca kuswaangana a ndinywe nyoonse kuno sunu, alimwi ku . . . alimwi kuswangana oku—oku.

⁴ Nde elede kuti ndalubila. Mbo mbubo, mucizi. Nda—Nda—Nda li kuyeeya kuti mbokubede. Ndiza nku lubizya buyo. Ncibotu. Lino, Nda kulumba, kapati, mbubonya buyo. Ndiza eci, Ndi yeeya kuti caboola kwiinda mu muntu uumbi umwi, kwiinda mu muntu uumbi umwi, alimwi cabamba buyo kubaanga mbuyumuyumu.

⁵ Lino bantu boonse balimvwa kabotu na? [Mbunga yaamba, “Ameni.”—Mul.] . . . ? . . . Kulumbwe kuli Leza!

⁶ [Mukwesu Neville waamba, “Ngooyu wa boola ambabo.”—Mul.] Lino, oh, iiyi, mbaaba bana baniini. Amu ndijatile. Mbwebede. Ncibotu, sa inga waboola, mwaalu? [“Iiyi, munene.”]

⁷ Ee, ino mbasimbi, bobile baniini babotu, basimbi baniini ba meso asalaluka! Huh? Abo mbabotu. Nguni zina lyakwe? Langa kuno! [Banyina baamba, “Jennifer Lee.”—Mul.] Jenny? [“Jennifer Lee.”] Jennifer Lee. Ndizinanzi lya mamano? [“Serept.”] Serept. Nko kuli nkozwa, Mucizi Lee? [“Versailles, Illinois.”] Versailles, Illinois. Ino nkubotu!

⁸ Lino, mu Bbaibbele. Lino, kanji, bali—bali jisi cili boobu mbuli kubapatizya bana; ta tusyomi mu kubapatizya bana, nkaambo taba nabisya, nkaambo bacilli bana loko. Pele tu syoma mu kutuula kwa bana ku Mwami. Lino mwaalu a Ndime

tuyo bikka maanza a muvwanda muniini. Jenny, mbo waamba na? [Mukwesu Neville waamba, “Jennifer.”—Mul.] Jennifer. Ncibotu.

Atu kotamike mitwe yesu.

⁹ Taata Wakujulu, mbuli cifumo eci twa leta musimbi oyu muniini, uutegwa Jennifer, kuli Nduwe, banyina a bamwi bayandwa ba muleta kuzwa ku nyendo zilamfu, kuti atuulwa ku Mwami. Tu lizi kuti Wa kabikka maanza Aako a bana baniini bali boobu, mu mazuba Aako, alimwi—alimwi kati, “Amuleke bana baniini baboole kuli Ndime, nkabela muta bakasyi pe, nkambo bali boobu mbo Bwami bwaku Julu.” Lino twa mupa kuli Nduwe, ku buumi bwa mulimo, mu Zina lya Jesu Kristo. Amen.

¹⁰ Ino ndi zina nzi limbi lya musimbi muniini? [Banyina baamba, “Connie Lynn.”—Mul.] Connie Lynn. Ncibotu, Connie muniini, bamba, undi bamba kulimvwa kubaanga ndimuniini. Oh, wa yoowa na? Oh, Nda yoowa kuti taciko beleka, mutumbu. Ncibotu.

Atu kotamike mitwe yesu.

¹¹ Mwami Jesu, mutumbu waleta Connie oyu muniini cifumo eci, mu mulimo wakutuulwa kuli Singuzuzyonse. Yebo wa kamupa mwana oyu muniini, wa kukomezya, nkabela uli mukumuleta kuli Nduwe, antoomwe a mucizi muniini. Nda lomba, Taata Wakujulu, kuti Uyo ba siluse. Kolongezya mukwasyi. Kolongezya musimbi muniini. Mbuli mbo tubikka maanza aali nguwe, mu Zina lya Jesu Kristo, twa mupa kuli Nduwe ku buumi bwa mulimo. Amen.

Leza aku longeze, a bana bako baniini awo.

Ma, tu jisi bavwanda baniini banji lino!

¹² Ino ndi zina nzi lya musankwa? [Banyina baamba, “Joel Lee Watson.”—Mul.] Joel Watson. [“Joel Lee.”] Joel Lee Watson. Ino musankwa mubotu, meso aabbulu mapati mabotu maningi! Ma! Nko kuli nkozwa? [“Eastman, Georgia.”] Kuzwa ku Georgia. [“Um-huu.”] Nda li kuyeeya kuti uzwa ku Musanza. Tii ndazi. . . [“Ee, muunzi wesu uli kubusena bwa Tifton. Uli kunselelo kuya.”] Oh, iyyi. Oh, wapona kabotu! Oyu musankwa muniini, mubotu muna Georgia, mpawo, huh? Ncibotu, munene. Iyyi, munene, eco ncibotu loko. Ula konzya kwaambaula, akwalo. Ulakonzya na?

Atu kotamike mitwe yesu.

¹³ Taata Wakujulu, twa leta musankwa oyu muniini uuyandwa, mbuli banyina a bawisi mbo baimvwi awa mu—mu kulemeka kwa luswaanano lwabo. Wa kabapa musankwa oyu muniini wa kukomezya, nkabela bali mukumujosya kuli Nduwe. Ino i—i nciiminizyo cibotu eci mbo cinga caba, mbuli Hannah, wa kale, oyo wakakombela mwana; alimwi—alimwi Leza wakamupa

mwana, alimwi waka mujosya ku tempele lya Leza, mu kutuula. Kopa, Mwami, kuti musankwa oyu muniini akabe muzike Wako, kutegwa bawisi a banyina baka longezegwe, alimwi akuba anseba a nguzu zyaku mukomezya. Elyo akapone buumi, bulamfu bwa kukkomana, a kuba muzike Wako, mbuli mbo tumwaaba kuli Nduwe, mu Zina lya Jesu Kristo. Amen. (Yebo ulelekwe!) Mubambe kuba mwaalumi mubotu, ndiza musinsimi uumbi muniini mbuli Samueli.

¹⁴ Lino mbaaba basankwa baniini babotu. Ma! Botatwe babo, mpawo? Ee, oyo mukwasyi oonse. Ino ndi zina nzi lyako? [Musankwa waamba, “Michael.”] Michael. Alimwi lyako nguni? [Musankwa uumbi waamba, “Paul.”] Paul. Ino mazina mabotu! Alimwi lyako nguni? [Musimbi waamba, “Debbie.”] Debra. Eco ncibotu maningi. Michael, a Paul, a Debra. Alimwi nguni lyako zina lya maminano? [Bawisi baamba, “Ellis.”] Ellis na? [“Iiyi.”] Ee, oyo mukwasyi muniini mubotu wanguzu, Nda mwaambila.

¹⁵ Nywebo mulizi, cindi Nda bona bana baniini mbuli boobo, lyoonse cila ndiyeezya kaindi ni Nda kali musankwa muniini. Elyo lino kaambyo kakaindi kalati, yebo ulizi, “Bala lyataula ku matende aako lino, a moyo wako kwamana,” pele ta Ndi syomi kuti ciyooba boobo cindi twa batuula ku Mwami. Tuli jisi mulimo awa, alimwi Leza wakabikka oyu mu maanza ako. Wa kabamba mukambausi kuzwa kuli nduwe. Nda kaamba lyoonse zya makani a bakambausi banakazi, nywebo mulizi, pele bamatumbu boonse mbakambausi; njeeyi mbunga yakwe, mwabona, ya kukomezya bana aba baniini kabotu, kuciindi taata nabeleka. Elyo muli jisi mulimo. Leza amu longezye lyoonse. Mu jisi mukwasyi muniini mubotu.

¹⁶ Taata wesu Wakujulu, twa boola a Michael muniini, uboneka kuba sikuzyalwa mutaanzi. Elyo twa bikka maanza eesu aali nguwe, mu kutuula, kuli Jesu Kristo. Mukwasyi wakwe ulaleta bana babo baniini nkaambo Wa kabikka eci mu kubamba kwabo—kwabo, alimwi balizi kuti taba kkwanisiyi, kakutakwe lugwasyo Lwako, aboobo baleta mukwasyi wabo muniini, ku kubatuula.

¹⁷ Lino Nda pa Michael muniini awa kuli Nduwe, ku buumi bwa mulimo, mu Zina lya Jesu Kristo. Mbubonya buyo, twa bikka maanza eesu aali Paul muniini, alimwi twa tuula buumi bwakwe kuli Jesu Kristo, ku buumi bwa mulimo iku bulemu bwa Leza. Alimwi aali Debra muniini, twa bikka maanza aali nguwe, Taata, mu kutuula, ciibalusyo ca Jesu Kristo, Oyo Wa kabikka maanza aakwe aa bana baniini, kati, “Amu baleke baboole kuli Ndime; muta bakasyi pe.” Akube kuti buumi bwa musimbi oyu muniini bulelekwe mu Bwami bwa Leza.

¹⁸ Kolongezya bawisi a banyina, alimwi akube kuti bapone, maumi malamfu aaku kkomana, ku bona bana babo mu mulimo

wa Leza. Twa lomba cilongezyo eci ku bulemu bwa Leza, mbuli mbo tu batuula mu Zina Iya Jesu Kristo. Amenii.

Yebo ulelekwe! Yebo ulelekwe! Muli mukwasyi, muniini mubotu. Iiyi.

¹⁹ Ino i...Sena mulizi eco Nce yeeya? Basimbi baniini bala, mabotu loko eno kwiinda mbo bakabede cindi ni Nda kali musankwa muniini. Iiyi, munene. Ino meso mabotu mapati ncobeni! Nguni zina lyakwe? [Banyina baamba, “Joanna.”—Mul.] Joanna. Alimwi zina lyako Iya Mamanino ngu... [Bawisi baamba, “Blair.”] Blair, Joanna Blair. Yebo no langa kusule kuya, sa tali musimbi mukubusyi weebeka na? Iiyi, munene. Elyo wa pona buti, Joanna, huh? Sibweeme muniini, uh-huh, sibweene buyo muniini. I muntu muniini mubotu.

Atu kotamike mitwe yesu.

²⁰ Taata wesu Wakujulu, mukwasyi oyu wa bana Blair uuli jisi cipo ku luswaanano lwabo, oyu Joanna muniini. Elyo tu lizi kuti mazuba mabi, cindi Saatani nali ku mabazu oonse, ku pilinganya, kapati basimbi aba baniini. Elyo balizi kuti taba konzyi kukkwanisya ku—ku mukomezya kabotu. Elyo ba yanda kuti akomezegwe kabotu, a ku—ku ba muzike kuli Nduwe. Elyo bali mukukomezya musimbi oyu muniini ku lulemeko Lwako. Elyo eno bamu leta, mu kutuula, kuli Nduwe. Twa bikka maanza eesu aali nguwe, mu Zina Iya Jesu Kristo, mbuli mbo tutuula Joanna Blair muniini ku Bwami bwa Leza, nkambo ka bulemu bwa Leza. Amenii.

Yebo ulelekwe, Mukwesu Blair. I Mwami abe a nduwe.

²¹ Wabuka kabotu, munene! [Bawisi baamba, “Wabuka!”—Mul.] Ino musankwa mubotu uuli boobu! Yawe, wapona buti? Ee, ma, uboneka kabotu loko ikuti wacebukila ku lubazu *olu*. Iiyi, munene. Uujisi mutwe, muniini, mubotu a weebeka, a busyu bwa kulimvwa kubota. Huh? Ino nguni zina lyakwe? [“Daniel Mark.”] Daniel Mark. Elyo lyako Iya Mamanino? [“Mark Kardum.”] Hardum. [“Kardum.”] Kardum, Daniel Mark Kardum.

²² Kuzwa kubusena kuno, Mukwesu Kardum? [Mukwesu Kardum waamba, “Lino, dolopo Iya Melkerk.”—Mul.] Iiyi, munene. Nko kuli nkozwa? [“Kukutalika ndizwa ku Cisi ca New York.”] Cisi ca New York, muna Yankee, mbombubo. [“Iiyi.”] Ee, ncisi cipati. Ndi jisi bantu bamwi bakkala kuya. Simizyaangu uukkala mu Plattsburgh. Oh, Nda kajisi bweenzu mu New York. Kutanta kutala kuya a muswaangano wangu uuccilila, mu Dolopo Iya New York, I Mbungano ya Bbwe kuya. Ncibotu.

²³ Lino, izina lyakwe ngu Mark, waamba kuti? [Bausyi baamba kuti, “Daniel Mark.”—Mul.] Daniel Mark, ino kubota mulombe muniini!

Atu kotamike mitwe yesu.

24 Mwami Jesu, twaleta kuli Nduwe Daniel Mark muniini, mu kutuula kwa buumi bwakwe. Bwa pegwa mu maanza a bausyi aa banyina, ku komezya mwana muniini oyu mu lulayo lwa Leza. Alimwi balizi kuti ta bakonzyi, aboobo ba muleta kuli Nduwe, Mwami, kuti Uleleke buumi bwakwe. Alimwi, lino, mbuli mbotuzi kuti buzuba mbubi, obo mbo tuponena mumo. Tula bona aba bana baniini, swebo tatuza kuti na juunza inga kwaba buti, pele, kufumbwa mbo cibede, tula syoma kuba bikka mu maanza Aako. Twa bikka maanza a mwana mulombe, alimwi twaaba buumi bwakwe kuli Nduwe, kuti bube buumi ku Bwami bwa Leza, mu Zina Iya Jesu twa komba. Amenii.

25 Leza aku longeze, mukwesu. Mulombe mubotu. Aku longeze, Mark muniini.

Oh . . . zi njizye, amuzi njizye,
Amuzi njizye kuzwa ku masena aa zibi;
Oh, amuzi njizye, amuzi njizye,
Amu leta bana basyoonto kuli Jesu.

Eco ncibotu! Ndaku lumba, mucizi.

26 Mbangaye bakaliko okuno Munsondo, baka kombelwa Munsondo yamana, balimvwa zyakatobela alimwi kulimvwa kuponesegwa? Amu nyamune maanza, abo baka kombelwa. Oh, ma, amulange ko kuno, mbuli kuti boonse buyo ano.

27 [Mukwesu Neville waamba, “Aleluya! Sena tacili cibotu! Alumbwe Leza! Ndali kuteelela kuzwa kuli ncico, nsondo yoonse.”—Mul.] Iiyi, munene. Ndi jisi, ambebo. Ndi yanda buyo kuti kandikkede, aku swiilila, mwabona.

28 Mwabona, cimwi cili muku bweza busena, eco Ndila mwaambila kabotu, cimwi ciindi, mwabona, nca—nca bulemu alimwi ncibotu. Elyo kuti twa . . . Tula ci kanana, ku muswaangano umbi, mu lizi, cimwi ciindi. Ca talika buyo ku bweza busena, alimwi tula lumba kuli ncico.

29 Elyo Nda kali kunselelo okuya ku Kentucky, mbuli Mbwe cita mwaka a mwaka, kuunka kunselelo okuya. Nda kali aa beenzuma bamwi kunselelo kuya. Alimwi takuli kuunka ku kumvwima basikaale, elyo mulizi eco, mwabona.

30 Aboobo tujisi ciindi ca bulemu, elyo tupa kulumba ku Mwami!

31 Nde elede kuunka lino, elede kuunka ku munzi kwamana muswaangano ooyu. Elyo mpawo, elyo tula . . . Mpawo Ndila joka kwamana alimwi, kwamana kaindi, kwiinka ku New York ku muswaangano. Alimwi kuti na twaba a ciindi ca kwiima kwa kaindi kaniini, nkaambo nzi, tula—tula kkomana kuba aa muswaangano umbi okuno ku cikombelo.

32 Elyo mpawo Nde elede ku joka, kuunka ku Shreveport. Elyo mpawo tu ka joke ku ng’anda, elyo a kulombozya kuba kuno mu

kulyookezya, Mwami na wa zumizya, a kujosya mukwasyi. Elyo mpawo—elyo mpawo Ndi yanda ku . . .

³³ Mpawo muswaangano wangu ula boola ku Phoenix, mu Mukazimaziba. Walo muswaangano wa mwaka kuya wa Christian Business Men. Elyo kutandila mvwiki na mazuba aali kkumi kakutanaba obo, Ndiyo sola ku—ku bbadelela bupati obo . . . I bantu ba Zina Iya Jesu; wa kali kunga ngu Mukwesu Garcia, a i—i mukwesu muna Spanish kuya wakajisi busena bupati, bubotu kuya. Ba kazwaa ku buyaka. Buyooba a zyuuno zinji zya bantu bakubwene bali zyuulu, bupya kumaninina, a mbunga yabo ni nsyoonto loko. Ba kandaambila kuti inga Nda bubbadelela kufumbwa ciindi Nda yanda. Mu busena buyo bwa kulangalanga kumaninide i—i buboneki boonse, kubusena buyo kwiinda mu kkuti, mbungano ku mbungano, Ndi yeeya kuti Njo bikkila buyo maanu ku cintu coonse mu muswaangano mupati wa lukamantano, nywebo mwabona, alimwi mpawo kuubamba kuya.

³⁴ Elyo mpawo inga twa bbadelela tempele. Tuyo buzya eno ikuti na tula konzya, alimwi mpawo kuba a Muswaangano mupati wa Christian Business Men. Mpawo, kusikila aa masi aakumbi alulamikwa, tuyo sola kubamba miswaangano kuselelo kwiinda mu Musanza, ya Mukazimaziba, a Mulumi, a Miyoba, kwiinda mu zisi zyaku Musanza. Elyo mpawo—mpawo kuunka . . . nkaambo, ikuti na twa talika eno a kuunka mu Africa . . . Mwabona, ciindi eci ca Krismasi, kuli mbabo, mbwane bwa Kunkumunamasanu. Mwabona, ngu—ngu ciindi camvula maningi a cibyaabi, alimwi tamu konzyi kunjila muya mu ciindi eco, aboobo ciindi cibotu maningi ca kwiinka muya nkuciindi cimbi. Elyo mpawo tu yanda kutalika, ikuti na tula konzya, mu Norway, a kuselemuka kumasena aa nyika, a kubeleka mu Africa, ku golela kuselelo mukati kuya, Mwami nawayanda.

³⁵ Pele amu tukombele eno. Elyo tula muyanda, alimwi mulizi eco. Aboobo tu langila kunji kwiindilila, kwiinda zyoonse ezyo nzo tukonzya kucita, na akwalo kuyeeya Mwami kucita.

³⁶ Elyo tula syoma, sunu masiku, kulaba mulimo mupati wa kuponesegwa. Nda syoma kuyooba i . . . Ta ndiko kanana pele kusyoonto buyo, nkaambo tu jisi mulalilo sunu masiku. Elyo aboobo kutandila maminiti aali makumi obile na makumi otatwe, mpawo tu yooba a mundando wa mipailo, alimwi—alimwi mpawo buyo kwamane eco, tu yooba—yooba a mulalilo. Elyo muli tambidwe kuba a ndiswe; tu yobotelwa. Ta tujisi i—i mulalilo uukasya bamwi. Ngwa basyomi boonse, basyomi boonse.

³⁷ Elyo ka Ndi tana kubala Lugwalo, Nda yeeya mbuli mbo tukotamika mitwe yesu kwa kaindi kaniini. Ndiyo lomba mulongwe wangu mubotu, Mukwesu Lee Valey, ikuti atu sololele

mu ijwi lya mupailo, cakuti Leza uyolongezya Ijwi Lyakwe. Mukwesu Vayle, sa inga wa tucitila eco?

[Mukwesu Lee Vayle eno wakomba—Mul.] Ameni. Ko cipa, Mwami. Ko cipa, Mwami. Ko cipa, Mwami. Iiyi, Mwami. Ameni.

³⁸ Lino cakusinizya, cabulemu twabola ku Ijwi. Lino Ndi yanda kubala, cifumo eci, kuzwa ku Kulonga capita 12, a kutalikila kampango ka 12, kampango ka 12 a 13, kusanganya. Elyo amu swiilile kabotu lino. Elyo mpawo kakutanaba mulalilo sunu masiku, kubala capita 12 ya—ya Kulonga, capita yoonse; ku kampango buyo ka 11 awa kulibambila ku lweendo, a mulalilo kumbele lya lweendo. Elyo tu yanda kulanganya eci cabulemu loko eno. Lino kampango ka 12 ika capita 12.

Nkambo Njo inda akati ka cisi ca Egepita sunu masiku, a kuuma bana boonse bataanzi ba cisi ca Egepita, boonse bantu a banyama; a kulwa tuleza toonse twa Egepita Njo cita lubeta: Ndime MWAMI.

Elyo bulowa buyo mubeda citondezyo aa maanda awo mo mubede: alimwi cindi Nda bona bulowa, Njo mwiindilila, alimwi cipenzyo tacika booli aali ndinywe kumu nyonyoona, cindi Nda uma cisi ca Egepita.

³⁹ Akube kuti Mwami alongezye Ijwi Lyakwe Lisalala!

⁴⁰ Lino Ndi yanda kubweza cibalo kuzwa awo, ibbala lyomwe buyo ilya tubala tosanwe: *Citondezyo*. Citondezyo! Ndi yanda kwaambaula a bbala lyomwe, na kuyiisya ciyo eci cakwiya kwa Munsondo, aa bbala lya “citondezyo.” I Bbaibbele lya kaamba awa, “Elyo bulowa buyo mubeda citondezyo.” Elyo tu yanda kubelesya bbala “citondezyo.”

⁴¹ Lino ta tuzi; cindi Nda langa nkoloko, alimwi cindi cakkwana, ee, eezi ngu. . . Ndi jisi Magwalo manji, manji aalembedwe aapepa awa. Aboobo kutali. . . Elyo mukuziba kuti ta Ndi kabi a nywebo kwa ciindi cimwi. Alimwi mbobuti mbo tuzi kuti eci ciyooba ciindi camamanino cakuti tobamwi neo tuyo sola kuswaangana, aboobo atu sole ku Li langanya buyo mbuli cabulemu. Ndi lizi eco nciyumu. I Mwami watupa cifumo cibotu eno, akwalo—akwalo, ca kuswangana, cibotu buyo. Elyo atu sole kubikkila maanu eno aa zintu zyoonse ezyo—ezyo nzyo twaamba, kutegwa i. . . ikuti na kuli cintu cili coonse mukati muya eco Mwami ncanga wayanda kuzibya, kuteeti inga ciyo pegwa kuli ndinywe.

⁴² Elyo ta twiimi buyo awa kutegwa tubonwe. Ta tubooli kuno buyo kutegwa bamwi bakonzye kubona zikobela ezyo nzyo twasamide pe. Na. . . Swebo, swebo tu boola kuno nkambo ka cintu comwe, mbuli mukwesu wesu mbwa komba mu mupailo, “Tuli kuno ku kumvwa Ijwi, Ijwi liboola kuli ndiswe.” Tu yanda Eelyo, nkaambo eco nce cintu luzutu eco ciyooba lugwasyo luli loonse kuli ndiswe, kufumbwa cintu ciyooba ca mpindu, kufumbwa cintu eco—eco ciyo tugwasya.

43 Elyo tuli bantu bali mukufwa. Bantu boonse baya ku Butamani. Elyo mpawo tu jisi ciindi cinji ca kubamba kusala kwesu kutola nzila eyo nko tuya. Alimwi mugwagwa uli kumbele lyesu; inga twa bweza kufumbwa busena nko tuyanda kusala. Eyo nje nzila Nja kabikkila Adamu a Eva, alimwi eyo nje nzila Nja tubikka.

44 Twe elede kwiibaluka, kuti takukwe makani eco nco tucita, na obo mbo tuli bazwidilide, mu buumi, kakutakwe Kristo twa kasweekelwa zintu zyoonse cakumaninina. Aboobo ikuti Walo, kumane . . . Ikuti na Ngu coonse eco ciliko caku langila, mpawo inga twaba bantu bafubafuba loko kuta Ci tambula, kuba, a— a ku Ci mamela. Kutali buyo ku Mu tambula, pele waboola ku cintu cimwi cipati loko kwiinda eco. Wa mana ku Ci jana, muta Ci bwezi a ku Ci leka kucibelesya. Pele ceelede kubelesegwa.

45 Mbuli kwiinka kuli dokotela kuyo bweza musamu, elyo mpoonya kuta ubelesya. Ikuti na wainka kuyo bweza musamu, kuubelesya musamu. Ikuti na kuli bulwazi bukupenzya, nkabela oku kusilikwa kweelede ku kugwasya, kobelesya eco nca kupa; alimwi a nzila buyo eyo njaamba kuti koupa, nkaambo ciindi cimwi kwa maminiti buyo masyoonto kubamba lwandaano lunji munzila njoupa. Elyo nzila mbo tuzi . . .

46 Pele mu kaambo aka, sunu, kusala kwako komwe buyo inga kuyo bamba nkoya kwa Butamani. Ko Ci bweza buyo mbuli Mbwa Ci pa kuli nduwe.

I citondezyo, “I bulowa buyo mubeda citondezyo.”

47 Lino mbo cibede, kusaanguna, i citondezyo? Ndi bala eelyo libelesegwa kanji aakati ka ndiswe bantu baambaula Chikuwa, kapati kuno mu America. I citondezyo ngu i . . . Mukasimpe, dikishinari li laamba kuti citondezyo ncizibyo, ncizibyo ca lweendo, muulo wabbadelwa, mwabona; kuti i—i lweendo, na muulo, muulo uuyandika wabbadelwa.

48 Mbuli lweendo lwa munzila ya citima mu lweendo lwa munzila ya mabbasi. Yebo ula njila a kubadelela lweendo lwako—lwako, elyo mpawo bala kupa citondezyo, alimwi eco citondezyo tacikonzyi kubelesegwa ku cintu cimbi cita muzila ya zitima. Alimwi ncitondezyo, ku kkampani ya nzila ya zitima, kuti wa badelela lweendo lwako. Ngu citondezyo, alimwi tokonzyi kuli belesya ku cintu cimbi. Tali beleki munzila iili yoonse iimbi. Li beleka buyo munzila eyo. Elyo ngu—ngu citondezyo.

49 Lino kunselelo kuya, kuti twaambaula, awo mpo tu talikila, ngu Leza kaambila Israyeli, “I bulowa bwa kabelele ncitondezyo kuli ndinywe.” Kabelele ka Israyeli, kakajaigwa, cakali citondezyo ciyandika ca Jehova. Bweelede kuba bulowa. Leza waka bamba citondezyo a kucipa kuli Israyeli. Nkabela kwiina citondezyo cimbi ciyo beleka, mwabona, tacikonzyi kuzuminwa.

⁵⁰ Ku nyika, Ni nkamu ya bafubafuba. Pele, kuli Leza, Ni nzila ilikke. I cintu buyo eco Nca yanda Ncitondezyo eco. Ceelede kuba awo. Alimwi tokonzyi kuba a Citondezyo kusikila lweendo lwa bbadelelwa, mpawo nduwe sikuvuba wa Citondezyo eco cikupa i—i coolwe cakwiinda kwabuyo. “Nda kubona Bulowa, Njo mwiindilila.” Ino nciindi, cakuti, ino ncoolwe, kuziba kuti uli bwezede, mukati ka nduwe, Cakwiinzya. “Ciindi Nda bona Bulowa, Njo mwiindilila.” Nce cintu cilikke eco Nca yozumina. Taakwe cintu cimbi eco ciyo bweza busena bwa Ncico; kwiina ciiminizyo, kwiina kabungwe, kwiina cintu cimbi. Ci tola Eco. Leza wakati, “Eco cilikke nce Njo bona.”

⁵¹ Takukwe makani obo mbo kali balulami, obo mbo bakali babotu, obo mbo bakajisi lwiiyo lunji, obo mbo bakasamide, citondezyo cakali cintu cilikke. “Cindi Nda bona citondezyo, Njo mwiindilila.” I bulowa bwakali citondezyo cakuti i—i ncakali kuyanda Jehova kuti cizulile, kuti caka citwa. I bulowa bwakaiminina citondezyo. I bulowa cakali citondezyo. Mwabona? I buumi obo . . .

⁵² Leza wa kaamba kuti, “I buzuba mbo muyoolya kuli nguwo, buzuba obo muyo fwa.” Elyo kwakali buumi bwa ciimo caciiminizyo ku buumi bwa musyomi. Leza, mu luse, wakatambula ciiminizyo ca buumi bwa muntu wakasofwaala. Cindi mwana Wakwe nakali sofwaazya ku cibi, kutasyoma Ijwi, mpawo Leza, uuvubide mu luse, wakabamba ciiminizyo; alimwi, eco cakali, cintu cimwi cakeelede kufwa mu busena bwaco. Taakwe cintu cimbi cakali kukonzya kubeleka.

⁵³ Ako nke kaambo maapele a mapeachi aa Kaini, a zimwi zimbi, tii zyaka beleka. Bwa keelede kuba buumi obo bwa kajisi bulowa muli mbubo, nkabela buumi bwakazwa ku cituuzyo, nkabela eno bulowa bwakali citondezyo kuteeti malailile aa Leza aka citwa. Lino, ino Leza wakayanda nzi? Buumi; a bulowa bwaka tondezya kuti kwa keelede kuba buumi bwakazwa. Aboobo bulowa bwakali citondezyo cakuti buumi bwakapegwa, kuti cintu cimwi caka fwa, ceelelo ca Leza; kuti buumi bwapegwa, a bulowa bwa katilwa. Alimwi bulowa bwa kaiminina citondezyo, kuti buumi bwa kazwa. I buumi bwa munyama obo Leza mbwa kaamba bweelede kubwezwa, bwakali bulowa bwakaiminina citondezyo. Mwabona?

⁵⁴ I—i—i mukombi uusyoma wakalizibya a cituuzyo cakwe, kwiinda ku citondezyo. Ta ndilombozyi kutola ciindi cilamfu aa tubalululo otu tuniini, pele, kwalo inga mwatola kuswangana koonse aali komwe kato, pele Ndi yanda kwiima awa kwa kaindi kaniini kupandulula eco. I—i—i musyomi wa kaleelede kulizibya a cituuzyo cakwe. Mwabona? Ikuti na ncituuzyo buyo a—a kubambwa kubusena bumwi kuya, wa kaleelede kucipa; pele wa keelede kulizibya muli ncico. Mukasimpe, wa kabikka maanza aakwe aali ncico, kusaanguna, kulizibya mwini a cituuzyo cakwe. Nkabela mpawo bulowa bwaka bikkwa aa busena mpa

kali kukonzya kwiima kungsi aa bulowa. I bulowa bweelede kuba aali nguwe. Elyo eco cakali citondezyo cakuti wakalizibya mwini, kuba aa mulandu, alimwi wakatondezya kuti ciiminizyo citakwe kaambo caka bweza busena bwakwe.

⁵⁵ Ino cifwanikiso cibotu! Oh, i wakanununwa! Mwabona, kululama kwa kazulila, alimwi kululama kusalala kwa cecelelo ca Leza kwa kazulila. Alimwi Leza wakati, “Lino Njo yanda buumi bwako,” alimwi mpawo, cindi i—i—i buumi nobwa kabisya. Mpawo ciiminizyo citakwe bubi caka bweza busena bwaco. Alimwi bwakali bulowa bwa munyama; kutali appele, peachi. Eco ceelede kumaninina kubamba lunyungu lwa nzoka kuba antangalala loko ku bantu boonse, kuti bwakali bulowa. Nkabela obu bulowa, obo bwata kakonzya kuzwa ku mucelo, bwakazwa ku ciiminizyo citakwe kaambo. Nkabela buumi bwakazwa, abwalo—abwalo, mu busena bwakwe, alimwi bulowa cakali cikozyano cakuti munyama wakafwa a bulowa bwakazwa.

⁵⁶ Elyo mukombi wakabikka bulowa aali lwakwe, katondezya kuti wakalizibya mu lununuko, nkaambo wa walizibya mwini a . . . ku cituuzyo, kali swaanganya mwini ku cituuzyo, a bulowa bwaka iminina citondezyo.

⁵⁷ Obo—obo mbocili cibotu! Ino ncifwanikiso! Ncikozyano cilondokede ca Kristo, mbubonya buyo, musyomi sunu kaimvwi kungsi aa Bulowa bwakatilwa, ula lizibya a Cituuzyo. Buyo cakulondoka mbuli—mbuli mbo cikonzya kuba, kwa nzila eyo Kristo, kutali—kutali kuba munyama . . . Nywebo mwabona, i—i munyama wakafwa, pele cakali . . .

⁵⁸ I cintu citakwe kaambo loko eco nco tujisi, Nda yeeyela, cinga caba, i—i munyama, i—i kabelele. Cindi Leza nakali kuyanda kuzibya Jesu Kristo, Wa ka Mu zibya kali Kabelele. Elyo cindi Na kali kuyanda kuli zibya Mwini, Wa kalizibya Mwini mbuli muyuni, i Nziba. Alimwi nziba taikwe bubi loko a isalala loko ku buumi boonse bwa bayuni, alimwi i—i kabelele katakwe bubi loko a kusalala ku buumi boonse bwa banyama. Aboobo nywebo mulabona cindi i . . .

⁵⁹ Jesu waka bapatizigwa a Johane, alimwi Bbaibbele lyakati, “Elyo—elyo wa kabona Muuya wa Leza, mbuli nziba, kuuseluka aanso aali Nguwe.” Aboobo ikuti nikwakali kuti i . . . Ikuti nikwa kali kunga ngu uumpe, na ikuti nakali munyama uumbi uuli oonse, i—i bupange bwa nziba nibwa takakonzya kusangana a bulenge bwa uumpe, na kukonzya i—i bulenge bwa nziba kusangana a munyama uumbi uuli oonse pele kabelele. Elyo bulenge obo bobile bwaka sangana, mpawo bakali kukonzya kuzuminana bumwi abumwi.

⁶⁰ Lino sena mula bona lukanzo? Ka kali kabelele nika kaboola kuya. Mwabona? Mwabona? I . . . Ka kali kabelele cindi ni—ni

kakaletwa. Ka kali kabelele. Ka kazyalwa kakali kabelele. Ka kakomezegwa, i kabelele. Mwabona?

⁶¹ Elyo, aboobo, oyo ngu musyobo luzutu wa Muuya wakasimpe oyo uukonzya kutambula Ijwi, obo bukonzya kutambula Kristo. Bunji bwabo buyosola, bwakasola ku Ci tambula, a kubikka Muuya wa Leza aali uumpe, mwabona, uunyemede, siluuni, mubyaabi. Ta ukokkala awo. I Muuya Uusalala uuluka buyo akuzwa mpoonya. Ta uka ciciti pe.

⁶² Ino kuti Nziba eyo niya kaseluka aansii, alimwi, mu busena bwa Njiyo kuba Kabelele, nokunga kwakali munyama umwi uumbi? Niya kafwambaana kutola kuuluka Kwayo a kujoka. Mwabona? Pele cindi Na kajana bulenge obo Mbwa kali kukonzya kusangana, Ca kaba buyo Comwe.

⁶³ Elyo mpawo i—i—i Nziba yaka sololela Kabelele, alimwi, amubone, Ya kasololela Kabelele ku kujajigwa. Lino, Kabelele kakali kuswiilila ku Nziba. Mwabona? Takukwe makani oko Nko ya Ka sololela, Ya kali libambilide kuunka.

⁶⁴ Nda yeeya, sunu, cindi Leza atu sololela ku i—i buumi bwakulipa kumaninide a ku mulimo kuli Nguwe, Nda yeeya ikuti na myuuya yesu mpawo ciindi cimwi tai papili, kubaanga nku tondezya eco, ndayeeya ikuti na tuli kabelele? Mwabona? Mwabona? I kabelele kaswiilila.

⁶⁵ I kabelele kalali tuula keni. Ta—ta ka—ta ka bwezi, kuli taminina kweni. Ula kalazika aansii eeni a ku kagela boya kuzwa kuli nkako. Eco nco cintu buyo nco kajisi. Ta ka—ka kaambi kufumbwa cintu kujatikizya nco; katuula buyo zintu zyoonse nzo kajisi. Ako nkabelele. Kala pa zintu zyoonse kuli wa . . . lapa zintu zyoonse, lwako a koonse mbokabede.

⁶⁶ Elyo eyo nje nzila Munakristo wini mbwa bedede, ikuti na bali . . . ku lituula beni, kuta mamela cintu ca nyika eyi, pele kupa koonse nko bajisi kuli Leza. Mwabona?

⁶⁷ Elyo eno aka kakali Kabelele kalondokede, Kristo mbwakabede. Elyo mpawo kwiinda ku kutilwa bulowa bwa kabelele aka, kabelele kakunyama mu Egepita, bulowa bwaka bikkwa, alimwi, cindi nibwa kacitwa, bwa kaiminina citondezyo, mpawo aceeco cinga caba Bulowa bwa Kabelele aka nco bunga bwaiminina? Mwabona? I Citondezyo akuti tuli fwide kuli lwesu a kulizibya a Cituuzyo cesu. Mwabona? Mpawo, Kabelele a i—a i—i Bulowa a muntu zyaka lizibya antoomwe, Cituuzyo a musyomi. Mwabona, walizibya mu buumi bwako, kwiinda ku Cituuzyo cako. Eco cikubamba mbobede.

⁶⁸ Mpawo bulowa bwakali citondezyo, na cizibyo. I bulowa bwakazibya kuti mukombi wakajaya kabelele, a kutambula kabelele, a kubikka citondezyo kuli lwakwe, kuti taakali kufwansoni. Wa kanyina makani oyo waka cibona. Wa kali kuyanda bantu boonse kuti bacibone, alimwi caka bikkwa mu

busena obo cakuti kufumbwa bantu boonse baina aambali bakali kukonzya kubona citondezyo eco.

⁶⁹ Mwabona, bantu banji bayanda kuba Banakristo, alimwi bala—bala—bala botelwa kucicita kumbali kutegwa taakwe muntu uunga—uunga waziba kuti bakali Banakristo. Na, i—i balongwe mbo babeleka aamwi, bamwi babo inga bayeeya, “Ee, eno, amulange, Ndi—Ndi—Ndi yanda kuba Munakristo, pele Ta ndiyandi kuba a *Niini-a-niini* kuziba makani aaco.” Mwabona? Ee, eno, nywebo mwabona, obo tabuli Bunakristo.

⁷⁰ Bunakristo bweelede kutondezya Citondezyo cabo, mwabona, ku buleya, mu buumi bwabuleya, ku offesi, mu kagwagwa, cindi mapenzi naliko koonse, kufumbwa cintu, mu mbungano, kumasena oonse aambi. I Bulowa ngu Citondezyo, alimwi Citondezyo ceelede kubikkwa, mwabona, na (ta cili) akwalo citondezyo tacibeleki.

⁷¹ I bulowa bwakali citondezyo, na cizibyoy, kuzibya muntu oyu kuti wanununwa. Lino, ee, amubone, ba kajisi, ba kanununwa kakutanaba cintu cili coonse eco cakasola kucitika. Ku lusyomo baka bikka bulowa. Mwabona, kacitana citika bwini, bulowa bwaka bikkwa ku lusyomo, kusyoma kuti ciyo citika. Mwabona? Kakutanaba eco bukali bwa Leza bwakainda mu nyika, bulowa bwa keelede kubikkwa, kusaanguna. Caka manide kale ciindi nikwa kamana kuwa bukali.

⁷² Lino tu jisi ciyo kuya eco nco tukonzya ncobeni, ndiza ku cileta ku muzezo wanu, kaindi buyo kaniini. Amulange, *kacitana* citika, kuboola ciindi eco nomu takakonzyi kubikka kufumbwa Bulowa.

⁷³ I kabelele kakajaigwa ku ciindi caku mangolezya, nikaka mana kuyobolwa kwa mazuba aali kkumi aone. Elyo mpawo kabelele kakajaigwa a buowa bwaka bikkwa ku ciindi caku mangolezya. Sa mwa cimvwa? I citondezyo cakaboola mukuba kusikila ciindi caku mangolezya.

⁷⁴ Elyo eci nciindi caku mangolezya ca bukkalo obo mbo tupona mo. Eci nciindi caku mangolezya ca—ca Mbungano. Eci nciindi caku mangolezya kuli ndime. Eci nciindi caku mangolezya ca Mulumbe wangu. Ndili mukufwa. Nda unka. Ndili mukuzwa, mu ciindi caku mangolezya ca Makani mabotu. Elyo twa boola kwiinda mu kululamikwa, a zimwi zimbi, pele eci nciindi kwalo Citondezyo no ceelede kubikkwa. Nda kamwaambila Munsondo mwakainda kuti Nda kajisi cintu cimwi nce Ndi yanda kwaambaula kuli ndinywe; nce nciiceci. I ciindi eco kwalo no—no muta konzyi ku Ci sobanya. Ceelede ku citwa. Ikuti na ciyo solwa kucitwa, ceelede kucitwa lino. Nkaambo, inga twa bona kuti bukali buli aafwi kwiinda mu nyika, a zintu zyoonse kuzwa kungsi lya Citondezyo eco noziyo nyonyooka. I Bulowa, bwa muzibya. Amubone.

⁷⁵ Nkambo, buumi bwa munyama tii bwakali kukonzya kujoka aa muntunsi. Cindi bulowa nobwa katilwa, buumi bwakazwa, mu bwini, nkaambo bwakali bube bwa ceelesyo. Elyo cindi bulowa bwa buumi nobwa kazwa kuli ncico, buumi ka bwandeene kuzwa ku bulowa... Lino, lino bulowa mbupange bwa buumi, pele buumi ncintu cimwi caandeene ku bulowa, pele buumi buli mu bulowa. Alimwi buumi bwa munyama tii bwa kakonzya kujoka aa mukombi pe. Cindi nakatila bulowa obu bwa kabelele, wa kabikka bupange, nkaambo kakuti i—i buumi bwa kazwa nkabela tii bwakali kukonzya kujoka.

⁷⁶ Nkaambo, tii bwaka konzya kujoka aa muntunsi, nkaambo buumi bwa munyama tabu jisi buntu. I munyama tazi kuti uula cinswe, alimwi ta—ta buyo... Ta mvwisyi cibi kuti ninzi. Taakwe ncazi pe, aboobo mpawo ncilenge cipona pele tacikwe buntu bupona. Aboobo, obo buumi bwa munyama tii bwakakonzya kujoka aa buumi bwa muntunsi, nkaambo tabu jisi buntu mu buumi obo. Lino, kuli buumi, bulowa; buumi, a buntu mu buumi; buntu mbulenge bwa buumi. Aboobo, tii bwa kajisi bulenge bumwi, wa kali munyama, aboobo bulowa bwakaiminina citondezyo kuteeti buumi bwa kapegwa.

⁷⁷ Pele mu busena obu bwabulemu, kungsi aa cizuminano eci, kuli lwandaano aakati ka Bulowa a Buumi. I Citondezyo ca musyomi sunu ngu Muuya Uusalala; kutali bulowa, bupange, pele Ngu Muuya Uusalala wa Leza. Eco nce Citondezyo calo Leza ncayanda ica Mbungano sunu. Leza weelede kubona Citondezyo eci. We elede ku Ci bona muli umwi aumwi wesu.

⁷⁸ Aboobo, mbuli kuusa a kuungumana kwa mangolezya mbo zili mukulibonya, alimwi bukali buli bambidwe kutilwa kuzwa Kujulu, aa masi aatali aa bunaleza, alimwi aa batasyomi batali lemeki kabotu, aali i—i basikulitaminina kakutakwe lukono, aa zintu ezi! Elyo Nda—Nda soleka kuli yubununa lwangu a kupona kabotu aakati kabo, kubona awo mpo ciimvwi, ka Ndi tana kwaamba zintu ezi. Lino tupona mu kuusa a kuungumana, nkabela bukali buli libambilide kuuma, nkabela Leza uli mukusesa Citondezyo kuti yebo omwini weelede kutambula Citondezyo Cakwe, Muuya Uusalala. Ne nzila buyo, a cizibyo buyo eco Leza ncayo sola kwiinda, nkaambo Ngu Buumi bwini bwa Jesu Kristo kabujoka mu musyomi.

⁷⁹ I buumi bwa munyama tii bwaka konzya kujoka, aboobo bulowa bwa ka bikkwa aa citendele, aa cikunguzyo aa musende wa citendele; kutegwa basikwiinda boonse, buleya boonse, bantu boonse baina ku ng'anda, bakalizi kuti kwakali i—i cizibyo aa citendele eco, ca bulowa, kuti buumi bwa kafwa aa citendele eco. Ameni!

⁸⁰ Eyo nje nzila mbo yeelede kuba basyomi boonse sunu, bakazuzigwa a Muuya Uusalala; Citondezyo cakuti Bulowa bwakatilwa bwa Kabelele, Buumi obo bwakali mu Kabelele,

bwajoka a kunamatikwa ku buleya mukati muya, kuti bantu boonse bainda munsu, baambaula kuli nduwe, kufumbwa balongwe mbo jisi, kubona kuti Bulowa bwabikkwa, alimwi Citondezyo ca Buumi eco cakali mu Bulowa obo cili aali nduwe. Yebo uli kwabilidwe ku bukali. Eco luzutu; kutali bumembala. Peepe, munene!

⁸¹ I buumi bwa munyama tii bwaka konzya kuboola aa musyomi, nkaambo wakali munyama, alimwi bwakali kwaamba buyo manjezeezya, kutondezya kuti kuyo boola Cituuzyo cilondokede.

⁸² Elyo, eno, mbobuti mbo kukonzya kuba Cituuzyo cilondokede loko kwiinda Leza Mwini kali mukuba Mulungo, Mwini? Cindi Leza nakaba mu mubili wabuntu, mu Bulowa Bwakwe Mwini ibwakalengwa, kuti bwa . . .nzila luzutu kuti Buumi bwa Leza bukonzye kusola kujoka.

⁸³ Nkaambo, toonse swebo twaka zyalwa kwiinda ku lulalano, nkabela buumi obo buli mukati muya mbwa nyika, alimwi buumi obo tabu kaimi. Ngu cintu eco cibetekedwe kale a kupegwa mulandu. Yebo to konzyi kuci gambika. Kwiina nzila yaku cigambika. Kwiina nzila ya—ya kuciboty. Kwiina nzila yaku cibamba kuba kabotu maningi. Ci leelede kufwa! Eco nce ceelelo cilikke ciliko. Ci leelede kufwa.

⁸⁴ Elyo Ciiminizyo, Buumi bwa Jesu Kristo, bweelede kuboola muli ndinywe, buli ngu Muuya Uusalala, Citondezyo ca Leza; kuti mwaka tambula Bulowa bwa Mwana Wakwe, Jesu Kristo.

⁸⁵ Aboobo, mu mazuba aa Wesley na . . .I mazuba aakwa Luther, wa kali muzeezo, “ku syoma.” Mu mazuba akwa Wesley, “bupange bwa Bulowa.” Pele buzuba obu bwa mamanino, awo i—i Citondezyo mpo ciyandika. Eco cibamba, antoomwe, bube boonse bweelede bwa Kukwempwa. Mwa cibona na? [Mbunga yaamba, “Ameni.”—Mul.]

⁸⁶ Maanzi, bulowa, a muuya zilazwa cindi mutumbu aazyala muvwanda. I cintu citaanzi cipasuka, kuzyalwa kweelede, ngu maanzi, cintu cabili ngu bulowa, alimwi cintu citobela mbuumi.

⁸⁷ Kuya kwakazwa ku mubili wa Mwami Jesu Kristo: maanzi, Bulowa, a Buumi. Elyo Mbungano yoonse, Nabwiinga, antoomwe, ya kayakwa kwiinda ku kululamikwa, kusalazigwa, a lubapatizyo lwa Muuya Uusalala, uuli ngo Citondezyo.

⁸⁸ Mbuli ba Hebrayo 11 ilati, “Boonse abo baka tuntulika koonse mu zikutu zyambebele a zikutu zyampongo, nkabela bakanyina zilao, a zintu ezi zyoonse nzo bakacita, nekubaboobo taakwe noba kalondolwa kakutakwe ndiswe.”

⁸⁹ Elyo Mbungano mu buzuba buno, eyo yatambula Citondezyo, ca lubapatizyo lwa Muuya Uusalala, kuti Bulowa bwakatilwa a kuti Muuya Uusalala uuli aa Mbungano; kakutakwe ndiswe, mpawo, taba konzyi kubuka. Pele ba

langilila kuli ndiswe, nkambo Leza waka syomezya kuti Uyo oba a Njiyo, alimwi muntu uyooba kuya. Ta ndizi abo bayooba, pele muntu umwi uyo Utambula. I cintu buyo nce Ndi cita, Nku kambauka. Mulimo wa Leza kupakamana a kuvwima eyo mbuto yaka kanzwa. Ba yoobako, nekuba. Nkaambo, ba yoobako, umwi aumwi wabo, umwi aumbi; bukkalo bwa maanzi, bukkalo bwa Bulowa, alimwi eno bukkalo bwa Citondezyo ibwa Muuya Uusalala.

⁹⁰ Elyo, amwiibaluke, Israyeli kaiinda mu zintu zinji, pele cakali ciindi caku mangolezya cindi citondezyo nocakali kuyandika; kutali kuseeni, kutali mu kulibambila, mazuba aali kkumi aone kuyobola kabelele. Israyeli yakalizi cintu cimwi cakali kuboola.

⁹¹ Mbubonya Luther mbwa kacizi, mbubonya Wesley mbwa kacizi, mbubonya Finney, Knox, Calvin, mbo bakacizi. Eci nce Ncico! Ba kalizi kuti kuyoosika ciindi cakuti Musumpululu wa Mulilo inga uyo bweeda ku Mbungano. Ba kalizi kuti inga kuyooba ciindi cakuti zintu ezi ziyo citika, pele tii baka pona kucibona, pele bakali kucilangila kumbele.

⁹² Israyeli yakalizi kuti cintu cimwi cakali kuboola, pele cakali ciindi caku mangolezya cindi bulowa obo bwa kabelele, citondezyo, nibwa kabikkwa aa citendele. Nekubaboobo, kabelele ka katuulidwe kale.

⁹³ Kali Kabelele mu ciindi coonse. Kakali Kabelele mu ciindi ca Luther, kakali Kabelele—Kabelele mu ciindi ca Wesley, pele eno nciindi ca Citondezyo kuteeti maanda oonse eelede kuvumbwa aa Citondezyo. Maanda oonse aa Leza eelede kuvumbwa a Citondezyo. Boonse abo bali mukati kanguwo beelede kuvumbwa a Citondezyo. Elyo Ng'anda ya Leza ngu Mubili wa Jesu Kristo, alimwi kwiinda ku Muuya omwe toonse twa kabapatizigwa mu Citondezyo eci a kuba cibeela ca Ncico, kuti, Leza wakati, “Cindi Nda bona Citondezyo eci cazibisigwa, Njo mwiindilila.” Ino ndi oora ndyo tupona eno! Oh!

⁹⁴ I bulowa bwakazibya, bwakazibya musyomi, nkaambo buumi bwakazwa, tii bwaka konzya kujoka, aboobo wa kaleelede kuba a—a bupange. Wa kaleelede kuba ambululi penti, bulowa, bupange obo bwa katondezya kuti buumi bwakazwa kuli ncico.

⁹⁵ Lino nguonya Muuya Lwawo ngo Citondezyo. I Muuya Uusalala Lwawo ngo Citondezyo, kutali Bulowa. I Bulowa bwakatilwa aa Kalivari, obo mbwini. Pele Bulowa, kuciimo mbobubede, bwaka jokela mu zibeela zya ntalisyo oko nkobwa kazwida, kuzwa kuli cakulya eco Nca kaponena. Pele, nywebo mwabona, mukati ka seelo lya Bulowa mwakali Buumi obo bwaka talisya seelo lya Bulowa kweenda. Ikuti na lyakali... I bupange tii bwaka jisi Buumi muli mbubo, bwini, elyo aboobo tii bwakali kukonzya kweenda. Pele cindi Buumi nibwa kanjila

mu bube bwa bulowa, Bwa kapanga seelo. Bwa kapanga seelo Lyalo Lini, mpawo seelo kutobela seelo, mpawo lya kaba Muntu. Elyo Muntu oyo wakali Leza, Emanuele, mu mubili. Pele cindi Buumi obo nibwa kajoka, bupange bwa kanjila muli mbubo, pele Citondezyo ngu Muuya Uusalala aa Mbungano, cakuti babona Kristo.

⁹⁶ Ci leelede kuba, nkaambo mwanakazi a mulumi wakwe baba bomwe. Balaba bomwe. Elyo mbubonya Nabwiinga a Kristo baba Bomwe. I mulimo wa Nabwiinga, a mulimo wa Kristo, ncintu comwe. Elyo amwiibaluke, “Aya malembo aakale, O Teofilo, Nda kulembela, kuti Jesu wakatalika kucita akuzumanana kucita.” Lufu lwakwe tii lwa ka Mu lesya. Peepe, munene! Wa kabweeda alubo. Kutali muntu watatu, pele Muntu nguonya wakajoka alubo mu ciimo ca Muuya Uusalala, a kuzumanana kubeleka; alimwi uciyabuya, lya kaamba Bbuku lya Incito. “Jesu Kristo mbubuca nguwenya, sunu, amuya myaaka.” Eco nce Citondezyo. Eco nce cizibyo.

⁹⁷ Cindi Petro a Johane noba kainda ku mulyango uutegwa Mubotu, awo kwaka kkedede muntu oyo wakali kusunkuta, mulema kuzwa mwida lya banyina, nkabela wa kati, “Nsiliva a ngolida ta Ndi jisi; pele mbuli ceeci Nce jisi, Nda kupa. Mu Zina lya Jesu Kristo waku Nazareta, konyamuka weenda.” Mwabona? Elyo ba kaambaula kuli mbabo, nkabela bakaziba kuti bakali bantu buyo a batayiide, pele kwa kazibwa kuli mbabo kuti bakali aa Jesu. Mwabona, Citondezyo cakaliko, katondezegwa. Mwabona, “Mbuli ceeci nce Ndi jisi!” Wabona mukwesu, uutakweankwaya wakawa kakkede awo, kalemene a kupilingana buboneki, a zintu zyoonse. Elyo Buumi mbubonya obo bwakali muli Kristo bwakali muli mbabo, “Mbuli ceeci nce Ndi jisi!”

⁹⁸ “Mu Zina Lyangu muyo tanda badyabulosi.” Kutali, “Njo cita.” “Mu yocita!” “Ikuti na mwaambila dundu eli!” Kutali, “Ikuti Nda amba.” “Ikuti na mwaambila dundu eli!”

⁹⁹ Oh, mukwesu, nciindi ca Citondezyo eco kuti citondezegwa cili afwaafwi. Inga twa cibona. Tu lizi kuti tuli munsu ku mamaninino eno. Twa leta misyobo yoonse ya milumbe, kutondezya zizibyo a zigambyo, elyo eno mpaawa twa jokela eco Mbungano ncoelede kucita. I Citondezyo ceelede kutondezegwa. “Cindi Nda bona Bulowa, Njo mwiindilila.” Taakwe cintu cimbi cinga cabeleka. Bweelede kuba Bulowa. Lino, Muuya Uusalala ngo Citondezyo cesu, kuzwa kwa Leza.

¹⁰⁰ Mbuli silwiiyo mupati wa zyaabukombi, i-i sicikolo, mukwesu muna Baptisti, mwaalumi mubotu, siciimo cibotu, cindi na kaboola kuli ndime ciindi cimwi, nkabela wakati, “Mukwesu Branham,” wa kati, “yebo waambaula zya Muuya Uusalala oyu,” wa kati, “baa, eco facili cintu cipya.” Kati, “Twa ka Uyiisya kuzwa ku matalikilo, kwiinda mu makkalo.” Elyo

Nda—Nda kati, ee, Njo... Wa kati, “Twa katambula Muuya Uusalala.”

101 Nda kati, “Ndilili noka Uta mbula?”

102 Wa kati, “Cindi ni Nda kasyoma.” Nkaambo, Ndi lizi kuti lwakali lwiiyo lwabukombi lwa Baptisti, kuti yebo, cindi yebo wasyoma, yebo ulatambula Muuya Uusalala.

103 Nda kati, “Mpawo Paulo wakati, mu Incito 19, ku nkamu, kabunga ka Baptisti, bali, mukambausi wa Baptisti oyo wakali umwi wa basanduki ba Johane, wakali kutondezya kwiinda mu Bbaibbele kuteeti Jesu wakali Kristo.”

104 “Cindi naakinda ku cisi cibambene a caba Efeso, wa kajana basikwiiya bamwi, nkabela wa kati kuli mbabo, ‘Sena mwaka tambula Muuya Uusalala *kuzwa* nomwa kasyoma?’ Ba kati, ‘Ta tuzi naa kuli Muuya Uusalala uuli oonse.’” Mpawo wa kaba buzya nzila mbo baka bapatizigwa. Elyo tii baka bapatizigwa mu Zina Iya Jesu Kristo pe, Kabelele kakatuulwa. Tii baka lizibya a Nguwe, nokuceya. Ba kacisyoma buyo; mbuli musamu kaukakede awo, nkabela tii bakaubelesya. Paulo waka balailila kubapatizigwa alimwi, mu Zina Iya Jesu Kristo.

105 Elyo cindi naka cita eci, mpawo Citondezyo caka boola aali mbabo. Ba kali zibya ku milimo a zizibyo zya Muuya Uusalala, kwambaula mu myaambo kwiinda muli mbabo, a kusinsima, a kulemeka Leza. Ba kali zibya mbuli—mbuli Cituuzyo cabo.

106 Elyo Muuya Uusalala ncizibyo cesu. Nce ncico cituzibya kuba Banakristo. Kutali bumembala bwesu mu mabungano, kutali kumvwisya kwesu kwa Bbaibbele, kutali kunji nko tuzi kujatikizya Bbaibbele. Nkunji kwa mbozi kujatikizya Mukamwini, mwabona, kunji kwa Mukamwini mbwa pona muli nduwe. Nku—nku liyanda kwako kwamana. To ciko pe. Wa lilanganya kuba uufwide, a Citondezyo nce ncico cipona muli nduwe. Elyo Ta buli buumi bwako; Walo Nguwe.

107 Paulo wakati, “I buumi obo mbo Ndi pona eno.” Wa kapona buumi bwandeene kuzwa obo mbwa kali kucita kaindi. “Ta ndili ndime, pele Kristo nguupona muli ndime.” Nceeco Citondezyo calizibya eco Leza ncaayanda. Kulizibya a cesu... Cizibyo a Cituuzyo cesu, Buumi bwa Mufutuli wesu muli ndiswe, Muuya Uusalala.

108 Oh, ino i—i ngo Citondezyo cakasimpe! Ta kukonzyi kuba Citondezyo cimbi. Oh, ma, ikuti na mwakonzya kujata i—i muzeezo waco. Ikuti na Nda jisi i—i nguzu kuseeni kuno, a majwi, a kutondezya a kubikka mu buntu bwanu obo buli mukati; kutali matwi aanu, pele buntu bwanu, alimwi inga mwa—mwa bona kaanzambwene Kaco. Ci—ci tola, Ci mubamba kwaanguluka loko.

109 Ino kuti nomwali, kacita mulandu, nkabela mwali kuunka kuyo solekwa mu nkuta mpati. Elyo mulizi, kuti na bamujana

kaambo, cakuti muyoofwa, mwa kali kuunka ku cuuno ca kujazigwa aa malaiti, na kaanda ka busi bujaya, na kufumbwa kubeleka mulimo wa kujaya ku buleya ndobali kuyo mubambila, ndiza kwaangililwa, na cintu cimwi, kujaigwa nkaambo na mulandu, kufumbwa cisubulo mbo cakabede. Elyo nywebo mulizi mwaka jisi. . . Mwa kajisi kaambo. Mulizi mwa kajanwa kaambo, nkabela mweelede kufwa ikuti na tii mwajana simulao umwi wa ku mwiiminina, kutegwa inga mwazwa ku cintu. Elyo eno inga mwayanda simulao mubotu maningi oyo ngo mukonzya kujana.

¹¹⁰ Elyo mpawo kujana simulao oyo wakali simulao, mubotu a musongo, inga mwalimvwa kuti kaambo kanu kakali kaniini. . . inga mwaanguluka aniini, nkaambo mwa kajisi simulao. Pele nekuba inga kwaba mubuzyo naa simulao uyo cinca muzeezo wa mubetesi, na kucinca muzeezo wa nkamu ya bakosola twaambo; ikuti na simulao, uujisi ku kanana kwa busongo a kuziba kwa milao, inga wacinca eco, alimwi kukonzya kutondezya akukazizya kaambo kanu a kutondezya kuti—kuti mweelede kupona. Pele nekuba, muli boonse bwami bwakwe—bwakwe bupati a mubandi mulemu uyo ngwa kali kukonzya kupanga, a muyeeyo ngwanga wabikka ku nkamu ya bakosola twaambo na kuba a mubetesi, nywebo—nywebo inga—nywebo inga. . . Ndiza inga mwaanguluka kwa maminiti masyoonto, pele nekubaboobo inga kakucili mubuzyo mu muzeezo wanu, “Sa inga wacicita?”

¹¹¹ Pele mu kaambo aka, Mubetesi Mwini waba Simulao wesu. Leza wakaba muntu. Kwa kanyina simulao wakali kukonzya kucicita. Tee twa kakonzya kujana umwi. Musa, a Mulao, basinsimi, taakwe waka konzya kucicita. Aboobo Mubetesi wakaba koonse Sikukosola twaambo, Simulao, a Mubetesi, Mwini; a kubweza kululama kwa Mulao Wakwe mu maanza Aakwe Mwini, a kubbadelela muulo waco, Mwini. Nkunji buti kukwabililwa nko tunga twaba? Elyo katuma Buumi Bwakwe Mwini kujokela aali ndiswe, mbuli kamboni oyo Wa mutambula. Ino mbukwabilizi!

¹¹² “Inzya, nekuba kuti Nde enda mu kkuti lya cimvule ca lufu, Nse kayoowi bubu, nkambo Yebo uuli a ndime.”

¹¹³ Cindi Na kaba koonse Mubetesi, Sikukosola twaambo, a— a Simulao, Wa katondezya a kukazizya kaambo kesu. Swebo, baka janwa kaambo kwiinda ku Mulao Wakwe Mwini; nkabela Wa kasika a kubweza busena bwa bantu baka janwa twaambo, oko mwakali mu cilao cisalala. Wa kabweza zibi zyabo. Wa kazibikka aali Nguwe, a kufwa, a kubbadelela muulo, a kutila Bulowa Bwakwe, a kujosya Citondezyo Cakwe Mwini, Buumi Bwakwe Mwini.

¹¹⁴ Baa, tuli muciiimo cilondekede. I kaambo kalesegwa kubetekwa. Takucikwe cibi zimbi ku musyomi. O Leza, koba a luse, ikuti bantu taba konzyi kubona eco, kuti takucikwe

kaambo pe. “Oyo uumvwa Majwi Aangu a kusyoma aali Nguwe oyo waka Ndi tuma, ujisi Buumi Butamani, nkabela takasiki ku Lubeta, pele wazwa ku lufu kuya ku Buumi.” Nkaako kaambo. Kaambo kalesegwa kubetekwa! Taacikwe kaambo kuli ncico. Amen! Mpawo cakukwabililwa, cakukwabililwa a Citondezyo cakabikkwa, cindi lufu lwatalika kuuma ku citendele kubusena kuya, talukwe bweendelezi. Mwabona? Iiyi.

¹¹⁵ I Citondezyo cabikkwa. Cilikke Citondezyo nce cizuminwa. Mwabona, Wa kacita eco kutegwa Citondezyo cikonzye kusika. I Citondezyo bwakali Buumi bwa Leza.

¹¹⁶ Elyo cindi Leza nakabamba muntu mutaanzi, Wa ka Mu bamba kuba mwana. Alimwi mwana wakali bijide loko cakuti wa kaswiila ku mukaintu wakwe mu busena bwa Leza, alimwi mwanakazi waka swiilila kuli dyabulosi mu busena bwa mulumi wakwe, alimwi, cindi ni cakacita, cakaba sofwaazya loko antoomwe, akuti cakaleta busofwi. Elyo Wa kaziba, kuti cindi noba kacita eco, ba leelede kuyo zyala bana mu nyika. I mucelo aakati ka musamu tii wakali kukonzeka kugumwa, alimwi, mpawo, cindi ni cakaba, ba kaleta cibi eci aali lwabo. Elyo aboobo mukowa woose wa bantu, oyo wakazyalwa, wakali mu cibi. Awo, kwakanyina nzila ya kuzwa.

¹¹⁷ Elyo mpawo Leza waka seluka aansii. Kuli nzila yomwe luzutu ya kujoka; eyo nku Mu josya kuba mwana alubo. Lino mbobuti Mbwa konzya kucicita, kakuli Mulao Wakwe Wini wakaima kuya a kwaamba kuti upedwe “mulandu”? Mpawo Taata Mwini wakaba umwi wesu. Ako nke Kabelele keni. Obo mbo bukanze Bwakwe Mbwa kajisi mu muzeezo.

¹¹⁸ Ako nke kaambo Kabelele nco kaka lizibya loko mu Muunda wa Edeni, kuziba kuti Kabelele a Nziba ziyo swaangana ciindi cimwi, cindi Kabelele a Nziba no ziyooba antoomwe. Eco ncencico Nca kazi, kwiinda muli eco, tula konzya toonse kuba antoomwe. Elyo Wa kali libambilide kubamba cituuzyo cili boobo, eno, eco Citondezyo inga cabikkwa, kuteeti tatu cili bamuzwakule, tatu cili beenzu, pele tuli bana balombe a basimbi iba Leza. Boonse Adamu a Eva, mwanakazi a mwaalumi, baka swaanganisigwa, mbana balombe a basimbi iba Leza, muli Kristo Jesu, kwiinda ku cituuzyo Cakwe cipona.

¹¹⁹ Elyo, mpawo, kutegwa kutabi bulubizi! I mbuto ya buumi obu eyo yeelede kusyangwa mu nyika, ya mubili oyu uuli i—i ni mbuto iila bunyonyooke; alimwi buumi, ikuti na mbuumi bupilingene mu mbuto, bula nyongana a mbuto. Pele Wa kabikka Buumi Butamani muli njiyo a kwiizibya mbuli Yakwe Mwini, kutegwa mu bubuke Aka ibusye alubo, nkabela taakwe cintu ciygo sweeka. Sena mwabona eco nce Ndi pandulula? [Mbunga yaamba, “Ameni.”—Mul.]

¹²⁰ Nceeco we, tai konzyi kunyonyooka eno. I Buumi buli aali njiyo. Ngo Citondezyo, cibikidwe aa mubili oyo muniini,

cibikkidwe aa buntu obo bwa muntu oyo. Nceeco Citondezyo awo, Muuya Uusalala, kuti cizulilwa kuli Leza. Nci Cakwe. “Cindi Nda bona Citondezyo, Njo mwiindilila.” I Citondezyo cakasimpe, Muuya Uusalala ngo Citondezyo cesu. Aboobo, cindi mwatambula Muuya Uusalala, mwazwa ku lufu kuya ku Buumi. Kwamana koonse kuliko kuli ncico, nkaambo Buumi buli muli nduwe. Nywebo tamu konzyi kufwa limbi.

¹²¹ I Bbaibbele lyakati, “Oyo uuzyalwa kwa Leza taciti cibi pe, nkambo ta konzyi kubisya, nkambo ni Mbuto ya Leza,” ameni, “Mbuto ya Leza ili kkalilide muli nguwe.” Elyo mbobuti mbwakonzya kubisya kakuli Leza uutakwe cibi uli muli nguwe? Kakuli uli muli Leza uutakwe cibi, mbobuti mbwa konzya kubisya? Taakwe makani eco nca cita, Bulowa buli muvumbide. Mwabona? Ncilenge cipya lino. Kuyandisya a makanze aakwe nga ku Julu, nkaambo wasandulwa kuzwa ku cisamu ca kkolebba kuya kuba whiiti. Kuyandisya kwakwe takucili mbubonya mbuli mbo kwakabede kaindi, nkabela ula citondezya.

¹²² Yebo wati, “Oh, Nda syoma Eco.” Elyo kocibisya na? Na! Wa kacengwa. Mwabona? Ta cikonzyi kutondezya cintu pele Citondezyo.

¹²³ Israyeli ya kalaililwa kukkala kungsi lya bulowa obo kusikila malailile aakweenda akaboola. “Muta zwi kungsi lyaco!” Cindi noba kaba kungsi lya citondezyo eco, baka namatikwa muya mukati. “Muta siyi eco!” Ba kakkala nkoonya kuya kusikila aakati kamasiku kwakaba a myeembo niya kalila. Elyo cindi myeembo niya kalila, meja aakaindi aa mugutu wa mbelele akatalika kulila, umwi aumwi wakeenda kuzwa a bulilu bwakwe, kuya ku nyika ya cisyomezyo.

¹²⁴ Mbubonya mwaalumi na mwanakazi mbwacita oyo wazuzigwa a Muuya Uusalala, uli aandidwe, a kukwabililwa ku bubi boonse a ntenda. Buumi bwakwe boonse butondezya mbwabede, kufumbwa kubusena nkweenda, kufumbwa mulimo ngwa cita, kufumbwa muntu uuwambaula a nguwe. Cindi aboola mu kuswaangana a banakazi, cindi aboola mu kuswaangana a balongwe, cindi aboola mu kuswaangana a zintu zyoonse, eco Citondezyo cili bikkidwe awo. Ameni! Cindi caboola ku lufu, “Nse yoowi bubi, nkambo Yebo uli a ndime,” Citondezyo eco cili bikkidwe awo. Cindi caboola ku bubuke, uyooba ko, nkambo Leza uyo mubusya ku buzuba bwa mamanino. Jesu wakaamba boobo! “Cindi Nda bona Bulowa, Citondezyo, Njo mwiindilila.” Oh!

¹²⁵ Amwiibaluke, ikuti na citondezyo eco taci tondezegwi, acalo cizuminano cakalesegwa kubeleka camulao. Kuli luleme. I cizuminano cakalesegwa kubeleka camulao. Kwa kanyina—kwa kanyina cizuminano kufumbwa kuti citondezyo tee cakaliko. I citondezyo cakaiminina cizuminano. Leza wakapanga

cizuminano a mbabo, iiyi, munene, pele citondezyo caka leelede kuba. Tee cakali kubeleka, cizuminano teecakacita, citakuti citondezyo cakaliko.

¹²⁶ Antela kwakali ba Juda banji bakakonzya kwaamba, “Amuboole kuno! Ta ndikwe bulowa aa citendele cangu, pele Ndi yanda ku mutondezya cintu cimwi, Ndi mu Juda uupaludwe. Ndi paludwe.” Eco tee cakaamba *eco*. [Mukwesu Branham wanontola kanwe kakwe—Mul.] “Cindi Nda bobna bulowa! Cindi Nda bona citondezyo!”

¹²⁷ Antela inga waamba, “Ndi muna Baptisti, Presbyteria, Methodist,” na kufumbwa mbo yanda kuba.

Pele, “Cindi Nda bona Citondezyo!”

¹²⁸ Yebo wati, “Ndi musyomi. Baama bakali cizo ca mbungano eyi. Bataata bakali cizo ca mbungano eyi. Nda kali cizo kuya kuzwa no ndakali mwana.” Eco tacaambi *eco*. [Mukwesu Branham wanontola kanwe kakwe—Mul.] “Ta ndi beji, kubba. Ta ndi citi *eci*. Ta . . .” Eco ta caambi *eco*. [Mukwesu Branham wanontola kanwe kakwe.] “Ndi zulilwa ku Branham Tabernacle. Ndi cita *eci*, *eco*, na *cimbi*. Nda syoma Ijwi lyoonse.”

¹²⁹ Balo ba Juda bakali kunga baamba, “Nda syoma Jehova!” Wa kali kunga waswilila ku Mulumbe wa oora, ikuti wa kacita. Masimpe.

Bakali kunga bajisi milumbe minji, pele Oyu wakali Mulumbe wa oora. Mwabona? Nda syoma Mulumbe wa oora. Inzya. I bulowa bwaka bikkwa ku ciindi caku mangolezya.

Antela ba kaamba, “Mebo, Ndili mu Juda.”

¹³⁰ Bantu balaamba sunu, “Ndili Munakristo. Inga ndaku tondezya bumembala bwangu bwaciindi cilamfu. Ndi yanda kuti undaambile awo mpo Nda kasola kubba cintu cili coonse, nekasola kuba mu nkuta zya milao. Nditondezye awo mpo Nda kasola kucita mamambi, mpo Nda kasola kucita zintu ezi zyoonse, na cintu cimwi mbuli *eco*. Nditondezye busena bomwe.” Eco ta caambi cintu eno. Oh, peepe. Mwabona, takukwe makani obo kunji mbwakali mu cizuminano, cizuminano taci jisi nguzu. Ta cileti micelo iiyandika.

Yebo wati, “Ee, Ndili sicikolo wa Bbaibbele.”

¹³¹ Ta ndikwe makani mbobede. Kakutakwe cizuminano *eco*, bukali bwa Leza buli aali ndinywe. Kuli luleme. Buyo munyoonyoona. Inzya. “Zibi zyanu ziyo mupilukila.” Cibi niinzi? Kutasyoma. Tee mwasoyoma Mulumbe. Tee mwasoyoma Ijwi. Tee mwasoyoma bumboni bwa Citondezyo, Cini, kakuli Ca lizibya Cini aakati kesu. Elyo nywebo tee masyoma Eco na? Takukwe makani obo kunji nko muta Ci syoma, Ci leelede ku bikkwa.

¹³² Antela inga wati, “Nda Ci syoma. Nda Ci syoma. Nda Ci syoma kuti Mbwini. Nda Ci tambula mbuli Bwini.” Mpawo koonse oko nkubotu, pele nekuba Ce leede kubikkwa.

133 Baa, oyu umwi mu Juda wiimvwi awo, kakopa bulowa, mbuli kabelele nikakali kuzwa bulowa, kwaamba, “Oyu ngu Jehova.”

134 Elyo mpaawo kwakaimvwi mupaizi, kaamba, “Iyi, munene, Nda syoma obo mbwini,” pele aa ng’anda yakwe mwini taakwe nicaka bikkwa. Ta yandi kulizibya mwini kubusena kuya a nkamu eyo; peepe, munene, oyu sikwiindilizya a bulowa aa citendele. Ta yandi cizibyo eco. Takukwe makani obo mbwakali mupaizi, obo kunji nkwakazi Ijwi, obo kabotu mbwa kakomezegwa, eyo milimo nja kacita, obo kunji nkwa kapa ku bacete, oko kunji nkwa katuula!

135 Paulo wakati, “Nda pa mubili wangu kuti utentwe, mbuli cituuzyo; ndapa zintu zyangu zyoonse ku kusanina bacete; Ndi jisi lusyomo lwa kweenzya malundu, a zimwi zimbi; a kwaambaula mu myaambo, mbuli bantu a baangelo; alimwi a zintu ezi zimbi,” alimwi wakati, “Ta ndili cintu kusikila Citondezyo cabikkwa. Kusikila Citondezyo eci!” Eco ncencico nce Ndi kanana sunu masiku, luyandisyo. Mwabona? “Lino, kusikila eci cabikkwa, Ta ndili cintu pe.” Mwabona?

136 Ta ndikwe makani, yebo inga waka tanda badyabulosi. Yebo inga wakaponya balwazi kwiinda ku mupailo wako wa lusyomo. Yebo inga wakacita zintu ezi zyoonse. Pele ikuti na Citondezyo eco ta ciko, uli kungsi lya bukali bwa Leza. Yebo inga koli musyomi. Yebo inga waima mu cikambaukilo a kukambauka Makani mabotu. “Banji bayo boola kuli Ndime ku buzuba obo, a kwaamba, ‘Mwami, Mwami, sa tii Nda kasinsima mu Zina Lyako, kambauka mu Zina Lyako?’ Sena tii Nda katanda badyabulosi mu Zina Lyako?” Abo mboonse ba Methodististi, ba Baptisti, a ba Pentekoste. Jesu wakati, “Amuzwe kuli Ndime, nywebo no mucita milandu. Taakwe ne nda kasola ku muziba.”

137 “Pele cindi Nda bona Citondezyo, Njo mwiindilila.” Nceelelo ca Leza ica oora. I Mulumbe waku ciindi caku mamanino, ngwa kubikka Citondezyo.

138 Saatani wa waala misyobo yoonse ya zikozyanyo zini, zya kusukana maanza, a zitondezyo, a zintu zyoonse mbuli eco. Ko ciluba! I oora lyasika lyakuti Citondezyo, Lwaco; kutali cikozyanyo cini cimwi, kulicengeezya, ciimo caciiminizyo, kufumbwa cintu.

139 I oora lili aano cindi Citondezyo Lwaco nocili mukulizibya Lwaco mpoonya aakati kesu, a kutondezya kuti Ngu Jesu mbobuca nguwenya, sunu, amuya myaaka, alimwi Uli a Ijwi ncobeni. Ci leelede kubikkwa. I muntu oyo uuta jisi Citondezyo, ukaka Ijwi eeli, mpawo makani nzi ancico? Mwabona, yebo tokonzyi kucicita. I Citondezyo ceelede kubako. “Cindi Nda . . . I bulowa buyo mubeda citondezyo.” Lino Muuya Uusalala, Buumi obo bwakali mu Bulowa, ngu Citondezyo kuli ndinywe. Sika kuli ncico mukaindi kaniini, mwabona. I Muuya Uusalala ngo

Citondezyo. I kaambo kajalwa. Iyi, munene. Lino, amwiibaluke. Elyo Nda . . .

¹⁴⁰ Tacikwe makani obo mbobede, obo mboli mubotu, obo ziindi zinji nzoka sotauka *koonse akoonse*, obo zinji mbungano nzoka ba cizo, obo zintu zinji zibotu nzoka cita, ta cikooamba cintu comwe kuli nduwe ikuti na Citondezyo tacibi kkidwe. Eci nciindi caku mangolezya. Eco caka beleka kabotu ku mazuba akwa Luther, eco caka beleka kabotu mu mazuba akwa Wesley, pele tacibeleki eno. Peepe.

¹⁴¹ Inzya, kuyobola kabelele cakali kabotu kaindi. Abo bakafwa kaindi kabelele kakatana kubikkwa, bulowa, cakali andeene. Iyi, munene. Baka zumanana nkaambo ka luzibo lubotu. Bayo betekwa naa ba—ba kali . . .

¹⁴² Ikuti na bakali kanzidwe, ca kabauma. Ikuti na tii cakacita, ta ciciti. Kwa mana. Ngu Leza buyo. “Ula—Ula lulamika oyo Ngwa yanda, kuba a luse aali oyo Ngwa yanda, alimwi Uyo pa mulandu kuli oyo Ngwa yanda.” Ngu Leza. Kwa mana. “Uli jisi luse aali oyo Ngwa jisi luse, a kupa mulandu oyo Ngwa yanda kupa mulandu.”

¹⁴³ I mu Juda inga watondezya cantangalala, kwiinda ku bupalule, kuti musyomi.

¹⁴⁴ Kuli bantu banji, bantu ba milawo, bakonzya kubweza Bbaibbele eli a kwaamba, “Ndili musyomi, alimwi Jesu wakati ‘ku lusyomo’ tula futulwa. Elyo Ndili musyomi, pele olo lubapatizyo lwa Muuya Uusalala mbufuba.” Mpawo Citondezyo ta cibikkidwe. Taakwe kunji, obo kunji mbwa syoma, calesegwa camulao.

¹⁴⁵ Mbuli buyo bupalule bwa ba Juda. Ula amba, “Ndili mu Juda. Nkaambonzi nce Nde elede kuunka kubusena kuya a kulilemeka mbuli nkamu eyo ya basikwiindilizya?”

¹⁴⁶ Musa kaimvwi, koonse akoonse aa kagwagwa, kaamba, “I mulumbe waku mangolezya uli aano! Ciyoo boola kucitika, ku mamanino aa mazuba aali kkumi aone, muyo bunganya mbunga antoomwe a kujaya kabelele. I mbunga yoonse ya Israyeli iyo kajaya, kubikka maanza abo aali nkako, kuli zibya beni a nkako. Elyo bulowa buyo manswa a cikunguzyo, aa munsende wa citendele, alimwi, ‘Cindi Nda kubona bulowa, Njo mwiindilila, nkambo nciitondezyo cakuti mwatambula lufu lwa kabelele ako nke Nda mubambila.’” I bulowa bwakali citondezyo.

¹⁴⁷ Lino Muuya Nciitondezyo. “Muyo zuzigwa a Muuya Uusalala kutali mazuba manji kuzwa lino.” Elyo cindi Bulowa nibwa katolwa, Citondezyo cakatumba aansi ku Buzuba bwa Pentekoste, mbuli guwo, lyuungisya canguzu.

¹⁴⁸ Eco cakali ciyyo camubandi ca baapostolo boonse. Mbo cakabede, “Sena mwakatambula Muuya Uusalala kuzwa no mwakasyoma? Amusanduke, umwi aumwi wanu, a

kubapatizigwa mu Zina lya Jesu Kristo kutegwa mujatilwe zibi zyanu, nkabela muyo tambula cipego eci ca Muuya Uusalala, nkambo Ncitondezyo, ameni, cakuti mwazwa ku lufu kuya ku Buumi.” Nceeco we. Cindi oyo Muna- . . . Mbungano ya ba Juda niya kamana, bana Masi baka yeendelezya, a lupilingano mbuli olo; lino yazwa, kuyo jana basyaalizi baba Masi, nkambo ka Zina Lyakwe, Nabwiinga.

¹⁴⁹ Mwabona eco nce Nda amba na? Mwabona na eco Lugwalo nco lwaamba awa? Ikuti na Citondezyo tii caka tondezegwa, mpawo cizuminano tii caka kaleta micelo yeelede. Mwabona? Ci leelede kuba. Nkaambo, ikuti na waamba kuteti ulasyoma, nkabela totobeli malailile aa Ijwi, nkokuti tosyomi pe. Mwabona? Nekubakuti uli palwidwe, nekubakuti waba cizo, alimwi nekubakuti waka bapatizigwa, wa kacita zintu ezi zyoonse mbuli obo; eco nekuba tacili Citondezyo, Muuya Uusalala.

¹⁵⁰ Oyu sicikolo mubotu waka zumanana kwaambaula kuli ndime, mbuli mbo Nda amba kaindi kasyoonto kainda. Wa kati, “Billy,” wa kati, “Abrahamu waka syoma Leza, nkabela ca keelezegwa kuli nguwe ku bululami. Nkunji buti ku muntu nkwakonzya kucita cita kusyoma Leza?”

¹⁵¹ Nda kati, “Obo mbwini, o Mwiiyi. Mbombubo. Wa kasyoma Leza. I Bbaibbele lya kaamba obo. Uli luleme. Mbuli muciiimo nco boola, uli luzi.”

¹⁵² Kufumbwa kuti i—i—i basikutwela bali kkumi ababili, abo bakatumwa kubusena kuyo landuka a kutwela nyika ya Kenani, kufumbwa kuti bakaunka ku Kenani, bakali kuya buswena kubusena mbo bakali kutandila; pele ba kasika ku munyinda, mpawo baka kaka.

¹⁵³ Nda kati, “Nywebo noba Baptisti muli kabotu, mbuli kuciiimo mbo muboola, pele sa mwaka tambula Muuya Uusalala kuzwa nomwa kasyoma?” Huu. Nda kati, “Koibaluka, Leza waka zumina lusyomo lwa Abrahamu. Wa—wa kasyoma Leza, nkabela ca keelezegwa kuli nguwe ku bululami, obo mbwini, pele mpawo Leza wa kamupa caando ca bupalule, mbuli cizibyo, cizibyo kuli nguwe.” Kutali kuti mubili wakwe, wakapalulwa, waka jisi cintu cili coonse cakucita a buntu bwakwe, pele cakali cizibyo eco Nca kajisi (Leza waka) zumina lusyomo lwakwe.

¹⁵⁴ Elyo Wa katupa cizibyo, ca Muuya Uusalala, cakuti Wa tuzumina mbuli basyomi. Nkambo, “Amusanduke, a kubapatizigwa umwi aumwi wanu mu Zina lya Jesu Kristo kuti mujatilwe zibi, nkabela muyo tambula cipego ca Muuya Uusalala. Nkambo cisyomezyo cili kuli ndinywe!”

¹⁵⁵ Amu jate kaambo keni eno. Ba Juda, takukwe makani obo mbo bakali kukonzya kutondezya kuti bakali palwidwe, pele citondezyo ca keelede kutondezegwa. Ikuti na pe, cizuminano tii cakabeleka kuleta micelo yeelede. Tii cakali obo.

¹⁵⁶ Mbubonya eno, cintu nciconya. Takukwe makani eco nco cita, takukwe makani obo mbo konzya—mbo konzya kupandulula Bbaibbele. Inga ko nooli sicikolo wa Bbaibbele. Oh, ma! Yebo inga—yebo inga waamba, “Ndili musyomi, a zintu zyoonse.” Pele nekuba Citondezyo cila yandika. I sicikolo wa Bbaibbele, yebo wati, “Nda kali muntu mubotu, Mukwesu Branham.”

¹⁵⁷ “Ta ndikwe makani eco kufumbwa muntu ncaamba, ula konzya kuuma muntu oyo. Ta ndina mubona kucita cintu cilubide, mu buumi bwangu.” Eco tacikwe *eco* kucita a Leza. [Mukwesu Branham wanontola kanwe kakwe—Mul.] Kuli ceelelo comwe, alimwi eco cilikke!

¹⁵⁸ Elyo tamu konzyi kucita eco. Tamu konzyi kubikka bulowa aa cikunguzyo ca mulyango, awo, citondezyo tii cakali kukonzya citakuti kabelele kakafwa. Alimwi bulowa cakali cizibyo cakasimpe kuti kabelele kakafwa. Kutali kulicengeezya; kabelele kakafwa!

¹⁵⁹ Elyo Muuya Uusalala Ncitondezyo cakasimpe kuteeti Kabelele kanu kakafwa alimwi mwaka tambula Citondezyo aali ndinywe, nkambo mbubonya Buumi Bwakwe buli muli ndinywe. Mwabona? Kwiina kulicengeezya. Kwiina kulibotyabotya. Kwiina kulikozyanisya. Nko cili! Nywebo muli cizi. Nywebo muli cizi. I nyika ili cizi. I Citondezyo nko cili.

¹⁶⁰ Takukwe makani obo mbo kali muntu mubotu. Antela wakali sicikolo wa Bbaibbele. Antela inga caba i. . . Antela inga musyobo uuli oonse wa—wa simbungano mubotu. Antela inga muntu mubotu. Antela inga i—i mweendelezi wa kabungwe. Antela inga kaba i—i bupaizi bwa zyuuno ibwa Rome. Ta—Ta ndizi na nguni, ta ci—ta cicibambi kuba cintu cimwi.

¹⁶¹ Pele, Israyeli, kufumbwa sicikolo wa Bbaibbele ulizi kuti Israyeli yakali cikozyano ca Mbungano, ncobeni, ku nyika ya cisyomezyo. Alimwi awo mpempawo Mpo ili mu lweendo.

¹⁶² Pele cindi caku mangolezya nocaka sika, nkabela lweendo lwakali kuya buzumanana, kwakali ceelelo comwe cisetekene. Takukwe makani obo kunji mbwa kali mu Juda, obo kunji mbwa kabamba kabotu zisyango zyakwe, obo mbwa kabamba kabotu basimukobonyina, obo kunji nkwa kacita, obo mbwa kali cizo cibotu, obo kunji nkwa kapa kwakkumi. Zintu ezi zyoonse zyakali kabotu. Eco cakali kabotu. Wa kali muntu mubotu, wakali kutambulika aakati ka bantu bakwe, mbuli muntu mubotu. Pele kakutakwe citondezyo, ca bulowa, wa kanyonyooka.

¹⁶³ Oh, akube kuti Leza andigwasye, boonse baliko a ku mateepu, ku kukwaambisya eco!

¹⁶⁴ Takukwe ndaba, yebo inga wakakambauka Makani mabotu, yebo inga wakatanda badyabulosi, yebo inga wa kaamba a

myaambo, yebo inga wakoongolola, wakazyana mu Muuya, pele kakutakwe Citondezyo.

Yebo wati, “Inga Nda cicita?”

¹⁶⁵ Paulo wakati inga wacita. “Nekubakuti Nda amba a mwaambo mbuli bantu a baangelo, nekubakuti Nda pa mbono zyangu zyoonse ku kusanina bacete, mubili wangu kuumpwa mbuli cituuzyo, Ndi jisi lusyomo lwa kweenzya malundu, a zintu ezi, Ta ndili cintu nekuba.” Uta yaamini kuli eco. Ngu Citondezyo! Takukwe makani obo kunji mbo kacita, obo mboli mubotu; cindi bukali bwa Leza bwamweka, buyo ziba buyo Citondezyo.

¹⁶⁶ Ngu Citondezyo kuti muulo wabbabelwa, oyo wali kuyandika. Elyo muulo oyo wakabbadelwa bwakali Buumi bwa Jesu Kristo, nkabela Wa kapa Buumi Bwakwe. Elyo Muuya Wakwe ula joka aali ndinywe, mbuli Citondezyo eco nco katambula. Elyo amu tolelele Citondezyo, isikati a masiku, kutali buyo Munsondo. Ngu ciindi coonse, mweelede kuba a Citondezyo. “Cindi Nda . . . I bulowa buyo mubeda citondezyo.”

¹⁶⁷ Yebo wati, “Nda cisyoma. Ndili musyomi.” Eco cili kabotu. Pele ikuti na wakaka Citondezyo, mpawo mbobuti mboya kuba musyomi? Cila kanana kulwana nduwe. Mwabona, cila kanana kulwana bumboni bwako, eco nco cita.

¹⁶⁸ Sicikolo wa Bbaibbele, muntu mubotu, cizo cambungano, kufumbwa obo mbobede, ta caambi cintu. Iyi, munene. Ndiza uso mukambausi. Ndiza banyoko bako—bako bakali musalali. Antela . . . Eco—eco cili kabotu, bali jisi bwiinguzi bwabo. Mbuli mbo Nda amba, kusola . . .

¹⁶⁹ Bantu basola kubamba Leza kuba syaanene uubikkidwe zya luse, uuneneyede, wakaindi, mupati umwi, mwabona, a cikama ca bazukulu, mbuli buyo ba Ricky aba Elvis baniini, a, “Taakwe bubu muli mbabo.”

¹⁷⁰ Kutali Leza! Ta jisi bazukulu pe. Ngu Taata. Beelede kuzyalululwa! Tali uubikkidwe zya luse mupati mubombe.

¹⁷¹ Ngu Leza wa lubeta. I Bbaibbele likanana kuti Mbwa bedede. Bukali Bwakwe bula yoosya. Muta lyatauli Eco a kulangila bubotu bwa Leza buzuba bumwi ku mutola, mu zibi zyanu, a ku mutola ku Julu. Ikuti Na kacita eco, inga Na kaba jatila boonse aba kuno, a ku bweza Eva. Muyo syoma Ijwi Lyakwe, na muyo ba . . . muyo nyonyooka. Nkabela cindi mwa syoma Ijwi Lyakwe, Citondezyo ciyooba aali ndinywe. Uh-huh.

¹⁷² Lufu lwakali lilibambilide kale kuuma Egepita masiku ayo, ku ciindi cili coonse. Ca kali ciindi ciyoosya; zilengwa zyabo zyoonse, mazuba abo oonse aa mapobwe, a mazuba aa kuliimya kulya.

¹⁷³ Leza waka baswaya. Leza waka tondezya zizibyo a maleele Aakwe mapati aakati kabo. Ino eco ncenzi? Lino amwiime kaindi

kasyoonto. Leza waka batondezya luzyalo Lwakwe. Wa kabapa ciindi ceelede.

174 Tii baka konzya ku Lu kakaka, ba kati, “Oh, kwiina cintu kuli eco. Nca bufubafuba. Ngu cintu cimwi kutala muli ba namutitima bapati, kwakali kubbbwaluka kwa—kwa ntimba iisalala kuuluka kuzwa, alimwi eco nce ncico cakabamba lwizi kusalala.” Mpawo civulamabwe cakasika. Mpawo bacula bakasika. Leza waka bamba busena, a ku bikka Ijwi Lyakwe mu mulomo wa musinsimi. Elyo eco nca kaamba, caka citika, nkabela baka cibona. Tee ba kakonzya kucikaka.

175 Eco Musa nca kaitila, nce ncico Musa nca kajana, kuzwa kuli Leza, nkaambo wa kaamba buyo Ijwi Iya Leza. Wa kati, “Njo kubamba kuba kaleza.” Musa wakali kaleza kuli mbabo. Mwabona? Tee bakazi lwandaano, aboobo Wa kati, “Uyo oba kaleza, alimwi Aaroni uyo oba musinsimi wako. Mwabona, uyooba mbuli kaleza, nkambo Njo kutola, jwi lyako, nkabela Njo lenga a nduwe. Njo amba, a bantu taba konzyi ku cikaka, nkaambo nceeco we ncobeni. Eco nco waamba, ciyo citika.” Oh, ma! “Njo kutondezya zintu ezyo.” Ma! Elyo Egepita iyo cibona. Ba kacibona kutandila buyo ku ciindi caku mangolezya, na mpawo buyo ku ciindi caku mangolezya.

176 Wa kaba tondezya bubotu Bwakwe. Wa katondezya kuti Wa kali kukonzya ku cigwisya, kuponya.

177 Basimabibo baka sola kucita cintu nciconya, basikulikozyanisya. Lyoonse mula bajana. Mpaawo kwakali ba Jane a Jambre, ba kaima awo. Pele cindi ni cakaboola ku cintu cini, tee baka cijisi pe. Mbo mbubo. Ba katobela antoomwe, kwakaindi kasyoonto. Pele, nikwa kainda kaindi, bufuba bwabo bwaka yubununwa.

178 Elyo sena Bbaibbele tee lyakaamba cintu nciconya kuti ciyo citika mu mazuba aku mamano, “mbuli Jane a Jambre mbo bakakazy Musa”? Pele bufuba bwabo bwaka yubununwa, alimwi mbubonya mbo ciya kuba alubo. Mwabona? Nceeco we, bantu ba mizeezo iipilingene, bazangi kujatikizya Bwini, Kasimpe. Antela inga kaba jisi imbunga a zintu zipati, zintu zipati zyebeke, zilamfu, azyabulemu, pele oora kumalekelo liyo sika.

179 Amwiime cakusitikila a Citondezyo! Eco ncencico Leza nca yanda kuti tucite. Amu jatilile ku Ijwi Lyakwe. Mu tazwi kuli Ndilyo. Amu kkale a Ndilyo ncobeni. I Bbaibbele Iyaamba obo.

180 Lufu lwakali kuuma. Leza waka batondezya luse, katondezya inguzu a zizibyo.

181 Lino atwiime buyo kwa kaindi komwe na tobile, aa nkoloko eyo awo. Atu yeeye buyo mu mizeezo yesu, kaindi, eco Nca kasyomezya kuti inga ciyo citika mu mazuba aku mamano. Nda yeeya ikuti tatuna kutandila buyo kulingula, akwalo, mwabona?

¹⁸² Wa kacita zintu ezi zyoonse, elyo nekubaboobo tii bakacili kuyanda kweempwa, na kusyoma mulumbe wa buzuba. Tii bakacili kuuyanda kucicita, nekubakuti waka tondezegwa kumbele lyabo, alimwi waka zibisigwa ncobeni.

¹⁸³ Elyo cindi mwabona zintu zili boobo kazi citika, ncitondezyo ca lubeta kuti luli mukuswena. Lubeta luyo tobela zintu ezyo. Lyoonse lwa kacita, alimwi eci ta cikabi calusalululo. Mwabona? Lubeta lutobela luzyalo. Cindi luse lwa kakwa, kwiina cintu cisyala cita lubeta. Aboobo luyo tobela lyoonse.

¹⁸⁴ Lino, cilao. Koonse kucitika kwa kumuuya ncizibyo kuzwa kuli Leza. Amu cenjele. Amu bone eco, mwabona. Amulange, koonse kucitika kwa kumuuya, zintu zyoonse zicitika, ngo cizibyo. Ta tuli aano ca cibukilambuta. Ezi zintu tee zyakacitika buyo ca cibukilambuta. Ngo cizibyo. Ngo cizibyo, ku jana—ku jana bukwalizi, cakufwambaana. Nowa wakali cizibyo ku nzyalani yakwe; Eliya wakali cizibyo kuli yakwe; Johane wakali cizibyo kuli yakwe. Mwabona? Zintu zyoonse, Mulumbe wa oora, ncizibyo. Amu Ci langilile, amubone eco Nco uli mukucita. Mwabona? Ncizibyo. Zintu zyoonse zijisi bupanduluzi.

¹⁸⁵ Elyo taakwe ciindi cimbi inga musyobo oyu wa Mulumbe niwa kasola kucitika. Ni wata kaboola mu buzuba bwa Luther, niwata kakonzya kuboola mu buzuba bwa Wesley, niwata kakonzya kuboola mu buzuba bwa Pentekoste. Niwa taka konzya kucicita. Mwabona? Kwiina i . . . taakwe nokwakali cintu cili boobo kucitika, alimwi nekuba twa kasyomezegwa mu Bbaibbele. Mwabona? Tuli ku mamanino. Taakwe cintu cakali kukonzya kucitika, nicata kacitika mane ku ciindi eci. Elyo cili mukucitika kuba cizibyo. Ndayeeya na ncizibyo nzi?

¹⁸⁶ Oh, no bantu baniini, mukwesu wangu, mucizi, koba kungsi lya Citondezyo, cakufwambaana. Mwabona? Muta, muta bwezi ciiminizyo. Muta, muta, muta, muta citi eco. Mwabona? Muta Ce ezezyi buyo. Amu kkale awo mane mukazibe kuti Citondezyo cabikkwa, mane (koonse kwanu) muzeezo oyo wakali muli Kristo ube muli ndinywe, mane bufubafuba boonse bwa nyika bwamana, mwabona, mane kuyanda kwa moyo woonse kwaba kuli Nguwe. Mwabona? Kutu, mpawo, nywebo mulizi, mpawo nywebo mulizi kuteeti cintu cimwi cili mukucitika. Jesu wakati, “Ezi zitondezyo ziyo batobela abo basyoma,” kutali basikulicengeezya, pele basyomi. Mwabona? Lino, ta tuyandi kubweza cili coonse, ciindi cili coonse aali ncico; ta mweelede kucicita.

¹⁸⁷ I Mulumbe wa oora ncizibyo ku mabungano. Ncizibyo ku bantu. Muta . . . sa muli, sa muli mukucijata? [Mbunga yaamba, “Ameni.”—Mul.] Nda syoma, ku teepu, kuti bali mukucita cintu nciconya, mwabona, a zibeela zimbi zya nyika. Mwabona, cizibyo ca oora cili aano. Nceeco Citondezyo ceelede kubikkwa, alimwi taakwe ciindi cimbi no Ca keelede kuboola.

188 Amubone kubamba kwa Leza kwa ciindi eco. Lino, mbuli mbo tuzi kuti Bbaibbele lya kaamba, “Zintu ezi zyoonse zyaka citika kuba mikozyano, nywebo mwabona, kuli ndiswe.” Amubone, cindi Leza naka libambila kubeteka Egepita, saansi Wa kapanga kulibambila. Wa Ka cita nzi ku ciindi citaanzi? Ta cinci bubambe Bwakwe.

189 I ciindi citaanzi, cindi Na kajana, cindi Na kapanga kulibambila Kwakwe, Wa katuma musinsimi kajisi mulumbe. Cintu citaanzi Nca kacita ku bantu Bakwe cakali ca kutuma musinsimi kajisi mulumbe.

190 I cintu ciccilila Nca kacita, nkuzibya musinsimi oyu, Wa katuma Musumpululu wa Mulilo ku kulizibya, ku cizibya.

191 Elyo cintu catatu Wa katuma citondezyo. Eco cili luleme ncobeni. I citondezyo, cakali kwaamba nzi citondezyo? Kaaanzambwene!

192 Kusaanguna, musinsimi Wakwe kajisi mulumbe; Wa kalizibya Mwini aakati i...antoomwe a—antoomwe a Musumpululu wa Mulilo a musinsimi Wakwe; mpawo Wa katuma citondezyo, kuba kungsi lya bulowa obu, kuti Wa katambula lufu lwa ciiminizyo eci mu busena bwako. Mpawo, bulowa bwakali citondezyo kuteeti Wa kalanga, kuteeti wakamvwa mulumbe, kasyoma aa Musumpululu wa Mulilo, alimwi wakatambula ciimo caciiminizyo eco Nca kakubambila, alimwi wakali kungsi lya bulowa bwa bupange mbubonya bwa buumi obo bwakazwa kuli nduwe. Ma! Ino cili cilondokede, ino ncintu cilondokede mbo cibede, mwabona, yebo uli kungsi lya bulowa.

193 Lino muli kungsi kwa Muuya, kungsi kwa Muuya Uusalala. Mwabona? Mwabona? Nywebo mwasyoma Mulumbe wa buzuba, mwabona, nywebo mwa syoma i—i—i—i nguzu, i—i—i Musumpululu wa Mulilo. Mula syoma eco, mwabona, alimwi mula cita.

194 Lino, lino amulange, ku Ci syoma buyo takuli kunji. Kutali ku—ku...Kuti weenda koonse oko nko Ci bede, ta kuli kunji. Mwabona, oko nku liindilizya kubija, “Nkambo oyo uuzi kucita cibotu, nkabela ta ciciti, kuli nguwe ncibi.” Mwabona, abo mbasyomi bakucizo buyo, Jesu wa kaamba cintu nciconya.

195 Ba Hebrayo, capita 6, “Nkambo nciyumu kuli baabo baka munikilwa lumwi, alimwi bakabambwa kuba basizyaabilo zya Muuya Uusalala, alimwi baka labila Ijwi lya Leza libotu, alimwi a nyika iiciza, ikuti na bawa, kuba jokolozya alubo ku lweempo; mukubona kuti balimukuli bambwida Mwana wa Leza; a kubala cizuminano ca Bulowa, kwiinda kuli mbubo nko baka salazigwa a...” I bupange kuya bula salazya. Ta cili Citondezyo pe. I Bulowa tacili Citondezyo eno. I Buumi Ncitondezyo.

196 I buumi tii bwaka konzya kuba awo, nkaambo wakali munyama. I bupange bwakali citondezyo, inga uleelede kuba

a bulowa bwini aa citendele. Pele lino ngu Muuya Uusalala. Tula boola kuli ncico, mukaindi buyo kaniini, kutondezya eco, mwabona. Ngu Buumi obo buli Ncitondezyo.

¹⁹⁷ Buumi bwako bwamana, alimwi uli fwide, alimwi buumi bwako buli fwide. Uli sisidwe muli Leza, kwiinda muli Kristo, a kwaandwa ku Muuya Uusalala. I muzeezo oyo wakali muli Kristo uli muli nduwe. Elyo Kristo, a Bbaibbele, a Ijwi, ncintu comwe. “Ku matalikilo kwakali Ijwi, a Ijwi lyakali a Leza, a Ijwi lyakali Leza.” Mpawo yebo, a Ijwi, a Leza, a Kristo, bali bomwe. “Elyo ikuti na mwakkalilila muli Ndime, a Ijwi Lyangu muli ndinywe, amulombe eco nco muyanda, ciyo citwa.” Mwabona?

¹⁹⁸ Kabikka nguzu moonya mu milomo ya Musa, kwiinka kubusena kuya a Ijwi Lyakwe a kwaamba, nkabela bacula baboola; kwaamba, bacula bazwa; kwaamba, njina zyaboola; kwaamba, buumi—njina zyazwa. Ameni!

¹⁹⁹ Pele mpawo citondezyo caka yandika kuli ba Israyeli boonse. Boonse ba Israyeli baka yandika citondezyo eci. “Alimwi cindi Nda bona citondezyo, Njo mwiindilila.” Oh, ma, ma! Ino nkaanzambwene!

²⁰⁰ Israyeli kaiboola kuzwa ku Egepita, yakali cikozyano, ca mubili wini sunu. Egepita yakali mbungano, alimwi Israyeli yakaiminina Nabwiinga. Alimwi mbuli Israyeli yakazwa ku Egepita, mbubonya Nabwiinga mbwacita kuzwa ku mbungano. Mwabona? Nkaambo, kweelede kuba cintu cimwi ca Nguwo kuzwa, alimwi We elede kuzwa, aboobo, ikuti na yakali cikozyano. I—i mbungano ku musanza mu Egepita, mu nyika a mu cibi, alimwi taikwe ndaba a—a—a kutuntulika kujatikizya Citondezyo cako. Taba Ci syomi akwalo. Pele Israyeli yaka ciyanda, nkambo lwakali lufutuko kuli mbabo. Oh! Oh! Ce elede ku tukkomanya, ceelede kubamba myoyo yesu. . . Oh!

²⁰¹ Amu Ci bikke, mbungano! Lino muta kacilwi. Mula cita na eno? Muta, muta, muta lekeli zuba kubbila. Muta, muta, muta, muta pumuni, isikati na masiku. Muta bwezi coolwe. Ta ciko beleka, no bana. Ta ciko beleka. Mweelede kuba a Citondezyo!

²⁰² Yebo wati, “Nda syoma. Iiyi, Nda inka. Nda, inzya, Nda syoma Mulumbe. Nda. . .” Mbo mbubo, pele, eco—eco cili kabotu.

²⁰³ Pele mweelede kuba a Citondezyo! Sena mwamvwa, Branham Tabernacle? Mweelede kubamba Citondezyo kacilibonya! Kakutakwe Ncico, koonse kusyoma kwanu nkwabuyo. Mwabona? Yebo wakapona buumi bubotu; ula swiilila kuli eco Ijwi nco lyaamba; ula inka ku cikombelo; ula sola kupona kabotu; eco cili kabotu, pele tacili Ncico. “Cindi Nda bona bulowa,” eco nce Citondezyo. Alimwi Citondezyo tacili aano. . .

204 Nkaambo, cintu, Wa—Wa keelede kubona bupange bwini, nkaambo buumi bwakazwa, wa...kazwa kuli ncico, wakali munyama.

205 Pele mpaawa Ngu Buumi Bwakwe Mwini obo bwakali mu Bulowa. Elyo bupange bwakali buyo cilanzyo na citondezyo ca kusalazigwa, pele Buumi Bwini ngo Citondezyo; nkambo kakutakwe kupalulwa, kakutakwe Citondezyo, toli mu cizuminano akwalo. I zintu zyoonse zibeleka antoomwe. Ikuti na waamba kuti waka palulwa ku Ijwi, alimwi Calo cilikke, mpawo uyo syoma Ijwi; ikuti na ula syoma Ijwi, mpawo Citondezyo ceelede kusika, nkambo wa kati, “Amusanduke, a kubapatizigwa umwi aumwi wanu mu Zina Iya Jesu Kristo kutegwa mujatilwe zibi, nkabela muyo tambula cipego ca Muuya Uusalala.” Nceeco we. Oh, ma!

206 Amubone mpawo kulibambila kwa bantu baku nyika yaku cisyomezyo Cakwe. Amubone eco Nca kacita. Kusaanguna, Wa kajisi bantu abo Mba kabambila nyika. Wa babambilide nyika. Elyo eno Wa katuma aansi kuya kulibambila kwa njiyo, ku bantu ba nyika ya cisyomezyo. Ya kali ya baabo buyo baka kanzilwa nyika eyo ya cisyomezyo, buzuba bwa Nabwiinga. Elyo obo Mbwa kacicita, Wa katuma musinsimi kajisi mulumbe, wakautondezya ku Musumpululu wa Mulilo, a kupa citondezyo kutegwa inga baba aa kaanzambwene kuti cakali luzi. Mbo mbubo. Lwa kali luumbulizyo.

207 Israyeli, kazwa ku Egepita kaindi, yakali i—i cikozyano. Oyu mubili wini, wa Mbungano kaizwa ku tubungwe. Lino, kutali boonse bakaba kabungwe. Nda amba Nabwiinga. Mwabona? Bantu bamwi, kuli bamwi balyeendelezya babi buyo mbuli tubungwe, zimwi ziindi babyaabi loko.

208 Nda ambaula makani a Citondezyo cakabikkwa. I Citondezyo cila zuminana a Ijwi lyoonse. Mwabona? Cileelede kucita, nkaambo Ndi Ijwi. Ngo Buumi obo bwakali mu Ijwi. “Majwi Aangu nga Kumuuya; Nga Buumi,” Jesu wa kaamba. Mwabona?

209 Cindi Musa naka talika mulimo Wakwe mu Israyeli, a zitondezyo zipati mwabona, Israyeli yakabungana cakufwambaana kuzwa koonse ku Egepita, kuyaku Gosheni, kujoka ku busena bwa muunzi, nkaambo bakalizi kuti cintu cimwi cakali aafwi kucitika. Oh, ino ncikozyano!

Oh, bazwa Kujwe a Kumbo,
 Bazwa ku manyika akulaale, (mbo mbubo,
 mwa kamvwa nyimbo)
 Kupobola a Mwaami, kulya cilalilo mbuli
 batambidwe Bakwe,
 Obo mbo balelekedwe bamuzwakule aba!

Kubona busyu Bwakwe busetekene
 Kumweka a Buleza bwa luyando;
 Basizyaabilo balelekedwe iba luzyalo Lwakwe,
 Mbuli ngale mu musyini Wakwe ku kumweka.

Oh, Jesu ulaboola inoino,
 Masunko esu ayomana mpawo.
 Oh, ino kuti Mwami wesu ku kaindi aka
 waboola
 Kuli baabo baangulukide ku cibi?
 Oh, mpawo sa tacika muleteli lutangalo,
 Na buusu a kubula bulangizi bupati?
 Cindi Mwami wesu aboola mu bulemu,
 Tuyo Mu swaana kujulu mu mulengalenga.

²¹⁰ Kutondezzya Citondezzyo! “Elyo Njo mubusya ku mazuba aku mamanino.” Cili masimpe! Tuli mu mazuba.

²¹¹ I bantu bakabungana mu Gosheni. Bakali libambilide. Ba kalizi kuti cintu cimwi cakali aafwi kucitika. Ba kali buyo mbuli . . .

²¹² Na mwabweza madakisi, elyo nocili ciindi ca kweenda mutanga, oonse alazuza ncobeni antoomwe. Cindi inzuki, zintu zyoonse zimbi, zila libambila, kuli kuziba kwa bulenge muli nzizyo kumwi kuzikwela.

I Muuya Uusalala ulakwela bantu!

²¹³ Oh, elyo casika ciindi ca bukali bupati bwa Leza kuti buwe, zyoonse . . . Ku boola madakisi obile, mukombwe a nseke. Mpaawa kwa boola masekwa, mukombwe a nseke; mpaawa kwa boola mbizi zyobile, mweenze a nzyazi; cintu cimwi cimbi cizikwela, zyakakanzwa. I zimwi zimbi zyaka nyonyooka. Oh! I zimwi zimbi zyaka nyonyooka! Pele ezyo zyakamvwa kukwelwa kwanguzu zya kunjila, zya kalizi kuti bwaato bwa kabambwa. Cakali citondezzyo cakuti kuboola mvula. Zya kalizi kuti kwakali kuboola mvula, kakutakwe makani eco cizibyo mbo cakabede a ceeco bantu bambi ncoba kayeeya. Zya kalizi.

²¹⁴ Kwakali cintu cimwi mukati kazyo, cakati, “Amu njile muya, cakufwambaana ncobeni! Amu njile muya, nkaambo obo mbo busena luzutu obo buyooba bukwabilizi.” Nkaambo, Leza wakabamba musinsimi, Wa katuma bwaato kuba mbuli cizibyo, kati, “Mu njile muya,” nkabela mvula ilaboola. Elyo baka njila moonya muya, bobile a bobile. Boonse banyama baka njila, bobile a bobile, mu bwaato, nkaambo zya kanjila kungsi lya mbubo. Takukwe makani eco bamwi . . .

²¹⁵ Elyo boonse bakali aanze lya bwaato obo bakanyonyooka. Boonse aanze lya citondezzyo, ca bulowa, bakanyonyooka, bantu boonse. Elyo bantu boonse aanze lya Citondezzyo, ca Muuya Uusalala, bayo nyonyooka.

216 Takukwe makani obo bubotu, obo kunji mbo bakali basimbungano! Kwakali banji mu mazuba akwa Nowa. Kwakali banji mu mazuba akwa Musa; pele muntu oyo wakakacilwa kubikka bulowa, mbuli citondezyo, wakali, wa kanyonyooka. Abo bakakakilwa kunjila mu bwaato, bakanyonyooka. Abo bakakilwa kuboola muli Kristo, nkambo Ngu Bwaato!

217 Bakorinto Bataanzi 12, bakati, “Ku Muuya omwe twa kabapatizigwa mu Mubili omwe.” I iya kuyeeyela buyo, kutali mbungano; pele iya kuyeeyela buyo, kutali tubungwe; Mubili iwa kuyeeyela buyo wa Jesu Kristo! “Ku Muuya omwe,” mupati M-u-u-y-a, Muuya, “toonse twaka nyikizigwa mu Mubili oyu omwe.” Mpawo Citondezyo cili aa citendele, nkambo uli muli Kristo. Elyo Wa wakali Omwe, Cituuzyo cako, Oyo wakazunda lubeta. Elyo cindi Leza nalanga aali eco, Ta konzyi kucita cintu. Yebo uli kwabilidwe buyo mbuli mbo konzya kuba, nkaambo Leza a Kristo ngu Muntu omwe ncobeni, Muuya wakaba mu mubili a kukkala aakati kesu. Elyo kuli Leza a Bakwe Beni, a nduwe, bana Bakwe Beni, mu Mubili. Nceeco we, kutali bube, pele Muuya! “Njo mwiindilila.”

218 Ba kazwa koonse ku Egepita, kuyo bungana mu busena obu bomwe, kutegwa babe kungsi lya citondezyo eci.

219 Elyo bakazwa ku bana Methodisti, Baptisti, Presbyteria, Luther, Pentekoste, zintu zyoonse zimbi, kuba kungsi lya Citondezyo. Mbubonya buyo mbo cakabede kaindi!

220 Wa kali Musumpululu wa Mulilo wakaiminina kuya. Elyo umwi wakaambila uumbi, uumbi wakaambila uumbi, uumbi wakaambila uumbi, alimwi, cintu citaanzi mulizi, mpaawa boonse bakatalika kusika. Ba katalika kusika, alimwi bakalangilila cizibyho ca Leza. Ba kati, “Lubeta luli aafwaafwi.”

221 Mpawo musinsimi wakati, “Nda mwawa kuzwa kwa Leza. Kuyooaba citondezyo. Nkabela amubikke bulowa aa citendele. Amujaye kabelele, amubikke bulowa aa citendele, nkabela ciyooba citondezyo, nkaambo lufu luli aafwaafwi kuuma.”

222 Andi mwaambile sunu, mbuli muzike Wakwe, citakuti Citondezyo cili aa citendele, kuli lufu lwa kumuuya luyo uma. Alimwi oonse mabungano ajokela ku—ku nsangano, ya Nsangano ya Nyika iya Mabungano. A jokela ku buna Katolika. Elyo abo buyo bakasimpe, bazyalululwa, bayo tantamuka!

223 Amwiibaluke, kutali tubungwe twanu twa Pentekoste, nkaambo tuli kale mukati. Tondezya kuti tulifwide! Tuli nyonyookede. Twa katuula. Twa kajokela. Twa ka Mu bikka aanze lya mulyango, pele Uya ndaula Citondezyo. Nkaambo, cintu buyo ncoba kayaamina cakali ca kwaambaula mu myaambo.

224 Muta yaamini ku kwaambaula mu myaambo, kwiina cintu cimbi. Pele amulekele Citondezyo Lwaco cibeko, Muntu uuli ngu

Jesu Kristo, Buumi Bwakwe Mwini muli ndinywe. Mutapaluli buyo *eci, eco*; pele amupalule buntu bwanu boonse, mane nywebo a Kristo mwaba Bomwe. Kristo muli ndinywe, alimwi Buumi Bwakwe bulapona ku masena kuya muli ndinywe.

²²⁵ Lino, lino, kuzwa koonse ku Egepita! Elyo amulange lino, mbuli eco nco twa kacita, mbuli mbo tubona ciindi kacilibonya, tuli lailildwe kucita cintu nciconya. Sena mwakalizi eco? Amubone musinsimi nca kaamba.

²²⁶ Elyo tuyo bala lino, ikuti na mula yanda kubala, mu ba Hebrayo capita 10. Elyo ikuti na mu yanda kubala a ndime, Ndi yanda kubala kampango na tobile awa lino ka tutana zumanana. Ba Hebrayo capita 10, nkabela atu talikile aa kampango ka 26 ika capita 10 ya ba Hebrayo. Peepe, Ndili. . . Atu bone. Inzya. Iiyi, munene! I ba Hebrayo, capita 10, a kampango ka 26, mwabona.

Nkambo ikuti na twa bisya acaali lya kumana kutambula. . .

²²⁷ Atu bone, Nda jana obo bululeme na? Inzya. Mbo mbubo. Iiyi.

. . . ikuti na twa bisya acaali. . . lya kumana kutambula luzibo lwa bwini, ta kucipailwi limbi cipaizyo ca cibi.

Pele kulangila kumwi kuyoosya i kwa lubeta, i bukali bupati, obo buyo nyonyoona mulwani.

Awa amulange! Oyo wakasusya mulao wa Musa wakafwa kakutakwe kuusilwa luse kubweendelezi bwa bakamboni bobile na botatwe:

. . . mbupati buti ku cisubulo mbo cinga caindila, nekuba, mbo muyeeyela, mbwa yooba nekuba mbwaelela, oyo wa lyataula kungsi i lya cituta, kungsi i lya cituta Mwana wa Leza, a. . . kulanganya i cizuminano ca bulowa, obo kuli mbubo nkwa kasalazigwa, kuba cintu citasalali, alimwi wa bisizya Muuya wa luzyalo oyo uuzwa ku Bulowa?

²²⁸ Mukambausi, membala, muntu mubotu, muntu ulilemeka kabotu, kufumbwa mbobede, alimwi ulizi kuti Leza wakagwisya misanga yatombwe kuli nduwe. Banakazi, mulizi Wa katola tubbudula, a—a masusu mafwaafwi, a zintu zyoonse, kuzwa. . . Yebo ulizi kuti Wa kacicita eco. Pele mpawo ikuti na wacebuka a kusampaula, a kubala Bulowa obo bwa cizuminano, mbuli mbo Bwa kabede, “cintu citasalali,” Oyo wakusalazya a ku kuleta kusika boobu!

²²⁹ Mbuli basikutwela, ikuti na bakaboola kutala awa ku nyika ya munyinja, a kulingula, a kuti, “Ee, Ndi lizi nko cili, pele cisinkila ncipati loko. Tu boneka mbuli cisozi,” baka nyonyooka mu nkanda. Basyomi bakucizo buyo!

230 Muta siki *boobu*, kwaamba, “Nda syoma Mulumbe.” Yebo ulaswiilila mutumwa. Kaboola kulaale muli Kristo! Yebo wati, “Ee, Nda syoma Ijwi lyoonse lya kaambwa, Mukwesu Branham.” Eco ncibotu, pele eco buyo—eco buyo nkukonzya buyo kubala.

231 Amu bweze Mulumbe, a Mu njizye mu myoyo yanu, kuteeti mweelede kuba a Citondezyo, Buumi mbubonya obo bwakali muli Kristo bube muli ndinywe. “Cindi Nda bona Eco, Njo mwiindilila.”

232 Mbuli mbo tubona zitondezyo zipati zya kuciindi caku mamanino aa nyika sunu, tu lizi kuti eco cili luzi. Lino amulange, Nda lindila kuli eci, kwa ciindi, ciindi cilamfu, ku Mulumbe oyu kuli ndinywe. Mwabona? Elyo mwabona zitondezyo zya ciindi caku mamanino. Nkabela Nda Uka mbauka kuli ndinywe, a Kuu tondezya kuli ndinywe, kwiinda ku zintu zyoonse ezyo Kristo nzya kaamba. Sa mbombubo? [Mbunga yaamba, “Ameni.”—Mul.] Muyo cizumina eco? [“Ameni.”] Tuli ku ciindi ca mamanino. Ta ndibwene cintu cisyeele.

233 Yebo wati, “Ino kujatikizya caando ca cinyama?” Abo bakaka Muuya Uusalala bagwalidwe kale ku cinyama. I cisubulo cijo sika aakale. Mwabona?

234 Mu Israyeli, cindi mweembo niwa kalila mu mwaka wa Jubbili, muntu oonse. . . Nywebo mulabona Kristo, mu kubala eco? Wa kabala buyo cisela ca ncico, nkaambo cisela ca ncico cakali kwaamba ku ciindi eco. Mwabona? “Wa ka Ndi tuma kwaanga myoyo iityokede, kukambauka lwaanguluko, a zimwi zimbi, mwabona,” pele, Walo, “a mwaka uusalidwe wa Mwami.” I cimwi caco, Taakwe naka—Taakwe naka bala eco; Wa kabikka Bbuku aanso, nkambo eco nca buzuba buno. Mwabona? Wa kabala buyo cibeela ca ncico, cibeela cakali ca buzuba Bwakwe.

235 Lino eci nce ncico Nca limu kucita sunu. Eco ncencico Nca limu kwaamba, kwiinda mu Muuya Wakwe wabunanike, ku mbungano sunu. Lino nde oora. Lino nce ciindi. Amu Ci tambule, no bantu. Amu Ci tambule!

236 Inzi! Tula bona ziindi zipati zyaku mamanino, mimuni iisubila kaimweka, ku masena oonse. Ku bulenge, tula bona bulenge kabu mweka mumuni, “I ciindi cili aafwaafwi.” Tula cibona aa mbungano, kumweka mumuni. Ya pegwa mulandu. “I ciindi cili aafwaafwi.” Ili mu nyika. Tula ibona ku—ku milengalenga, ku lwizi, ku masi, ku masena oonse; mu zuba, mweezi, nyenyeezi. Zitondezyo!

237 Tu bona zitondezyo zyaku ciindi caku mamanino zya Muuya Uusalala zya kajoka ku bantu. Mbuli mbo cakabede mu mazuba akwa Lota, nzila Muuya Uusalala mbo waka beleka kwiinda mu muntunsi oyo kuya, oyo wakali Leza wakatondezegwa mu mubili. Obo Leza mbwa kakonzya kulibamba mu muntu Mwini, Mwini muli Nabwiinga Wakwe mu buzuba obo, a kutondezya cizibyo nciconya, Jesu wakati cijooba cintu nciconya mu mazuba

aa mamanino. Tula cibona. Tula bona Musumpululu wa Mulilo nguwenya. Ayalo sayansi yabweza zifoto zya Nguwo, a zimwi zimbi. Tula bona zitondezyo zyakw ciindi caku mamanino kuti zili aafwaafwi. Tu lizi cili aano.

²³⁸ Elyo mpawo, mukubona eci, ikuti na mula ndisyoma! Ikuti na mula ndisyoma; amusyome zitondezyo, amusyome Ijwi, nkambo zikanana eco nce Ndili muku mwaambila. Ikuti na Ta ndaambi Bwini, nezya taka vwiila. Leza kwiina nayo amba ca kubeja. Leza ukanana Bwini. Alimwi Majwi aya alungulula kuti Nda amba Bwini. Nge ngawo alungulula Mulumbe oyo ngo Ndi kambauka. Kutali buyo Angelo kunselelo ku mulonga buzuba obo, oyo wakati, “Mulumbe wako uyo sololela Kuboola kwabili kwa Kristo,” milimo lwayo! Ikuti na tamu konzyi kusyoma Angelo oyo wa kaamba Bwini; amu syome milimo, nkambo Bbaibbele iyakati zintu ezi ziyo citika ku ciindi caku mamanino. Zyalo zili Nze zizyo zilungulula eco. Zyalo zili nzimwi zyaamba maningi kwinda majwi angu na kufumbwa muntu umwi. Ndi Ijwi Lyakwe. Ci lungulula ciindi.

²³⁹ Elyo tula bona ezi zitondezyo, zyakw mamanino ziyooosya a zipati ku bantu, alimwi zitondezyo zya ciindi, aa nyika, mafwabi akati ka masi.

²⁴⁰ Tula bona Israyeli mu nyika ya buzyale. I ndembela, Nyenyeezi ya ziimbi zili cisambomwe iya Davida, ilapepela, ndembela yakaindi loko mu nyika, ndembela yakaindi loko mu nyika. Ngo cisi. Ni mfulumende. Yalo ngo bantu bayo beni. Ili mu nsangano ya masi. Yalo, yalo mboibede, yalo ngu zintu ezi zyoonse. Ili mu U.N. Alimwi ili jisi mali ayo eeni, zintu zyoonse. Jesu wakati, “Eyi nzyalani taikamani kusikila zintu zyoonse zika zulizigwe.” Elyo, amwiibaluke, masiku ngaonya ayo Israyeli niya kabambwa kuba cisi, akali masiku ayo Angelo wa Mwami naka libonya kuli ndime nkoonya kulaale kuya. Mbo mbubo. Mpaawo toonse mbo tubede.

²⁴¹ Zintu zyoonse zitondekede ku Bwini ncobeni. Tii ndaka beja kuli ndinywe. Nda kamwaambila Bwini, nkabela Leza walungulula kuti Nda kamwaambila Bwini. Lino, amwiibaluke, Ndi munyoko. Ndi muntu, mwabona. Ndi muntu buyo mbuli nyoonse, pele muntu umwi weelede Ku buleta, muntu umwi weelede Ku bwaamba. Tii kwakali kusala kwangu; kwa kali kusala Kwakwe. Elyo Nda mwaambila Bwini, alimwi Wa lungulula kuvwiila kuti Bwalo Mbwini. [Mbunga yaamba, “Ameni.”—Mul.]

²⁴² Cindi twa bona zintu ezi aa nyika sunu, oh, no bantu, eli nde oora lya mamanino. Amu bikke Citondezyo aali ndinywe, cakufwambaana mbuli mbo mukonzya; na, amu njile Citondezyo, amu njile mu Citondezyo. Mbuli mbo tubona cizibyo cipati caku mamanino, nkabela ciindi cili aafwaafwi, kacitu cenjezya, “Ciindi cili aafwaafwi.”

243 Oh, amubweze eci cakusinizya! Twe elede ku yandana umwi aumwi. Oh, ma! Twe elede kuba mu luyando maningi! Muta soli ku sampaulana pe. Ikuti na muntu umwi walubizya, amu mukombele cakufwambaana ncobeni. Tuli antoomwe muli eci, a Leza. Tuli babunyina a bacizi. Oh, amupone cabunaleza. Amupone, amupone mbuli bana basimbi ba Leza, amupone mbuli bana balombe ba Leza. Amupone cabubotu, abuuya, abubombe.

244 Muta lekeli bubi kunjila mizeezo yanu, mu kuyeeya kwanu. Buyo, amu kukake buyo. Ikuti na kwakonkomona aa mulyango, amuku gwisye. Amwaambe buyo, amu tondezye buyo Citondezyo, amuzumanane kweenda, “Ndili kungsi aa Bulowa!”

245 Amwiibaluke, kwakali banji babo baka boola ambabo banakazi masiku ayo, kwaamba, “Yawe, Gertie, Lillie, no bamwi, amuzumanane kuzwa, tuya ku kubungana kwa kulisangabalisa sunu masiku.”

246 “Huh-uh! Ndili kungsi aa bulowa. Ndili kungsi aa citondezyo, ku kkala awa. Luyando lwangu luli ku Mubumbi wangu. Lufu luli mu nyika sunu masiku.”

247 Elyo lufu luli mu nyika sunu. Lubeta lula lindila, lu laafwi kucitika. Atomiki, a mahaidrojini, a misyobo yoonse ya lunyonyooko lupati, ilindila masi.

248 Elyo Leza uli mukweenzya Mbungano Yakwe, a kutondezya zyoonse. Tuyo bwede Kabelele kutala eno kwa ciindi cikubwene, a kulangilila, kubona eco Ncali mukucita, a kulangilila bulenge Bwakwe a zintu zyoonse, pele eno Citondezyo ceelede kubikkwa. Ce elede kubikkwa. Ncintu cilikke. “Ikuti na muntu taazyalwa ku Muuya, a maanzi, ta kasoli kunjila mo.” Elyo mweelede ku yandana umwi aumwi. Basyomi beelede ku lyandaanya kuzwa ku nyika. Muta cibwezi buyo mubuubauba.

249 Lino, nywebo no bantu baswiilila kuli Eci, aa teepu, no banakazi, no baalumi, amuswiilile kaindi kaniini. Ikuti na mwaka sola kundisyoma, amu Ci syome eno.

250 Ngu ciindi cakuleka kukwankana umwi aumwi. Amusyome Mulumbe wa Bbaibbele! Amusyome Jesu Kristo! Alimwi amu yandane, amu lemekane, akuba akulemekaka kuli umwi aumwi. Baalumi amu lemeke banakazi banu. Amu lemeke maanda aanu. Amu kamantanye maanda aanu, nkaambo, amwiibaluke, aka Kabelele nka ng’anda, kutali yomwe buyo; ku ng’anda yoonse, ayalo, ka keelede kuletwa. Zintu zyoonse zyaka letwa mukati. Twe elede ku yandana. Elyo basyomi beelede ku lyaandanya kuzwa ku nyika.

251 Amubone, tii bakalina boola buyo antoomwe kuti baambaule kujatikizya mulumbe. Ba kaboola antoomwe kuti babikke bulowa, ku bikka citondezyo.

²⁵² Eco ncencico nco mweelede kucita. Mweembeli Neville, a mbunga eyi, basyomesi, madaikona, kuli ndinywe bakwesu, nciindi cakuti tubikke aambali bufuba boonse bwa nyika, cindi cakubikka aambali zintu zyoonse zimbi. Twa bona kunji eno, mane tuli masimpe, ncobeni. Nkabela Citondezyo ceelede ku bikkwa. Nata Ciko, muyo nyonyooka; mweelede ku nyonyooka, eco nce cintu cilikke.

²⁵³ Oh, muta booli antoomwe, kwaamba, “Nda Ci syoma.” Amube kungsi lya Ncico, amu Ci njile! [I kunyonganya kwamvwigwa kwa kukwabana kwaluwo lwa sikapepele kwa wamayuwe aaluwo mafwaafwi kubuleya—Mul.] Mwa cicita buti? “Ku Muuya omwe twa kabapatizigwa mu Mubili wa Jesu Kristo.” Bantu boonse amusyome, a moyo wanu woose. Mwabona? Ta kajisi kaambo kuli oonse watakali kungsi lya Ncico.

²⁵⁴ Nguni oyo waambaula? [Muntu umwi waamba, “Oyo ngu sikapepele wamayuwe aaluwo mafwaafwi, Mukwesu Branham.”—Mul.] Mayuwe aaluwo mafwaafwi aazwa aatala? [“Aboola kwiinda mu sipika.”] Kwiinda muli sipika. A njila muya na? Nda mvwa muntu umwi. [“Mukwesu Branham, Nda syoma kuti lwali luwo lwa njila kusule kuya.”] Luwo, inzya. Oh, ba—ba ibikka kuli zyaku kwabana. Ndi yeeyela kuti ba tola. . . Oh, ku myootokala? Mundi jatile. Ndi lizi muntu umwi waamba cintu cimwi. Alimwi Nda yeeya kuti na muntu umwi wali kuyanda kwaamba cintu cimwi kuli ndime, nkabela tii bacimvwa, nywebo mwabona, alimwi ako nke kaambo Nce—Nce ndaamba eco nce Nda cita. Nda mubona kamulanga koonse. Nda mvwa jwi. Nda li kuyeeya kuti muntu umwi wanyamuka a kwaamba cintu cimwi, nkabela tii Nda zyi eco mbocabede. Lino, lino, nda lumba.

Pele, amusyome, amube kungsi lya Ncico!

²⁵⁵ Israyeli tii yaka boola antoomwe, kwaamba, “Toonse atuye kuya ku Gosheni sunu. Tuyo enda kutala ku Gosheni. Amu tante nkamele zyanu, nkabela tuyo bweza cikocikala. Alimwi tuyo bweza bana Jones, kubusena awa, a zimwi zimbi, a—a ba Goldberg, nkabela tuyo unka kutala ku—ku Gosheni. Elyo nywebo mulizi na? Musa uyo ambaula sunu.” Eco tii cakali obo. Peepe, munene, mukwesu! Ngu, amube kungsi lya bulowa obo! Iiyi, ncobeni.

Kutali kwaambaula kujatikizya Ncico; amunjile muli Ncico!

²⁵⁶ Umwi wabo wati, “Yebo ulizi, Ba. Goldberg, Ndi lizi ncobeni kuti Mbwini.”

²⁵⁷ “Iiyi, mukwesu, Nda cisyoma kuti Mbwini. Ndili cizyi kuti Mbwini.”

“Ba. Lavinski, ino uyeeya nzi ku makani aco?”

258 “Ngo Bwini caku maninina! Nda bona nguzu zya Jehova Leza kazyaambaula. Nda bona bacula abo kabazwa mu nyika eyo. Ndi lizyi kuti tii cakacitika kusikila Wa ka caamba, alimwi Ndi lizyi kuti oyo ngu Jehova Leza.” Lino, oko koonse kuli kabotu.

“Sa waka palulwa?”

“Iiyi, munene!”

“Sa uli musyomi?”

“Iiyi, munene!”

259 Elyo mpawo cindi na kamvwa Mweembeli Musa kaambaula, buzuba obo, wa kati, “Pele mweelede kuba kungsi kwa bulowa obo, nkambo Leza wa kati, ‘I bulowa ncitondezyo.’ Calo ncitondezyo! Takukwe makani obo kunji nko kasyoma, obo kwini nko kapalulwa; eco ncizuminano Leza ncakapa kuli Abrahamu, a zimwi zimbi, eco nce cizuminano. Pele mweelede kuba kungsi lya bulowa, eco nce citondezyo, nkambo Wa kati, ‘Cindi Nda bona bulowa, Njo indilila.’ Muna Israyeli, na kufumbwa!”

260 Ako ngu kabungwe na takali kabungwe, na kamwi, mweelede kuboola kungsi lya Bulowa. Muna Methodisti, Baptisti, Presbyteria, Pentekoste, uutali wakabungwe, kufumbwa mbobede, nkwa muntu cigaminina. Mweelede kuboola kungsi lya Bulowa. Lino buyo mutaambauli makani Aco; amu Ci tambule! Amu ndimvwe! Amu ndimvwe! Mu Zina lya Mwami, amu ndiswiilile! Mwabona? Amu konzye kuboola kungsi lya Bulowa!

261 Ta kajisi bwiinguzi bwa muntu uuli oonse wakazwa kungsi lya bulowa. Leza waka cibamba antangalala kuti boonse bazwide kungsi lya bulowa bayo nyonyooka.

262 Ndalomba Ndi belesye Majwi Aakwe na? Boonse bali aanze lya Kristo bayo nyonyooka. Mbobuti mbo munjila muli Kristo? Bakorinto Bataanzi 12, “Ku Muuya omwe!”

263 Kutali, “ku kusukana maanza komwe, bumembala bomwe, ku kabungwe komwe.” Eco ncencico nco bali mukusola kucibamba. Inga bacita eco.

264 “Pele ku Muuya omwe toonse twaka bapatizigwa mu Mubili omwe.” “Ikuti na angelo uuzwa ku Julu uyiisya cintu cili coonse cimbi,” Paulo wakati, “abe mutuke.” Oyo ngo Mulumbe, amunjile muli Kristo!

265 Amulange, kufumbwa muntu aanze lya citondezyo, Leza kwiina naka jisi bwiinguzi. Alimwi Leza takwe bwiinguzi ku muntu uuli oonse, mupati na muniini, simpuwo na uutakwempuwo, movubi na mucete, mwaange na mulubusi, mwaalumi na mwanakazi; Ta jisi bwiinguzi ku muntu uuli oonse oyo uuzwide kungsi lya cizuminano ca Citondezyo. Ta cijisi bwiinguzi.

266 Yebo wati, “Pele, O Mwami, Nda kacita *eci*. Nda katanda badyabulosi. Mwami, Nda kacita *eci*. Nda—Nda kakambauka Makani mabotu.”

267 “Amuzwe kuli Ndime, nywebo nomucita milandu. Tii ndaka muzyi akwalo.” Wa kaziba buyo Citondezyo.

268 Sena mwa Ci mvwa? Amwaambe, “Ameni.” [Mbunga yaamba, “Ameni!”—Mul.] Lino, mbubonya cili aali ndinywe. Wa. . .

269 Kandikkede aansi awa mu zisaka ezyo buzuba bumwi, nkabela basankwa bakali kuyeeya, kati, “Ngaaya mazuba obile, nywebo tamu. . .” Tee ndaka dubula sikaale akwalo. Kati, “Ino ndipenzi nzi?” Mwabona, obo mbo cakabede. Mwabona?

270 Kati, “Kocibikka aali mbabo, aali mbabo.” Kati, “Yebo waambaula—kaambaula kuli Ndime kujatikizya ncico.” Mwabona? Lino cili ku mulimo wako. Nci cako.

271 Ta kazibi cintu cita Cizuminano eco, ca Muuya Uusalala. Alimwi tamu konzyi kutambula Cizuminano citakuti mwaka futulwa, kasalazigwa, alimwi mpawo kubapatizigwa mu Mubili. Ta kaciti pe.

272 Yebo inga kojisi kulikozyanisya, inga kolimvwa kabotu, a kusotauka *koonse akoonse*, kwaambaula mu myaambo, a kuz yana mu Muuya. Eco ta cijisi cintu comwe cacucita a Ncico. Amu Ci mvwe, mu Zina Iya Mwami! Leza tazumini eco. Bahedeni bala cita eco. Balozi bala cita eco.

273 Yebo wati, “Ndime sicikolo mupati. Nda cita *eci*, *eco*, na *cimbi*.” Takwe makani obo kunji mboli sicikolo mupati. I dyabulosi mbwabede, awalo, mwabona.

274 Walo uzumina buyo i—i Citondezyo. Oyo ngo Mulumbe wa oora! Oyo ngo Mulumbe wa buzuba bunu! Oyo ngo Mulumbe wa ciindi *eci*! Mu Zina Iya Jesu Kristo, a Mu utambule!

275 Kutali cimi-. . .ciiminizyo, cintu cimwi dyabulosi nca konzya kubikka aatala aali ndinywe; mbuli luyando lwabuyo, kubamba muntu kuti ayande mwanakazi uumbi kunze Iya mukaintu wakwe, na mukaintu umwi kunze, na umwi wa cintu cimwi awa, cintu casampu. Olo taluli luyando lwini. Oyo ngu dyabulosi. Eyo nje milimo yakwe. Ncintu cimwi nca sola kumupa, mubusena; lutangalo, ku kunywa a kumvwa kabotu kujatikizya nkuko, wati, “Ndi jisi kuusa a kudyamininwa; Njo zwa nkabela nkali janine kagalonni ka bukoko, a kuluba kujatikizya ncico.” Olo ndufu.

276 Leza ndutangalo lwako. Leza ni nguzu zyako. Mukuziba Mulumbe, mukuziba Bwini, oko nkukkutula kwesu eno. Ngo kukkutula kwangu koonse. Muli Nguwe, zintu zyoonse nze Ndi bulide zili muli Nguwe. Ezyo ni nguzu zyesu. “Lugwasyo lwangu luzwa ku Mwami.” Nywebo no Banakristo, amulange kuli Nguwe ku lutangalo lwanu, amulange kuli Nguwe ku

nguzu zyanu, amulange kuli Nguwe ku lukkomano lwanu. Ngu luumuno lwangu. Ngu lutangalo lwangu. Ngu luyando lwangu. Ngu Buumi bwangu. Eco nce Cizuminano, Citondezyo aa citendele!

²⁷⁷ Kutaba a bwiinguzi ku muntu omwe, muntu omwe, takukwe makani na nduweni, Ta jisi bwiinguzi, kuzwa kungsi lya Ncico.

²⁷⁸ Elyo amwiibaluke, mikwasyi yoonse yaka letwa, kaletwa antoomwe. Oh, ma! Oh, amwiibaluke!

²⁷⁹ Yebo wati, “Ee, taata wangu mukambausi. Mukwesu wangu! Mweembeli wangu! Wangu. . .” Obo inga bwaba bwini, abwalo, pele ino kujatikizya nduwe?

²⁸⁰ Amwiibaluke, kukwabililwa buyo cindi citondezyo nica kabikkwa! Ikuti na muntu wakali kungsi *awa* wa, nkabela mwana wakwe wini wakali aa kagwagwa, wa kali mu ntenda. Na ka nyonyooka. Ba wisi inga bafutuka. Na, ikuti mwana wakali kubusena *awa*, nkabela ba wisi kutala kuya, ba wisi niba kanyonyooka. Citondezyo buyo! “Cindi Nda bona citondezyo, Njo mwiindilila.” Eco nce cintu cilikke.

²⁸¹ Yebo wati, “Ee, mwana wangu mukambausi.” Nywebo no batumbu mwati, “Ndi jisi musankwa uuli kabotu loko, na musimbi uuli kabotu loko. Nda mwaambila, mbantu babotu maningi. Baka zuzigwa a Muuya Uusalala, a luyando loko! Bala swiilila. Ta ndina bona cili obo!” Ino kujatikizya nduwe, baama?

²⁸² Yebo wati, “Baama muntu mubotu maningi. Ndi lizi, ikuti na bafwa, baya ku Julu, nkaambo bajisi Citondezyo ncobeni, Mukwesu Branham.” Ino kujatikizya nduwe, mucizi? I mukwasyi oonse weelede kuletwa kungsi.

²⁸³ Sa mwakatala? [Mbunga yaamba, “Peepe.”—Mul.] Njo. . . Ngu twelufu okuloko. . . Kaindi buyo kaniini. Inga nda ucesya a kutalika alimwi sunu masiku. [“Peepe.”] Pele ikuti mula—mula yanda kulindila kwa kaindi kaniini buyo limbi, Njo sola kubinda eno. [“Ameni.”] Ndiyo njizya eci ncobeni. Nkaambo, Ndi yeeya kuti, ndyoonya eno kuciindi nomuli kungsi lya bunanike bwaco, inga cabota ikuti na mwacimvwa ndyoonya eno. [“Ameni.”]

²⁸⁴ Buyo cindi Citondezyo catondezegwa! Mpawo, mukwasyi oonse weelede kuba kungsi lya Citondezyo eco, Bulowa. Taata a baama, Ndi lizyi mbo mulimvwa. Ndi jisi bana, ambebo, Nde elede kubona kuti bafutulwa. Ndila lyaambila sunu. Mwabona? Ndi jisi babunyina. Ndi jisi mucizi. Ndi jisi bamwi bayandwa. Ndi—Ndi yanda kubona kuti bafutulwa, abalo. Pele, amwiibaluke, kakutakwe kutondezegwa Citondezyo, bayo nyonyooka. Kwiina bubuke kuli mbabo. Mbo mbubo. Baka nyonyooka. Buyo cindi Citondezyo catondezegwa!

²⁸⁵ Amulange, Joshua, ndilombozya kuti ni twa jisi ciindi ca kucibala. Amu ceengele aa mapepa, Joshua capita 2; sikuvuula muna Masi uusyoma, Rahabi.

286 Oh, Ndi lomboozya kuti niyali kutandila naini okuloko. Ndi yanda—Ndi yanda kubweza eyo a kutondezya buyo nzila eco mbo cakabede kuya, mwabona. [Mbunga yaamba, “Koli kwaya.”—Mul.]

287 Oyu sikuvuula, muna Masi, amulange, oonse mukwasyi wakwe. Waa kali musyomi. Mukwasyi wakwe oonse wakaba kungsi lya lutambo olo lusubila, citondezyo eci. Ba kaba kungsi lya ncico, kunze lyaboobo niba kanyonyooka. Ba kamvwa bukali bwa Leza. Ba kamvwa kutondezegwa kwa zitondezyo a maleele aa Leza akati ka bantu Bakwe, nkabela baka kacitambula. Waa kacitambula. Leza, angelo walunyonyooko, wakali kuboola. Ba kali cizyi. Elyo Joshua wakali angelo oyo. Ba kali kubweendelezi.

288 Elyo mbubonya cisi coonse mbocibede, mu nyika, kubweendelezi bwa Lubeta lwa Leza!

289 Sikuvuula oyu, muniini wakaindi, waa kamvwa. Lusyomo luboola kwiinda ku kumvwa! Waa kati, “Cisi coonse canyongana nkambo ka ndinywe.” Mbo mbubo.

290 Lino, basikutwela abo baka tumwa mukati muya kupanga kulibambila, a zimwi zimbi, waa kalemeka baalumi abo. Alimwi, waa, waa kali kuyanda kufutulwa. Waa kati, “Ndi lizi kuti Leza wanu ngu Leza, alimwi Nda kamvwa ezyo zintu zipati Nzya kacita. Ndi lizi eco Nca kacita kuli Ogi, alimwi Ndi lizi eco Nca citila masi andeene. Elyo Nda bona kuti abo ba Mu tambula bala futulwa, a baabo bata Mu tambuli bala nyonyoonwa. Elyo Ndi yanda kuba muumi,” waa kati. Oh, ma! Nceeco we. “Ndi yanda kuba muumi.” Nkambo buyo ba . . .

291 Amubone, Jeriko ya kamvwa eco Leza ncakali kucitya, pele tii baka yanda kuzumina kucenjezegwa.

292 Elyo taakwe kabungwe mu cisi eci, koonse, pele eco nco tumvwa Leza ncali mukucita. Ta bayandi kuzumina kucenjezegwa.

293 Nguzu a zitondezyo Zyakwe zipati zyatondezegwa. Eco Nca cita, Wa zabuka moonya mu Lwizi Lufwide, mbuli kuti akali aa nyika njumu. Wa kacitya, Wa kalenga zintu, a kupanga bacula, a njina, a ntabwa kuboola mu luwo; kazilenga kwiinda ku Ijwi Lyakwe, kwiinda mu musinsimi Wakwe. Ayo takali maseseke. Ba kali cizyi.

294 Elyo Rahabi wakati, “Nda kamvwa eco. Ta ndi yandi kunyonyooka antoomwe a baabo basikutasyoma. Peepe, munene!” Kalizi kuti lubeta lwakeelede kucitobela, nkambo baka lizi kuti bakali kubweendelezi. Waa kali cizi. Aboobo, baka muubambila nzila yaku kuciloboka.

295 Ba leelede kuti bakasyoma kuti kabungwe kabo keni ka Jeriko kakali kukonzya kuzunda bukali bwa Leza, mwabona, kabungwe kabo keni kapati.

296 Eco ncencico bunji bwabo mbo bayeeya sunu. “Oh, ncobeni Leza taka citi eco.” Eco ncencico Saatani nca kaamba kuli Eva. “Oh, ncobeni Leza takaciti.” Uyo cita, nkaambo Wa kati inga Uyo cita, mwabona, alimwi eelyo ndi Ijwi Lyakwe. Iyi, munene.

297 “Citakuti muntu wazyalwa!” “Elyo ezi zitondezyo ziyo batobela abo bazyedwe!” Mwabona? “Kuli eci bantu boonse bayo ziba kuti muli basikwiya Bangu,” a zimwi zimbi, mwabona. Ncibotu, kali kuyanda kucicita. Oh!

298 Ncizi cakacitika? Baka uumuzigwa. “Taakwe lubukulusyoy luyo citika awa. Kabungwe kesu taka koogwasya cili obo. Ta tukabi a musyobo oyo wa bufuba akati kesu. Nda kasya muntu uuli oonse kuunka ku muswaangano oyo.” Huh! Jeriko, moonya mu nzila ya banyonyookede!

299 Pele kwa keeleede kuti kwakali basankwa bamwi ba mateepu baka zwetukila ku busena bumwi, ku mbuto yakakanzwa. Baka zwetukila ku ng’anda yakwe a kulizya mateepu amwi. Waa kabamba ng’anda yakwe—yakwe iini kuba cikombelo, kuti atambule mulumbe.

300 Ba ciba jisi, nywebo mulizi. I Mulumbe wakasika ku Mbuto yakakanzwa, nekuba. Ta tuzi nzila Mbo wakasika kuya, pele Wakasika kuya, kutegwa Baluleme bata kanyonyooki antoomwe a bataluleme. Leza ulabona eco, sunu. Inzya, munzila imwi Wa zwetukila mukati. Ta tuzi nzila. Nekubakuti taba Ko ugwasya, pele kuli Mbuto imwi kubusena kuya eyo yakakanzwa.

301 Kufumbwa muntu uulizi cintu coonse kujatikizya Bbaibbele, ulizi kuti sikuvuula oyo wakali kanzidwe. Masimpe mbwa kabede! Ta kali...I Bbaibbele iyakati, “Ta kanyonyooka antoomwe a balo baka tasyoma.” Mbo mbubo. Pele waa kasyoma mulumbe wa oora.

302 Elyo Leza wakamupa cizibyoy, kwinda ku mutumwa Wakwe. Kati, “Kobweza i—i lutambo, lusubila lusalala a kulwaanga aali ako...” Kati, “Koibaluka, kuti na to lwaanga lutambo olo awo, na ku lusiya awo, olo ndu twalobokela, ta tukwe bwiinguzi ku cikonke cesu.” Elyo wakati, “Ikuti na wazwa kungsi lya ndulo, ta tukwe bwiinguzi.” Oh, ma! “Rahabi, mbuto zyoonse zya kakanzwa mukati muno, a muzwe awa a kuyo zivwima. Kajane bauso, banyoko abalo! Nkambo, no twazwa buyo, kungsi lya mulungo oyo, ku musanza mu Egepita, a zintu zyoonse ezyo nzo twa tajisi kungsi lya citondezyo eco zya nyonyooka. Rahabi, Ndi kupa cizibyoy. Ngo citondezyo. Elyo Nda amba, mu Zina lya Mwami, mbuli ku kwaamba, ikuti uyo bikka eco! Ndili cizi eco cacigaminina, a mutumwa. Ndili muzi angelo cacigaminina wa bukali, Joshua. Ngu mutumwa wa Leza uunyonyoona. Ndili muzi kabotu, alimwi ulizi kuti kweelede kuba cizibyoy ca citondezyo. Elyo ulu lengelezye awo, nkabela Njo kupa kaanzambwene. Nda konka.” Elyo Leza waka konka,

awalo, kuteeti eco cakazwa kungsi lya ncico ciyo nyonyooka, alimwi boonse abo bakali kungsi lya ncico bayo pona.

³⁰³ Lino, cikonke nciconya mbocibede sunu, cintu nciconya, mwaboona, “Ta ndika mulekeli kunyonyooka antoomwe abaabo batasyomi Mulumbe.” Elyo bali . . .

³⁰⁴ Waa kamvwa milimo kuti yakacitwa, nkabela waa kacisyoma. Pele, kutandila, waa kali . . . Walo a bawisi bakwe, a babunyina basyoonto, na cintu cimwi, balikke buyo mbe baka cisyoma, mu muunzi woonse.

³⁰⁵ Mwabona mbo bakali bace na? Omwe buyo *awa a kokuya*, mukwasyi musyoonto uyo zwa ku cisi. Mbo mbubo na? [Mbunga yaamba, “Ameni.”—Mul.] Mbubonya lino, awa tu bandika tusimpe. Tuli . . . Ikuti mula bona eco mubili wini mboubede, mweelede kubona eco cikozyano mbo cakabede kusaanguna. Mweelede kubona obo cimvule mbo cibede, mpawo mula ziba cintu cini mbo ciyo boneka. Mwabona?

³⁰⁶ Nguzu zyakwe zyaka tondezegwa. Lubeta luli kubweendelezi. Beeleede kusyoma, kutegwa ba futulwe. Iiyi, munene. Elyo kaniini aka . . .

³⁰⁷ Balombwana aba baka njila muya, batumwa aba, a—a kujata mbuto eyo yakakanzwa eyo yakasyoma. Waa kabelesya ng’anda yakwe kuba cikombelo, ku tambula batumwa aba. Inga noba takaba zuminina mu mabungano alo. Peepe, munene. Mwabona? Aboobo waa . . .

³⁰⁸ Inga tii baku zumizya, ayebo. Bala kutanda ikuti na waamba cintu cili coonse kujatikizya Ncico. Inzya. Mwabona?

Ba kanjila boonse mu muunzi wakwe, bakali kunga basyoma, kungsi lya citondezyo.

³⁰⁹ Eco ncencico ncobeni cibotu nco tweelede kucita sunu. Ikuti na uyanda bamwi bayandwa kufutulwa, yebo ncibotu waba njizya ndyoonya eno. Mwabona?

³¹⁰ Ciindi bukali bwa Leza nobwa kanyonyoona muunzi oyo mupati, cizibyo ca citondezyo caka jata ng’anda yakwe mu bukwabilizi. Ameni. Inzi? I cizibyo cakali aali nguwe kuba citondezyo . . . Na, citondezyo cakali aa ng’anda yakwe, cindi muunzi umwi nowakawida aansi. Ino cakali cinzi? Ino cakali cinzi? Joshua, mutumwa wa Leza! Leza Mwini waka zumina mulumbe wa mutumwa Wakwe. Ameni! Ca kacitondezya. Ca kacitondezya. Ba kazumina mulumbe. Wa kazumina mulumbe wa mutumwa Wakwe. Elyo cindi umwi muunzi woonse nowakawida aansi, mpaawo kwa kaimvwi citondezyo cisubila ca Rahabi kuya ku citendele, alimwi bamwi babo baka nyonyooka.

³¹¹ Mpawo, ndyoonya buyo kwa kanyamuka baangelo banyonyoona a kunyonyoona zintu zyoonse ezyo zyakali mu muunzi, kutali akabeela ka zintu ka kasyaala. Umwi waka bweza cibeela ca zintu, nkabela wakafwa ankako, kuzwa mu

kabungwe ako. Kabweza zintu zyoonse a kuciyonyoona! “Ula lutuko muntu oyo uusola kuuyaka. Mwana wakwe mutaanzi uyofwa a talika,” a zimwi zimbi. Leza waka cisinganya mbuli obo, eco cintu cipati cakakaka i luzy- . . . mulumbe wa luzyalo a luse, bakali kuyeeya kuti bakali kwabilidwe kabotu.

³¹² Bantu banji bala yeeya, sunu, “Nkaambo Ndi zulilwa ku mbungano, Ndili kwabilidwe kabotu.” Muta syomi bufuba obo.

³¹³ Cindi, “I bulowa buyo mubeda citondezyo.” I Muuya eno ngo Citondezyo kuli ndinywe, Buumi bwakali mu Bulowa.

³¹⁴ Mbubonya, atu yeeye kuti, citondezyo nciconya nco baka belesya mu Egepita, citondezyo ca buumi nciconya eco cakali mu Egepita, cakali mu Egepita, Leza waka belesya ciimizinizyo nciconya kutala kuya. Joshua, cikozyano cilondokede ica Jesu, cakali luleme ku cizibyoy ca citondezyo eco mutumwa wakwe nca kakambauka. Joshua, cindi na kaamba eco, wa kati, “Uta gumi ng’anda eyo na cintu cili coonse muli njiyo. Ya yobolelwa Mwami.” Ameni!

³¹⁵ I muna Masi, sikuvuula, simweenda nzila, pele waa kamvwa a kusyoma, nkabela waa kabikka citondezyo.

³¹⁶ Takukwe makani obo mboubaukide kuba mu cibi, eco nco kacita, eco tacikwe cintu comwe cakucita a ncico. Yebo kobikka Citondezyo. Nci cako. Ikuti ulalimvwa mu moyo wako kuteeti kuli cintu cimwi cikwela canguzu, Nci cako. Yebo kobikka Citondezyo. Elyo mupati Josh- . . .

³¹⁷ I bbala *Joshua* lyaamba “Jehova-mufutuli.” Mbubonya *Jesu* nco lyaamba, lyaamba “Mufutuli.” Alimwi, Joshua, cindi naka ziba batumwa bakwe. . .

³¹⁸ Batumwa bakwe baka joka, a kwaamba, “Nda swiilila malailile aako. Elyo kuli mwanakazi ngo twa kajana, cindi no twa kalizya mateepu, nywebo mulizi. Twa kajana mwanakazi waka syoma. Elyo twa kaamwaambila, kuti boonse baka boole kungsi lya cizibyoy eco cisubila kaindi kuya, citondezyo, ciyoba anco caamba. Lino Nda kakambauka eco. Sena kuyo cizulizya, Joshua?”

“Nda kakutuma kuyo cicita.” Ameni.

³¹⁹ Elyo mpawo cindi, cakuti, Leza waka cizulizya, ng’anda kwiina noya kazungana kuwida aansii. Elyo mpawo cindi Joshua nakaima kuya a kupa cilanzyo ca kunyonyoona cintu coonse, keenda nkukonya kutala, alimwi Rahabi a boonse bantu bakwe baka bambwa kabotu, alimwi loonse lubono lwabo, ameni, ameni, loonse lubono lwanu lwakali mu ng’anda, cakukwabililwa. Ba kaima buyo awo, alimwi tiiba kasondela mu mpulungwido. Ba kali kukonzya kubala Lugwalo kuciindi nkondo niya kali kuzumanana.

³²⁰ Waa kajoka ncobeni a kusyabwa, kusyabwa ku mweendelezi mu impi, nkabela waka komezegwa, a kuboola ku Betelehemu,

alimwi caabilo cakwe cakapegwa kutala kuya kuli mbabo. Elyo waa kazyala... waa kazyala mwana wampuwo, alimwi mwana wampuwo wakazyala mwana uumbi wampuwo, alimwi mwana oyo wakazyala mwana uumbi wampuwo, kusikila Mwana, wampuwo mupati wakasika. Nkoonya kaindi kuyaansi, a kuyabuya kwiinda muli Obedi, a kuyabuya kwiinda muli Jese, a kuyabuya aansi muli Davida. Mbo mbubo, sikuvuula Rahabi, nkaambo waa kasyoma mutumwa. Waa kabikka citondezyo, aa ng'anda yakwe yaka futulwa, kwataba boobo na kanyonyooka kuselelo kuya oko nkwa kabede.

³²¹ Amu swiilile kabotu eno. Oh, kwaamba, sa ula cizumina? Boonse bali kungsi lyaco baka futulwa mu Egepita. Boonse bakali kungsi lyaco baka futulwa mu Jeriko. Boonse bali kungsi lya Ncico bayo futulwa mazuba ano. I bulowa bwamu busena, kabelele ka bulowa, ncikozyano ca Jesu Kristo.

³²² Mu ba Hebrayo 13:10 a 20. Ta ndi jisi ciindi ca kwiibala. Amwi lembe. Ni nda ibala. Ci tegwa "cizuminano citeeli." I Bulowa bwa Jesu Kristo butegwa "cizuminano citeeli." Iiyi, munene! "Cizuminano citeeli."

³²³ Nkaambonzi nci cakaitwa kuti "cizuminano Citamani"? Nkaambo kakuti ni cata kaba Butamani. Cindi nitwa nununwa, kwa mana mpawo. Ngu *citeeli*, kwalo kwaamba kuti, "musela umwi wa ciindi," kusikila ciindi camana. Ta kukabi cimbi pe. Elyo cindi camana, tatu kayandiki cizuminano. Pele kusikila ciindi camana, tu yandika cizuminano.

³²⁴ Lino, amwiibaluke, ba Hebrayo 13:10-20, "cizuminano citeeli." Cisyomezeyo ca Bulowa bwamu busena ibwa Leza citwangulula ku cibi. Amen! Kwiina cibii muli Nguwe; cibi, kuliyanda, zyakunyama.

³²⁵ Ku Mu komba a ku tondezya nguzu Zyakwe zyaka syomezegwa! Cizuminano ca bantu iba Leza, ba citondezyo camu busena, aba Bulowa bwamu busena bajisi Muuya wa Jesu Kristo mukati muno, kuti, "Oyo uusyoma aali Ndime, milimo Nje cita, uyo icita awalo," kutondezya cizuminano. Mwabona?

³²⁶ Cipangano Cipyaa! *Cipangano* caamba "cizuminano." Mbo mbubo, cili obo na, Mwiiyi Valey? *Cipangano* caamba "cizuminano." I *Cipangano Cipyaa* caamba, "cizuminano cipyaa." I Cipangano Cakaindi cakali cakale, kubwendelezi bwa kabelele, obo buumi tii bwakali kukonzya kujoka aa musyomi. I Cipangano Cipyaa kakali Kabelele ka Leza, nkabela Buumi Bwako bwa kaboola aali ndiswe. Buumi bwa Bulowa! Mwabona? Bulowa Mbumi mu Cipangano Cipyaa, mwabona, Buumi buzwa ku Bulowa bwa Kabelele, eco caamba Cipangano Cipyaa, cizuminano cipyaa.

³²⁷ Kutu, Leza, "Kumane mazuba ayo Njo lembe milao Yangu aa zilembelo zyakunyama zya myoyo yabo." Mwabona? Mwabona? "Kutali aa zilembelo zya mabwe, a bulowa bwa kabelele, obo

mbo mwakali kwaamba, ‘Inzya, Ndi—Ndi jisi bulowa *awa*, lino bwaamba nzi kuti cita?’ Pele aa zilembelo zya myoyo yanu, mwabona, cizuminano ca Muuya Njo bamba a bantu.”

³²⁸ Elyo Ci tondezya nguzu Zyakwe. Johane 14:21, ilati, “Oyo uusyoma aali Ndime, milimo eyo Nje cita uyo icita awalo.”

³²⁹ *Cipangano Cipya* ngu “cizuminano cipya,” Buumi bupya, butondezya Jesu kuteeti wakkwanya zyelelo zyoonse zyesu ezyo Leza zyakayanda, kutubamba kujoka, ncobeni, bana balombe a basimbi iba Leza, kungsi lya Bulowa, oko kutacikwe kupegwa mulandu.

³³⁰ Baroma 8:1, “Aboobo taacikwe lino kupegwa mulandu kuli baabo bali muli,” kutali baabo ba Ci *syoma*, “kuli baabo bali muli Kristo Jesu, abo bateendi cakunyama, pele beenda caku Muuya. Alimwi Ijwi Lyangu ngo Muuya a Buumi.” Mwabona? Oh, sa inga tii Nda bweza cibalo kuzwa kuli eco a kukkala kutandila maora aambi aakubwene. Pele tuyo binda kuli njiyo, nywebo mwabona.

³³¹ Takucikwe kupegwa mulandu; kwaanguluka ku cibi, kwaanguluka ku mapakasyo aa nyika, kwiina kuzulwa. Nkaambonzi? “Kuli mbabo abo bakali, ku Muuya omwe, kabapatizigwa mu Mubili omwe.” Awo Bulowa bwa Kabelele bwa kabikkwa. I Leza waku Julu wakitambula, alimwi cako . . . Buumi Bwakwe buli muli ndinywe, alimwi nkabela muli bana balombe a basimbi iba Leza.

³³² Bube bwako mbube bwa Leza. Ino ncinzi, sikutontaikwa muniini? Peepe, munene! Leza ngu Leza wa lubeta. Ngu Leza wa kululamika. Ce elede kuba mu nzila. Taakwe cintu cimbi ciyo cicita. Obo mbo bube mbobede, nkaambo bube bwako mbwa Bauso. Mwabona?

³³³ Inzi? I buumi, amulange cindi (bwalo) buumi bwa tolwa, nkambo bulowa. Mwabona? I buumi bwini bwa tolwa. Mwabona? I buumi, ca katola, ku bulowa. Mwabona? I bulowa bwa kabikkwa, alimwi buumi tii bwaka konzya kuboola aa musyomi kaindi, nkambo buumi bwa munyama. Kutali buumi . . .

³³⁴ Pele, mwabona, mubusena bwa muntunsi, wakali muntunsi wabube bubotu maningi, wabube bubotu maningi, wabube bubotu maningi. Mwabona? Elyo eco cibamba muntunsi lino kutali buyo muntunsi, pele mwana mulombe a musimbi iba Leza, ba Buumi bwa bube bubotu maningi, bube bubotu maningi, bube bubotu maningi, bube bubotu maningi, bube bubotu maningi, bube bubotu maningi obo bwakali muli Nguwe, bwajoka aali ndinywe; a kumucinca kuzwa kuli basizibi, a zintu zya nyika, ba simbungano, a basikunjila kabungwe, ku kuba Banakristo bakazyalululwa, baka zuzigwa a Muuya; Buumi bwa Leza ka bukunka biyo kuzwa kuli ndinywe, mbuli nsasi kuzwa ku coondelo calubulo, mbuli mbo mweenda, kamuzwide bubotu, a luyando, a buuya,

alimwi mbuli Muuya Uusalala kawenda, kawaambaula. Oh, ma! Mboobo we. Alimwi a (anzi?) kumvwa Mulumbe, kulangilila Musumpululu wa Mulilo, a kaanzambwene kalelekedwe, “Nda kazwa ku lufu kuya ku Buumi.” Amuswilile kabotu, aboobo, kwiina kupegwa mulandu nokuceya.

³³⁵ “Ikuti na myoyo yesu taitupi milandu, nkokuti tuli jisi nkumbizyo zyesu, mwabona, tu lizi.” Pele ikuti na cibi cili mu myoyo yesu, nkokuti cilatupa milandu, inga—inga akwalo tatu talikili limwi biyo. Mwabona? Mweelede kwaanguluka kuzwa ku cibi. Alimwi nzila buyo njo mukonzya kwaanguluka ku cibi nku njila muli Nguwe. Eco nce civumbyo cilikke ciliko ica cibi, ngu Kristo.

³³⁶ Amwiibaluke, Bulowa bwa cizuminano, Bulowa bwa cizuminano tabu zuminwi kakutakwe Citondezyo. Ta mukonzyi. Ta mukaciti. Yebo wati, “Ee, Nda—Nda kasalazigwa kuzwa ku zintu.” Eco tacili Citondezyo. Ngu Muuya, ngo Citondezyo, Muuya wa Kristo aali nduwe. Ko ci syoma!

³³⁷ Lino, amulange, Ijwi lila twaambila cakasimpe zya cisyomezyo. Zyoonse ezi nzibalo nze Nda bamba awa. Kuzumanana buyo kukambauka buzuba boonse, boneka mbuli, mwabona, aali ncico. Mwabona? I Ijwi lila twaambila cakasimpe zya cisyomezyo, nkaambo Ngo cisyomezyo. I Ijwi Ncisyomezyo, alimwi Ijwi ngu Leza, alimwi Ijwi ndi—ndi lyesu. Alimwi tuba Ijwi, alimwi Ijwi liba ndiswe. “Ikuti na mwa kkalilila muli Ndime, a Majwi Aangu muli ndinywe,” mpawo, mwabona, uba biyo mukwasyi omwe mupati ncobeni. Mwabona? Li latu sitikizya. Nkaambo kanzi? Ee, cibeela cesu. Mwabona? Mwabona? Mwabona, Liba cibeela cesu. Ino ncibalo! Ncibotu. Lila tusitikizya, cisyomezyo.

³³⁸ I Citondezyo ncizibyo cakuti kuulwa kwa kacitika a kutambulwa. Lino, tokonzyi kujana citondezyo kuzwa ku lweendo lwa nzila ya citima kusikila wabbadela muulo; alimwi nzila buyo mboya kubbadela muulo nku cibbadelela. Mbo mbubo. Inzi? Ko Ci syoma. Ko Ci tambula. Kuswiilila kuzwide ku Ijwi lya Leza lyoonse kuyo kupa nguzu zyakuba a Citondezyo. Kuswiilila kuzwide! Kutali cibeela ca Ndilyo mbuli kuciimo kabungwe kako mbo keenda, pele koonse kwa Ndilyo. Kuswiilila kuzwide ku Ijwi, uuli ngu Kristo, kukuleta muli Kristo.

³³⁹ Lino ino kuti nowali buyo mukati koonse, pele matende aako ala lengelela aanze? Ino kuti nowali mukati koonse, a maanza ka lengelela aanze? Bunji bwesu toonse mukati, pele moyo kau lengelela aanze? Mwabona? Mwabona? I moyo ucili mu nyika? Mwabona? Pele ta tuciti eco.

³⁴⁰ Kuswiilila, kuzwide kumaninide kula kubikka a Ijwi kuba Bomwe. Yebo wa Li syoma, kabeela koonse. Elyo koonse kwa Ndilyo muli nduwe, nkabela ula Li bona kali beleka kwiinda muli nduwe.

³⁴¹ Yebo totaliki kubeleka a nkamu ya kukwankana. Mwabona? Yebo uli Munakristo. Takukwe makani eco kufumbwa muntu ncaamba, taba kakugumi pe. Yebo uli muli Kristo. Yebo uli kwabilidwe mbuli mbo konzya kuba.

³⁴² Cindi lufu lwa konkomona aa mulyango, talukwe matomeno, mwabona, nokuceya. Nkaambonzi? Cila sosolola buyo *awa* kunjila Muya.

³⁴³ Kukomena ta caambi cintu. Yebo wakazwa ku kukomena. Yebo uli mu Butamani, nkambo uli muli Nguwe. Ngu Butamani. Ta caambi cintu, naa uli mukubusyi, wakacembaala, wakukomena kwaakati, na kufumbwa mbo bedede. Mubotu, uugalankene, mufwaafwi, uneneyede, bumwi, tacikwe makani kuba cintu. Ta cici.

³⁴⁴ Yebo toinki koonse, a zintu ezi zyoonse zimbi. Yebo, yebo wakazwa kuli eco. Yebo ulifwide. Buumi bwako buli sisidwe muli Leza kwiinda muli Kristo. Yebo wakaandwa mukati a Muuya Uusalala, koenda muli Kristo. I cipange biyo nco konzya kubona ngu Kristo. Kwa mana. Eco nce Cilikke, uleenda muni. Oh, ma! Ta cigambyi nco twakali kunga twiimba kaimbo ako kaniini!

Kozuzya nzila yangu a luyando mazuba oonse,
Mbuli Mbo ndeenda a Nziba yakujulu;
A ndiinke ciindi coonse, a kaimbo a
kumwetamweta,
Kozuzya yangu . . .

³⁴⁵ Andibe mukwesu. Andi pone mukozyanyo wa eco Kristo nca kaamba kuti muntu mbwaelede kuba. Andibe mukwesu ku mukwesu, mukwesu ku mucizi. Andibe i—i mukambausi ku bakambausi. Andibe mukozyanyo wa mikozyanyo. Andi tondezye ku nyika kuti Ijwi eeli ngu Kristo. I nzila biyo Nje konzya kucicita nkunjila muli Nguwe. Nkaambo, ta Ndi konzyi kucicita lwangu, to konzyi kucicita. Pele kolekela Ijwi a nduwe kuba Bomwe, mpawo Li pona Lilikke kwa ciindi. Yebo uli lugwalo lweenda ilwa Jesu Kristo, cindi Na kamana kwe- . . . kweendelezya kumaninide kwa nduwe, ku bamba Ijwi lyoonse.

³⁴⁶ Ikuti na Wa boola nzila *eyi*, “Ndi yanda kucita Eci,” alimwi wati, “Peepe, peepe, Ta ndisyomi Eco,” mwabona, yebo tonaba mu Ijwi. Mwabona?

³⁴⁷ Kuzwide, lino amulange, cakumaninina, lino, kuswiilila cakumaninina ku Ijwi lyoonse ilya Leza kutupa nguzu ku Citondezyo. Mpawo cindi twa bbadela, komba, tweelede kuba a Citondezyo ca kutondezya a mpailo wesu.

³⁴⁸ Ikuti na wati, “Nda komba, Mwami, pele ncobeni ta Ndi na . . .” Ee, yebo tojisi. Inga akwalo waleka biyo, mwabona, ku . . . Ko zumanana, kusaanguna, jana Citondezyo, mwabona, nkaambo eco Citondezyo ncencico Nca yozumina. Mwabona? Iyi, munene!

349 Cindi twa komba, mpawo tweeledede kutondezya Citondezyo, “Mwami, Nda Ku swiilila, cabuzule. Nda empwa ku zibi zyangu. Ndili mvwa kuti Wa ndijatila. Nda kabapatizigwa mu Zina lya Jesu Kristo. I Muuya Uusalala ulali ndime. Lino Ndi jisi kubula kwa cintu cimwi caku bulemu Bwako. Mwami, Nda cilomba. Nci cangu lino.” Mpawo kuli cintu cimwi cijata kwini kusule *awa*, “fyuu-fyuu,” nci cako. Kwa mana. Mpawo kwa mana koonse. Kwa mana koonse. Ca bambwa. “Nda lombaa *eci*. Nda ci lombaa. Nde elede ku citambula. Mwabona? Mwabona? Nda—Nda ciyanda nkambo ka bulemu Bwako.” Mwabona? Ee, nce ncico, mpawo Wa cipa buyo kuli ndiwe. Mpawo waziba kuti nci cako. Eyo nje nzila mbo cibede, bana besu, azimwi zimbi, tula bikka Bulowa, ku cisyoma. Kwa mana. Ncibotu.

350 Ino ncinzi Nca cita mpawo? Cindi waba, konzya kutondezya Citondezyo a mupailo wako, Ci tondezya kuti waboola cabuzule ku kuswiilila ku Ijwi lya Leza lyoonse. Cindi waba a Citondezyo, ci tondezya kuti waswiilila ku Ijwi lyoonse. Mpawo, yebo a Ijwi muli bomwe, uli mukulomba buyo cintu eco ncobede. Mwabona? Mwabona? Mpawo, ba, yebo ulizi.

351 Ikuti na Nda amba kuli *eci*, “Janza, yebo wandi swiilila, tandabika kubweza katambala ako!” Ku lacita. Mwabona, janza lya ndi swiilila. Nkaambonzi? Ncibeela cangu. Mwabona?

352 Mpawo cindi yebo a Ijwi mwaba bomwe, zisyomezyo zyoonse, bulemu bwa Leza, zisyomezyo zyoonse nzi zyako. Cila kuswiilila. Mpawo uyanda kubona eco ncoyanda kucita. Inga tobikka janza lyako mu mulilo, buyo ku kwaamba, “Kondibona nke cicita.” Oh, peepe, peepe! Mwabona? Pele ikuti na kuli cintu cimwi mu mulilo oyo, Nde elede kutambikila, liyo ndi swiilila. Mwabona? Mwabona? Mbo mbubo. Mwabona, yebo uyanda ku langilila eco ncoli mukucita.

353 Ako nke kaambo Muuya Uusalala ncouvozegwa mubuce maningi, a zintu, nywebo mulizi nce Ndi pandulula, nkaambo bamwi... Yebo to yandi ku... I muzike wini wa Leza tali dundaizyi kuli Ncico, nywebo mwabona. Nce ncico. Oko kumubamba kulidundaizya.

354 Cindi twa komba, tula tondezya Citondezyo. Ci tondezya kuti twa swiilila cabuzule.

355 Paulo ula twaambila, kuti, “I bulowa bulaamba.” Kutu, kufumbwa muntu ulizi kuti bulowa mbobubede, mubwini, bulikke, tabukonzyi kwaamba. Bwalo mbupange. Sa eco mbocibede? Mbangaye bazi eco? [Mbunga yaamba, “Ameni.”—Mul.] Pele mbangaye bazi kuti bulowa bulaamba? [“Ameni.”] Ikuti na muyanda kulemba eco aa mapepa, Matalikilo 4:10. Leza wakati, “Ino kujatikizya munyoko?” Kati, “Bulowa bwakwe bulalila kuzwa ku nyika, kulilila nduwe.” Mbombubo na? Bulowa bwakwe buli mukwaambaula. Aleluya! Leza wakati, “Ino kujatikizya nguwe?”

Wa kati, “Sena Mebo ndime ndeembela mukwesu?”

³⁵⁶ Kati, “Elyo bulowa bwakwe bulaompolola. Bulowa bwakwe bulaompolola.” Ngu citondezyo. Ngu citondezyo, kuti wa kajayigwa. Bulowa bwakwe bwakali koompolweda nguwe.

³⁵⁷ Lino, ikuti na mwajana eyo mu Matalikilo 4:10, mpawo mu ba Hebrayo 12:24, amutalike kubala. Mu ba Hebrayo 10, 12:-4. Kati, “I Bulowa bwa Jesu bwaamba zintu zibotu maningi kwiinda ezyo zya Abela.”

³⁵⁸ Mwabona, Abela, wakali muntu uululeme. Wa kafwa. Wa kafwa, uutakwekaambo, nkaambo wa kali mu Nzila. Wa kali mu Nzila, kaiminina ciyubunuzyo cini nca kajisi. Wa kaamba. Bwa kaompolola! I bulowa bululeme bwa Abela bwa koompolweda Kaini.

³⁵⁹ Pele Bulowa bwa Jesu Kristo, kutali buyo koompolola, Bwa kanununa. Ameni! “Bwaamba zintu zibotu maningi.” Bu mubamba kuba bana balombe a basimbi. Bula musisa ku bukali bwa Leza. Mwabona? I bulowa bwa Abela teebwa kakonzya kusisa Kaini, mwabona, pele Bulowa bwa Jesu bulakonzya. Ameni!

³⁶⁰ Aboobo, Kaini mudaala, waboola sunu, ikuti na wali sikupenzya Ijwi, a kwaamba, “Mazuba aa maleele akamana. Eci Cintu mbufuba mbobuzulwa, a zintu.”

³⁶¹ Bwakali koompolola, nywebo mwabona. I Bulowa bwa Jesu Kristo buloompolola, pele kuli kujatilwa muli Mbubo ikuti na wa Bu tambula buyo. Ndilombozya kuti nitwa konzya kukkala kwa kaindi kaniini aali eco, mwabona, “Bulowa bulaamba zintu zibotu maningi.”

³⁶² Amusyome, ku bukwalibili. Mpawo amubikke, mwabona. Amu syome ku . . .Neci nco muyanda kusyomena. Mwabona, muyanda bukwalibili bwanu bwini. Amu syome ku bukwalibili bwanu, mpawo mubikke Citondezyo ca mukwasyi mbouzulwa. Mwabona? Yebo wati, “Mbobuti mbo Ndi konzya kucita eco?” Ko Ci taminina! Ikuti na Ca kabeleka aali nduwe, nkokuti yebo a Ijwi mwaba bomwe. Ameni! Ameni! Mwabona? Mwabona, Cila mubelekela nyoonse. Yebo a Ijwi muli bomwe, mpawo amu Ci bike ku bana banu, amu Ci bikke ku bayandwa banu.

³⁶³ Mbuli Rahabi mbwakacita, waa kabikka citondezyo kuli bawisi, waa kacibikka kuli banyina, waa kacibikka kuli babunyina a bacizi bakwe, a kuba njizya boonse mukati.

³⁶⁴ Ko Ci bikka, kwaamba, “Mwami, Nda tobela mwana wangu musankwa. Nda tobela mwana wangu musimbi. Nda mu taminina! ‘Saatani, ko mwaangulula!’ Nda mutobela. Nda bikka Citondezyo cangu, Muuya Uusalala. O Muuya Uusalala, oyo uupona muli ndime, jata mwana wangu musimbi kuya. Ndi inka kuli nguwe eno, a bunanike Bwako aali ndime.” Uyo cicita. Ameni.

365 Eco nce ncico nco bakacita mu Egepita. Eco nce ncico nco bakacita mu Jeriko.

366 Muyanda kubala lumbi, Incito 16:31. Paulo wakaambila silutwe, “Kosyoma! Ndili mutumwa wa oora. Kosyoma aa Mwami Jesu Kristo, yebo a be ng’anda yako muyo futulwa.” Mbo mbubo? Kosyomena be ng’anda, kobaleta boonse kuni. “Lino wa kabona Leza wa Julu kacita maleele. Ndubeta kakutanaba. Sena ula cisyoma?”

“Iiyi! Ino inga Nda citanzi?”

367 Wa kati, “Kobuka a kubapatizigwa.” Paulo wakamutola kubusena aku mubapatizya, kati, “Lino kosyoma aa Mwami Jesu Kristo, nkabela yebo a be ng’anda yako mula futuka.”

368 Kusyoma nzi? Kosyoma Mwami Jesu Kristo, nkambo ka ng’anda yako, kobikka Citondezyo ku ng’anda yako.

369 Mpawo ucita nzi cindi wa Ci bikka ku ng’anda yako? Kogwisa masifwilila oonse. Kogwisa misinsi yoonse mifwaafwi, a tubbudula, a makkadi, a misanga yatombwe, a zipekuepeku, a kufumbwa zimbi, zisowele aanze lya mulyango, cindi waanka kuyo bikka Citondezyo; taciko ciiminina limbi. Iiyi, munene. Ko cigwisa coonse. Zizyano zyoonse, a kubungana kwa kwa kulisangabalisya, a kuzyana kwa kuliyuumba buniini, a mitende yakaindi ya zisapi, a zintu ezyo zya nyika, cisowele aanze lya mulyango, kwaamba, “Tuli mukusalazya busena obu koonse awa.”

370 Mbuli Jakobo mbwakacita, wa kati, kaambila mukaintu wakwe a boonse babo, kati, “Amu sanzye zisani zyanu a zintu zyoonse. Amu sosolole tuleza twanu.” Ameni. Jo- . . .

371 Nywebo mulizi eco Joshua nca kaamba katana kuzabuka kutala? Wa kati, “Amu sanzye zikobela zyanu; mutagumi bamakaintu banu, a zimwi zimbi, a kulibambila, nkambo mu mazuba otatwe tuyo zabuka Jordano.” Ameni. Wa kali kulibambila, kali kubikka citondezyo. Ameni. Nce ncico.

372 Amu libambile. Amu Ci bikke. Amu Ci syome. Amusalazye. Amu bambe bana banu, amu bambe mukwasyi wanu, amu bambe bayandwa banu, ku Ci bona muli ndinywe. Mbo mbubo. Ciyo beleka kuleta micelo yeelede. Iiyi, munene!

373 Mpawo kobikka Citondezyo mu mupailo, a—a—a kucenjela kuyeeya, a kusyoma. Ko Ci bikka a luyando maningi, a zimwi zimbi, kusikila waziba kuti ciyo bweza, ciyo citika. Kwa mana. Ko Ci bikka mu kaanzambwene, ku Ci syoma kuti ciyo gwasya. Cindi waambaula ku mwana oyo, cindi waambaula ku mulumi wako, kwaambaula ku mukaintu, kwaambaula ku muyandwa oyo, kusyoma kuti Ciyo gwasya. Koima buyo awo, a kwaamba, “Mwami, Nda bataminina. Mbi bangu. Nda babwezela Nduwe, Mwami.”

374 Ko Ci bikka, a kubamba bube buzunguluka nduwe, kutegwa baka Ci swaye ncobeni. Mwabona? Oh, yebo uli, yebo uli, ikuti na wajana Citondezyo, ula bamba muuya ukuzungulikide, i nguzu, zyakuti cindi weenda, bantu balizi kuti uli Munakristo. Bala kuyanda kuti waambe cintu cimwi kuli mbabo. Bala syoma ijwi lyako. Eco nco amba, bala cijatilila. Mwabona? Nce ncico.

375 Ko bikka Citondezyo, mpawo koenda a Ncico. Kotaminina be ng'anda yako boonse. Weelede kucicita lino. Eci nciindi caku mangolezya. Lino, mwakali kuswilila kwa ciindi cilamfu, lino ngu ciindi caku mangolezya. Ngu ciindi cakubikka lino. I bukali buyouma, bumwi bwa mazuba aya, inga ciindi kacimanide kale mpawo. Mwabona? Amu bikke Citondezyo, a kaanzambwene.

376 Ikuti na muyanda kubala eco, kubala cintu cimwi awa, Lugwalo lwangu Nda lulemba aapepa lwa eci, nkubala ba Efeso 2:12, alimwi ikuti na mula yanda kulemba olo aa mapepa. Amubone, mu ba Efeso 2:12, cindi mwaibala, yaamba boobu. “Kuteeti ta tubelekeli milimo iifwide, pele tu belekela Leza uupona, a milimo iipona.” Ameni! Oh, ma! A milimo iipona, zitondezyo zipona. Sena mula syoma mu zitondezyo zipona? [Mbunga yamba, “Ameni.”—Mul.] Akwalo amulembe aa mapepa, ba Hebrayo 9:11-14, ikuti na muyanda kulemba eco aa mapepa. Zitondezyo zipona, milimo iipona, amubikke eco!

377 Kutali tunsiyansiya tufwide, “Njo tola mulombe wangu kuya ku mbungano a kubona kuti waba cizo ca mbungano.”

378 Umwi mulombe Munakristo mubotu awa, mulongwe mubotu, mweenzuma wakaindi, mulongwe wamunsi, wa—wa kaboola kuno, waka bapatizigwa. Banyina ba kati, “Ndilombozya kuti nokainka ku mbungano mpati maningi, ikuti na wali kuyanda ku—ku bapatizigwa.” Mwabona? Mwabona, takali kuyanda buyo tunsiyansiya twa kaindi tufwide a zintu. Mwabona?

379 Ta tubelekeli tunsiyansiya tufwide a tuleza tufwide. Tu belekela Leza uupona Oyo wa Bulowa bwaka tilwa kaindi kuya, nkabela Citondezyo cabikkwa kuli ndiswe, cakuti tula pona aswebo. Ameni. Iiyi, munene!

380 Muta belekeli tunsiyansiya tumwi tufwide. Bala kaka akwalo zintu mbuli ceci Citondezyo. Ba laamba, “I mazuba aa maleele akamana. Kwiina cintu boobu mbuli lubapatizyo lwa Muuya Uusalala.” Nkaambonzi kuba cibeela ku cintu cimwi mbuli eco? Mwabona? Muta citi eco.

381 Amubikke Citondezyo, mpawo, “belekela Leza uupona,” wa milimo iipona, zitondezyo zipona; zitondezyo ezyo ziponya baciswa, zibusya bafwide, zisinsima zintu, zyaamba mu myaambo, kupandulula, ziindi zyoonse zili luleme cakumaninina, zisinsimi a kwaamba eci a cintu cili *boobu* ciyo citika, kutondezya zitondezyo mu Julu atala, alimwi aa nyika, zitondezyo a zigambyo, ameni, kwaamba mbubonya eco

Bbaibbele nco lya kaamba kuti ciyo citika. “Belekela Leza uupona,” amubikke Citondezyo!

³⁸² Muta inki ku mabungano alo akuba zibeela zya milimo yakaindi iifwide a zintu mbuli ezyo, nkaambo ta syomi akwalo mu zintu zili boobo mbuli cizibyho. Pele swebo no tusyoma, ameni, lizi eco. . . Ba lati, “Kwiina cintu cili boobo eco mbuli cizibyho. Kutu, oh, oh, obo mbufuba. Ezyo nzyo baambaula kutala kuya, nkusondoka. Baa, kwiina cintu cili boobo. Baa, nywebo no banakazi kuya, oh, nywebo—nywebo, baa, nywebo tamu. . . Ino kusama kwanu kuli buti. . . ?” Kula cita. I Bbaibbele lya kaamba obo. “Ino masusu anu ajisi cili. . . ?” I Bbaibbele lya kaamba obo.

³⁸³ Kutu, olo ndwiimpano buyo, mwabona. “Taa mpi, tajati pe, talabili pe.” Ngu Leza. Mwabona? Lino, caamba cintu cimwi.

³⁸⁴ Lino, ba yeeya kutu nkusondoka. Pele kuli ndiswe abo basyoma a kuziba Bwini, tuli Bu zyi kutu Mbusyu Bwakwe bupona, nkaambo Bu lacita zintu nzizyonya ezyo Nzya kacita cindi Na kali aano aa nyika. Amen.

³⁸⁵ “Oh,” ba lati, “ba yeeyela buyo kutu babona oyo Musumpululu wa Mulilo.” Oh, peepe! Oh, peepe! Taakwe cintu nco tweezezya.

³⁸⁶ Ba kali kuyeeya kutu Paulo waka Ce ezezya, awalo. Egepita yakali kuyeeya kutu Israyeli yaka Ci yeeyela, pele Ca kaba tola ku nyika ya cisyomezyo. Iyi, munene! Ta tu. . .

³⁸⁷ Hebrayo 13:8, nywebo mulizi, “Jesu Kristo ngu mbobuca nguwenya, sunu, amuya myaaka,” ikutu na mula lembe eco, aa mapepa, mwabona, eco, “Ngu mbobuca.” Ta—ta cili—ta cili mbobuca. . . kweezezya kumwi.

³⁸⁸ Cindi Nda lembe eci awa Magwalo Nda lembe abusena awa, Ndi izi awo Magwalo mpabede, alimwi eyo nje nzila mbo Ndi ciinkila. Mwabona?

³⁸⁹ Lizyi kutu Mbusyu Bwakwe bupona, nkambo Ula cita nciconya mu Muuya oyu. Lino, ikutu na cakazwa kuyo njila mu kansiyansiya na kabungwe, tu lizi ndyoonya kutu ta kali Kristo. Sa eco cili luleme? [Mbunga yaamba, “Ameni.”—Mul.] Ikutu na Nda kakusololela mu kabungwe kamwi na cintu cimwi, cimbi, inga Nda tumwa kuzwa ku kabungwe kamwi. Pele ta Ndi muleтели tunsiyansiya, alimwi ta Ndi muyiisiyi tubungwe. Ndi muyiisiya Ijwi lya Leza, lili ni nguzu zya bubuke bwa Jesu Kristo zya yubununwa, kutali buyo kuli ndime, pele ku muntu uuli oonse uyanda. Mwabona? Kutu nywebo. . .

³⁹⁰ Yebo uli mukwesu. Ta ndili muntu mulemu, alimwi yebo muntu uutakweankwaya. Toonse tuli bantu batakweankobaya muli Leza. Mwabona? Toonse tuli bana Bakwe baniini. Taakwe cintu ncotuzi, eco nco tweelede kuziba ncobeni. Ula tuzibya mbuli Mbwa yanda, alimwi tula Mu lumba kuli eco nco tuzi ca zileleko Zyakwe. Nkabela Ta ndi lyaabanyi eci endikke buyo;

Ndi yanda kucaabana a ndinywe. Mwabona? Ndi yanda ku Ci njila, alimwi Ndi yanda kutambula Citondezyo eci. Elyo ikuti na tona cicita . . . Bunji bwanu, mubunji bwanu, mwa cicita kale. Pele ikuti no bamwi banu tamuna cicita . . .

³⁹¹ Mwabona, Nda ambaula kuli bali ku teepu, abalo, mula mvwisya. Elyo bunji bwa ncico . . . Elyo Ta ndaambi kuno mu mbungano; toonse twazwa, yeeyela. Pele ndiza kuyooba zyuulu zya zyuulu zyaba yoomvwa teepu, mwabona. Elyo, kuti, ngo mulimo. Kuyooba muntu umwi uyo zwetukila mu Jeriko, mulizi, a teepu, aboobo tu yanda ku—tu yanda kujata Mbuto eyo yakakanzwa cindi yanjila mukati muya, mwabona, nkaambo bukali bula boola.

³⁹² Amuzibe kuti Mbusyu bwa Leza uupona, tondezya kuti Leza wa Mu busya kweendelana ku Ijwi Lyakwe lya cisyomezyo. “I kaindi kaniini nkabela nyika taika Ndi boni limbi. Jeriko, Egepita, taba ka Ndi boni limbi. Nekubaboobo muyo Ndi bona, nkambo Mebo . . .” “Mebo,” bbala lyaamba muntu kumugama, lyoonse li laambwa, mwabona. “Mebo njooba a ndinywe. Ndili Citondezyo. Bubuke bwangu Ncitondezyo. I milimo eyo Nje cita iyo muzibya, iyo Ndi zibya muli ndinywe.”

³⁹³ “Mbuli mbo cakabede mu mazuba a—a Lota, mbubonya mbo ciyooba mu kuboola kwa Mwana wa muntu, cindi Mulumbe waku mangolezya nouyabuya mulaale.”

³⁹⁴ “Nkambo kuyooba Mumuni kutandila ku ciindi caku mangolezya. Kutandila biyo ku ciindi caku mangolezya, Mumuni uyo boola.” Oh, bulemu kuli Leza! Cindibamba kulimvwa mbuli kuti inga Nda zuza kwiinda muli basilumamba a kusotokela atala lya bwaanda. Mwabona? Mwabona? “Ku yooba Mumuni kutandila ciindi caku mangolezya.” Mbo mbubo. I musinsimi wa kaamba boobo.

³⁹⁵ “Elyo Njo oba a ndinywe. Njo oba mu bukkalo bwa Luther; Njo oba mu bukkalo bwa Wesley; Njo oba mu bukkalo bwa Pentekoste; pele nkoonya ku ciindi caku mangolezya, kuyo boola Mumuni.” I zyatubungwe ziyo zimana, elyo mpawo Citondezyo ciyo bikkwa. Elyo boonse aba basyomeka mu moyo, muciiindi coonse kuya, kakutakwe—kakutakwe ndinywe taba ka—ka londolwi. Pele muli ndinywe . . .

³⁹⁶ Cili mbuli kuti mutwe uyanda kweenda, ku tola tende. I mutwe weelede kwiinka, ku tola janza. I mutwe weelede kwiinka, ku tola moyo. I mutwe weelede kwiinka, ku tola mulomo. Mwabona, mutwe weelede kwiinka.

³⁹⁷ Elyo lino tuli ku ciindi awo citondezyo no ceelede kubikkwa ku cikunguzyo ca mulyango, mwabona, a ku minsende. “Elyo mpawo cindi Nda bona bulowa, mukuba citondezyo, Njo mwiindilila.”

398 Njo binda lino, cakufwambaana buyo mbuli mbo Ndi konzya eno. Kwa maminiti buyo aambi aali osanwe, na kkumi, tu nomanide.

399 Citondezya kuti Leza waka Mu busya kuzwa ku bafu. Mula cisyoma na? [Mbunga yaamba, “Ameni.”—Mul.] Ula pona akati kesu sunu. Elyo kuti “Mebo” ngu Kristo. Elyo kuti “Mebo” uli a ndiswe kusika ku mamanino aa. . . eco caamba ku *magolelo*, eco caamba kuti, “mamanino aa nyika.” “Njo oba ku magolelo aa nyika,” kweendelana ku Ijwi Lyakwe lya cisyomezyo. Wa ka cisyomezya. “Elyo milimo eyo Nje cita muyo cita anywebo.” Tabuli bufuba kuli ndiswe. Ngu Citondezyo. Ngu Citondezyo.

400 Tula zumina cituuzyo eci ca Bulowa cisetekene. Tula zumina Bulowa Bwakwe bwa katuulwa, mpawo kupa. . . Oyo uutupa Buumi, Citondezyo, caando ca cisyomezyo Cakwe. Ba Efeso 4:30, kati, “Muta bisizyi bulowa na”? Peepe. “Muta bisizyi Muuya Uusalala, kwiinda kuli nguwo mwaka. . .” [Mbunga yaamba, “*Kaandwa*.”—Mul.] “Kuba ba cizuminano, ku leka.” Mwakaba ba cizuminano. Mbo mubede. I Citondezyo, Muuya Uusalala, uyooba caando. Cindi cintu cili coonse caandwa mukati a caando, yebo ncibotu kuta cizapula. Konzyi kuczapula, yebo, kutali Caando ca Leza. Peepe. Mwabona? Nkambo muli. . . “Muta bisizyi Muuya Uusalala wa Leza, kwiinda kuli nguwo mwa kaandwa kusikila ku buzuba bwa lununuko, cindi mubili waakubusigwa.”

401 Ni mbuto, cizibyo cakuti mbuto yakamena a Buumi Butamani, “*Zoe*, ‘Buumi Bwangu Bwini,’ nkabela Njo bubusya alubo ku buzuba bwa mamanino.” Elyo mbuli mbo mweenda, muli jisi kaanzambwene kuti Buumi bwa Kristo buli muli ndinywe, nkabela nywebo muli Nguwe. “Ku Muuya omwe twa kabapatizigwa toonse mu Mubili omwe, alimwi twa kaandwa kuya a Muuya Uusalala,” akati ka basyomi aba mbuli aba, “kusikila buzuba Jesu mbwa tubusya.” Oh, ma! Amu bikke Citondezyo. Eco nce cijisi makani kuli ndiswe. Tu langila Cituuzyo eci kutupa Buumi, nkabela Cila cita. Mpawo Cila tupa Citondezyo, nkabela tula bikka Citondezyo, eco cili Ncaando kusikila. . . Mukuba—mukuba basizyaabilo iba Eci, ino ncintu cipati mbocibede, mukuba basizyaabilo, kubapatizigwa kwiinda ku Muuya oyu omwe, mukati muli omwe oyo uuta-. . . Mubili wakuyeyela buyo.

402 Sena Nda lyaamba kabotu bbala eelyo, wa *kuyeyela buyo*? Mubili, wamakani aabukombi aasisidwe, wamakani aabukombi aasisidwe, Mubili wamakani aabukombi aasisidwe wa Jesu Kristo. Mwabona, Muuya Uusalala wati, “Uli mukwaamba eelyo bulubide.” I cikozyano camuntu buyo mbuli ndime, pele Wa amba, “Uli mukwaamba eelyo bulubide,” Nda lyaamba kuti wa, “*kuyeyela buyo*,” walo uli Mubili wamakani aabukombi aasisidwe wa Jesu Kristo, mwabona, Mubili wamakani aabukombi aasisidwe wa Jesu Kristo. Ta ndi. . . Tatu yandiki

lwiiyo; tu yandika Muuya Uusalala. Ngo Nguwe. Mwabona? Ngo Nguwe. Inzya, mwabona, eco cali . . . antela calebya muntu umwi kubusena bumwi, sikuyiisya umwi, lino Ndi yeeyea kuti wa cimvwa kabotu. I Mubili wamakani aabukombi aasisidwe! Ciyooaba ca cintu cimwi, nkaambo Na taamba eco. Mwabona? Uli waano ncobeni eno. Uli waano ncobeni aa cikambaukilo. Uli kubusena kuya ncobeni. Walo Nguwe. Mwabona? Fyuu!

⁴⁰³ Elyo muli Nguwe kwiina lufu. Muli Nguwe kwiina buusu. Muli Nguwe kwiina kukatala. Muli Nguwe kwiina cibi. Muli Nguwe kwiina malwazi. Muli Nguwe kwiina lufu. Tuli muli Nguwe! Ikuti na Saatani wasola kumupa cintu cimwi, mbuli malwazi, amubweze buyo Citondezyo canu a ku Ci bikka. Oh, ma! Amu bweze Citondezyo canu a ku Ci bikka, kuteeti muli cipange cakaulwa aa Jesu Kristo. I Citondezyo cilaima kuti lweendo lwanu lwa bbadelwa.

Wa kati, “Cindi mwafwa, mwa sweeka.”

⁴⁰⁴ Kwaamba, “Yebo uli lubide. Nda kaula cipange. Ndi cipange cakaulwa. Ndi jisi Citondezyo.”

“Ncinzi Citondezyo?”

⁴⁰⁵ Ulizi kuti Eco ncinzi. Muta, muta fubaali kuli nguwe. Ulizi Eco kuti ncinzi. Lino, inga mwaambaula ku bakambausi aba bamwi, nkabela inga bakazyanya a nduwe. Kutali Saatani; ulizi kabotu. Mwabona? Oh, inzya. Ula boola kucilwana, ziindi zyonbile na zyatatwe, nywebo mulizi, nkabela waka lubizya, kwa sunko. Saatani ulizi eco nco ambaula. Komu tondezya buyo Citondezyo eco, uyo uluka. Iiyi.

⁴⁰⁶ Nkaambo, ino ncinzi? Ncipange cakaandwa. Ta konzyi kuczapula kuti ajule, a kupa cintu cimwi mukati muya eco citali kabotu. Kwaamba, “Ko gwisya maanza aako! Ndili aandidwe.” Oh, ma! I cipange cakaandwa! Iiyi, munene! Yebo wakaulwa. Jatilila ku Citondezyo ku lusyomo lwako lutazungaani mu cisyomezyo Cakwe, mulangilile kaunka. “I nkombo yia muntu uululeme uusinizize ili jisi nguzu zinji loko!” Mwabona? Mwabona? Amu bweze Citondezyo eco. Oyo ngo mulimo Waco. Saatani uli awo ku kusunka.

Wa kali mu Egepita, kusunka.

⁴⁰⁷ Baa, nywebo mulizi, buzuba obo cindi Rahabi kabikka sikuvuula oyo . . . I sikuvuula waka yobola katambo ako, katambo ako, Nda yeeyela bamwi babo basilumamba bakaseka a ku fubaazyia, kati, “Oyo mwakanazi mucembele uusondokede kutala kuya! Uli nyongene mu mutwe wakwe. Amubone, walo waka cinjila muya. Ha, ha, ha! Baa, sena wakasola kumvwa cili boobo? Baa, Mwiiyi Jones wakati, kuselelo kuya, “Taakwe cintu kuli eco.” Pele kwakaliko, nkaambo mutumwa kuzwa kwa Leza wakaleta mulumbe a kubaambila.

408 Sa inga mweezezya bana Egepita kabaamba, “Kuboneka mbuli...Kwaamba, amulange nkamu eyo iisondokede ya babumbulusi basalala, babikka bulowa! Ha, ha! Sena tabako sofwaazya, kusanzya kugwisya eco eno! Oh, ma! Alo maanda mapati mabotu oonse avumbwa bulowa koonse! Oh, ino nkununka! Njo kubbejela kuti kuyooba bubyaa bi maningi mu mazuba masyoonto. Ta cikaambi cintu pe. Nywebo mulizi na? Taata uusalala *Niini-a-niini* wa kaamba boobu.” Pele kwakaliko. Ca kaliko. Ca kaamba cintu cimwi.

409 Caamba cintu cimwi kuli ndiswe abo basyoma. Mwabona? Amwiibaluke buyo lusyomo lwanu lutasanduki olo ndo mujisi mu Ijwi eli! Lino, yebo tocili Eva. Mwabona? Yebo toli umwi wa sikuzumbauzya aba, alimwi, ee, kulimvwanya a Saatani. Yebo kojatilila Ijwi lya oonse lya Leza. Mwabona?

Eva wakati, “Ee, Mwami wa kaamba boobu!”

410 Saatani wakati, “Pele, yebo ulizi, Mwami ncobeni takaciti cintu mbuli eco ku muntu mubotu mbuli nduwe. Oh, uli mubotu loko. Inga tacita.” Oh, iiyi, Uyo cita, awalo. Wa kati Uyo cicita.

411 “Ee, taata wangu wakali mukambusi. Nda kali mukambausi.” Ta—Ta konzyi kucicinca. Kakutakwe Citondezyo, uli sweekede. I bukali buli aali nduwe, mwabona, kwa mana, kakutakwe Citondezyo. Mwabona? Inzya. Wa kati Uyo cicita, alimwi Uyo cicita. Eco, eco cila cibamba buyo. Uyo waamba kuti Uyo cicita.

“Oh, Nda syoma mazuba aa maleele. . .”

412 Inzya, pele Wa kaamba kuti tii cakali obo. “Ndime mbubuca nguwenya, sunu, amuya myaaka,” mwabona, eco nce ncico buyo Nca tondezya kuba.

413 Lino, kuli ndiswe, tuli cizi. Kuli mbabo, taba Ci syomi. Pele tula Ci syoma. Tu lizi kuti Mbwini. Mwabona?

414 Lino, mukuba muli eco, tuli cibeela ca Ijwi. Elyo mpawo amubweze Citondezyo, Muuya, ku cisyomezyo, “Ndime Mwami oyo uumuponya.”

415 Lino amu libambile ku kuswaangana kwa kuponesegwa sunu masiku. Mwabona? Amu bweze Citondezyo, amu Ci lengelezye aatala lya Ijwi, aa lusyomo lwanu lutasanduki mu Ijwi eelyo, muyo zwa. Lino, Eco—Ece nce cintu eco cimugwisya, nkaambo muli Nguwe kwiina cili boobu.

416 Ni Nda konzya kupa bumboni asyoonto eno, ku zintu zimwi nze Nda bona buyo mu nsondo zisyoonto zyainda. Mwabona? Mwabona? Oh, ino inga Nda pa bumboni!

417 Nywebo mulizi, a Luka wakati, “Ikuti na zyoonse Jesu nzya kacita zyakikwa mu mabbuku, i. . . kwakanyina mabbuku manji mu nyika a ku zilembela.”

418 Buyo eco nce Nda bona mu mulimo wangu wini, ka Mu bona kacita, inga tii mwakonzya kulundika bunjibwamabbuku aa cibumbili awa. Ikuti na Nda kacilemba mu tumpangaliko toonse eco nce Nda ka Mu bona kacita biyo mu mulimo wangu wini, ka Mu bona kacicita. Mwabona? Wa kajisi kuzwidilila maningi mu mulimo wangu kwiinda Mbwa kacita muli Wakwe Wini. Lino, amwiibaluke, Wa kajisi kuzwidilila maningi eno, kutali ndime; Wa kacita. Bulemu! Aleluya!

419 Wa kajisi kuzwindilila maningi mu Jeffersonville kwiinda Mbwa kacita mu Nazareta. Wa kacita mu muunzi oyo mubyaabi alimwi muunzi oyu mubyaabi. Ameni! Bulemu! Nkaambo, “Ta kakonzya kucita maleele kuya,” pele Wa kacita kuya. Wa kazwidilila kumalekelo, kuno. Wa kacicita kuno. Antela wakacita kujana bantu kubusena bumwi bumbi, pele Wa— Wa kacicita, nekuba. Aboobo, Wa kajisi kuzwidilila kunji nkoonya kuno kwiinda Mba kacita mu—mu Kapernaumu na—na Nazareta, muli eco. Wa kacita maleele manji nkoonya kuno mu cikombelo eci kwiinda Mbwa kacita mu mulimo mbouzulwa aa nyika. Mbo mbubo, Wa kacicita. Lino ino kujatikizya imwi nyika? Oh, ma! Lino eco nce ncico Nca kacita.

420 Lino amwiibaluke, “Wa” kacita. Lino, tii cakaamba kuti Nda kacicita, mwabona, peepe, nkaambo tii Nda kacicita. Tii ndaka cicita buyo. Nda ka Mu yanda buyo a kulipa buyo lwangu kuli Nguwe, a kwaamba eco Nca kaamba, Muuya Uusalala wakainka ku bantu bambi a kusyoma obo Mbwa kabede, elyo mpawo Wa kacita mulimo. Kwa mana.

421 Ikuti na inga Wa konzya kutubamba toonse ku cisyoma! Ino inga Wa cita nzi ndyoonya eno ikuti Wa tubamba toonse ku cisyoma ndyoonya eno, ndyoonya? Inga tii kwaba muntu uukompeme koonse mu dolopo. Mbo mbubo. Ikuti na Wa konzya kubamba bantu boonse ku cisyoma, inga cino manide coonse. Mwabona?

422 Amujatilile Citondezyo canu ku lusyomo lwanu lutasanduki mu Ijwi Lyakwe lyaka syomezegwa, nkabela Saatani uyo unka.

Lino Ndiyo jala lino.

423 Leza wakapa ciindi cimwi citondezyo cimbi ku nyika; wa kali fulicoongo. Mula ibaluka eco na? [Mbunga yaamba, “Ameni.”—Mul.] Ucili wa bwini lyoonse, lyoonse ku citondezyo eco, nkaambo Wa kacipa kuba citondezyo. Eyo yoonse myaka ya zyuulu, Taakwe na kakilwa ku tondezya citondezyo eco. Sa kuli luleme? [“Ameni.”] Nkaambonzi? Ula cizulizya. Wa kacipa. Wa kapa nyika citondezyo cakuti Ta kanyonyooni limbi nyika ku zambangulwe. Elyo Wa cita lyoonse, lyoonse, kuzwa buzuba obo, katondezya.

424 Kuli zibeela zimwi zyantalisyo mu luwo, zibamba fulicoongo oyo. Cindi mvula yawa, alimwi zuba lyazwa, elyo lilautondezya. I zuba lilacesya akumana mvula, aboobo Wa kabikka fulicoongo

kuya kutondezya kuti takukabi maanzi manji aayoowa aa nyika kuti ainyonyoone alubo. Eco nce cizuminano Cakwe. Ngu citondezyo. Wa kati, “Njo cipa kuli ndinywe kuba citondezyo.”

425 Wa kazulizya citondezyo Cakwe. Wa kazulizya citondezyo Cakwe mu mazuba akwa Nowa. Uci citondezya. Wa kazulizya citondezyo Cakwe mu Egepita. Wa kacizulizya mu Jeriko. Ula Ci zulizya sunu. Ula zulizya lyoonse citondezyo Cakwe cindi ca tondezegwa.

426 Eyi yoonse myaka iili zyuulu, Wa kabotelwa ku tondezya zitondezyo ezyo. Ta ci lubi pe. Ta lubi citondezyo Cakwe. Lino, takukwe makani obo kunji nyika mboicinca, fulicoongo uciliko. Mwabona, Ula zulizya citondezyo.

427 Mbubonya Ula cita eno, Ula zulizya Citondezyo Cakwe. Takukwe makani obo kunji mbungano mboyi cinca, obo kunji mboyi cita *eci*; Leza ucizulizya Citondezyo Cakwe, eco buyo. Citu tondezya kuti Ta kacilwi kuzulizya eco Nca cita a eco Nca amba. Tula tambula, tula—tula lemeka Eco. Nda cita.

428 Walo ulangila ndiswe aswebo kutondezya Citondezyo Cakwe ku lusyomo lwesu, kuli Saatani a kuli boonse bantu batasyomi a tubungwe, kuti tula syoma kuti cisyomezyo Cakwe nca bwini, alimwi Uyo cita eco Nca kasyomezya kucita. Njeeyo Mbungano.

429 Ta cigambyi ncoba takonzyi kusika ku ntalisyo ntaanzi kubusena kuya, mbuli mbo tu ciita; mudi jatile bwaambe. Ta cigambyi ncoba takonzyi kusakana pele bala joka ku kabungwe a kupanga nkamu ya bantu basama zisami zibotu, beebeka mulusakatizyo lubotu, basibupampu, bayiide. Kwiina nko basakana, nkaambo eco nce ncico nco batondezya, “Ndili wa Methodist. Ndili wa Presbyteria.” Kwa mana mbo babede.

430 Pele basyomi babweza Citondezyo! Alimwi eco Jesu nca katalika kucita mu Galilaya, Ula zumanana kucita lino kwiinda mu kutondezya Kwakwe ikwa Citondezyo, ca Muuya Uusalala kujoka aa Mbungano. Nkambo, tii yakali ncito ya baapostolo, yakali ncito ya Muuya Uusalala mu baapostolo, nkabela eco cakali Citondezyo.

431 Ba kaamba kuti bakacita kupakamana kuli Petro a Jakobo, mbuli mbo. . . Petro a Johane, mbuli mbo bakainda ku mulyango uutegwa Mubotu, kubona kuti bakali bantu buyo. Antela ba kaamba kuti, “Kuuma, hain’t, bweza, lindila, yandaula, kobweza. Njo mwaambila kujatikizya *eci*.” Mwabona? Antela baka jisi misyobo yoonse ya bubambe bwa milaka eyo njoba takali kumvwisya. Antela tii bakazi lwandaano, boonse i—i. . . loonse lwiiyo lwa namba zya Lugwalo. Pele bakaziba kuti bakali antoomwe a Jesu. Ba kakonzya kutondezya Citondezyo eco, nkaambo Muuya nguonya wakali aali Nguwe, kakutanaba kubambulwa Kwakwe, cakali aali mbabo kumane bubuke. Amen!

432 Mpawo eco ci Mu bamba Hebrayo 13:8, “Jesu Kristo mbobuca nguwenya, sunu, amuya myaaka.” Njeeyo nzila mbo tuziba kuti Ula pona. Nkaambo nzi? Mbobuti mbo tuziba kuti ula pona? Nkaambo Ula pona. Alimwi nkaambo tu lizi kuti tula pona, nkaambo tuli mbuli Nguwe, alimwi tuli muli Nguwe. Alimwi Wa kati, “Nkaambo Nda pona, mula pona a nywebo. Nde Ndime,” mu Ciyubunuzyo, “oyo waka fwide, nkabela laponi kwalyonse.” Elyo ikuti—ikuti twa fwa kuli lwesu a kuba baumi muli Nguwe, tula pona kwalyonse. Alimwi mpawo Buumi Bwakwe buli muli ndiswe buli mbuli buyo buumi bwa cintu cimbi cili coonse, Ci tondezya obo Mbwa kabede. Elyo eco ci Mu bamba kuba mbobuca nguwenya, sunu, amuya myaaka.

433 Lino mbobuti mbomu konzya, cindi nobakaka Eco? Ta mubwene, “milimo iifwide”? Kubelekela Leza uupona, ku Butamani. . . Nda amba, cizuminano citeeli ica Buumi obo bwakali mu Bulowa bwa Jesu Kristo. Lino kuzumanana, kusika ku mamani, Nda. . . Ee, Nda syoma, tu laima. Mwabona, kutondezya Citondezyo ca luzyalo Lwakwe, luyando Lwakwe! Lino, kakutakwe Citondezyo eci cibikkidwe. . .

434 Lino, ngu Citondezyo. Ino ncinzi Citondezyo? I Citondezyo ncizibyo ca nkongole yaka bbadelwa. I muulo uuyandika wabbadelwa. I muulo wa lufutuko lwesu wakali lufu, mwabona, nkabela kwakanyina muntu wakali kukonzya kuubbadelela cita Kristo. Elyo kutali i—i muuya wa kabungwe, kutali muuya wa pope, kutali muuya wa muntu umwi na musalali umwi; pele Muuya wa Jesu Kristo, aa Mbungano, Ncitondezyo cakuti nkongole yabbadelwa alimwi Wa ka kkwanya zyelelo zyoonse ezyo Leza nzyakali kuyanda, alimwi swebo a Nguwe tuli bomwe. “Obo buzuba, muyo ziba kuti Ndili muli Taata, Taata muli Ndime; Mebo muli ndinywe, alimwi nywebo muli Ndime.”

435 Amu bikke Citondezyo! Amu bikke Citondezyo ca bubuke Bwakwe. Kutu, nkaambo Wa kabusigwa ku kululamikwa kwesu, Wa tubusya aswebo a Nguwe. Elyo tuli kkede mu myeenya Yakujulu, muli Kristo Jesu, kungsi lya luswaanano lwa Citondezyo.

436 Mbuli Israyeli mbo yakakkala kuya, a koongolola kwaku zumanana, ku busena bwa kagwagwa, taakwe noba kajisi cintu comwe caku libilika aco. Cintu buyo, nkuba buyo masimpe bulowa, citondezyo, cakali kutondezya.

437 Eco nce cintu cilikke nco tweelede kulibilika ndyoonya eno. Kuli penzi mu i—i nzila, kupanga, balongwe. Ta cikabi ciindi cilamfu, penzi lilauma. Nywebo mulizi eco. Amube masimpe kuti Citondezyo cila tondezya. Elyo Citondezyo ngo Muuya Uusalala. “Nkambo ku Muuya omwe toonse twa kabapatizigwa mu Mubili omwe, a kubambwa basizyaabilo ba bulemu Bwakwe,” aa Nyika yesu, Muunzi, kweenda lino kuya ku Nyika ya cisyomezyo.

438 Sena mula Mu yanda? [Mbunga yaamba, “Ameni.”—Mul.] Mula syoma Citondezyo? [“Ameni.”] Mbangaye bayanda kwaamba, “Oh, Mukwesu Branham, ndi kombele, kutegwa Ndi boole kungsi lya Citondezyo eci?” [“Ameni.”]

Atu kotamike mitwe yesu.

439 Mwami Jesu, Oyo Siluzyalo Loko! Cindi nyika noyakali mu cibi, alimwi kwakanyina umwi wakakonzya kugwasya, Leza, mu luzyalo, kutondezya kumbele, ku cikozyanyo, kuti kwakali kuboola Citondezyo eco ciyo konzya kugwisya cibi; kutali ku civumba buyo, pele kukonzya ku cigwisya. Elyo Jesu waka boola mu ciindi ceelede, nkabela Wa katila Bulowa, Buumi Bwakwe Bwini, kutola . . . kutu bambila mulungo wa zibi zyesu, alimwi mpawo ku Mu pa mukujosya mu ciimo ca Muuya Uusalala, cili eno Ncitondezyo eco ceelede kubambwa ku Mbungano kusikila Wa boola. Nkambo Muapostolo Petro wakati, “I cisyomezyo cili kuli ndinywe, a bana banu, a kuli baabo abo bali kulaale, abalo boonse Mwami Leza wesu mbaoyita.”

440 Mwami, ku luzyalo Lwako, lugwasyo Lwako, Nda taminina boonse bantu abo bamvwa Mulumbe. Nda bataminina kuli Leza, Nda Ku lombwa, Mwami, boonse kuno kuseeni oku a baabo bayoomvwa ku teepu. Alimwi na kuli Mbutu kuli koonse, abo bakakanzwa, Mwami, kumvwa Ijwi lya buzuba obu bwa mamano, akube kuti baboole eno, cabubotu a cabubombe, a kubikka zilumbo zyabo aansi a ciingano, na lwabo, mbuli cilumbo ca luzyalo lwa Leza oyo wabaita. Alimwi akube kuti bazuzigwa a Muuya Uusalala a kutondezya Citondezyo ca Buumi bwa Jesu Kristo mu bubuke Bwakwe, kufumbwa kuti kabacili ano aa nyika. Ko cipa, Mwami.

441 Aya Majwi, Mwami, antela tii Nda amba kabotu. Elyo ikuti na tii Nda cita, Nda lombwa kuti Muuya Uusalala kuteeti ubweze Majwi ayo a kwatuula munzila eyo yeelede kutuulwa, kutegwa bantu bayo mvwa a kuziba, kakutakwe bukanze bubu. Alimwi baleke bazibe kuti luyando nkululamika. Elyo kuti bazibe kuti nkaambo ka oora ndyo tupona mo, a kuswena kwa kuboola kwa Mwami, nkabela tula bona mimuni mipati iisubila kiimweka, koonse ku nyika, kuti ciindi cili aafwaafwi.

442 Akube kuti bantu batambule Muuya Uusalala buzuba buno! Nda lombwa, a ku batuula kuli Nduwe, mu Zina lya Jesu Kristo. Alimwi ko Cilekela Citondezyo kuli ndiswe kufumbwa kuti ka tupona, eco Nco kasyomezya kuti Ci yooba. Inga caba cuuba kulomba eco, nkaambo Wa ka Ci syomezya kuti ciyooba, alimwi Ndi lizi Ci yooba. Mu Zina lya Jesu twa lombwa. Amen.

Lino, a mitwe yesu kiikoteme, kwakaindi kasyoonto.

443 A lusyomo, kusyoma, Nda mu kombela, koonse Nko ndizi. Nda—Nda komba a kusinizya, a koonse Nko ndizi ku cikombela.

444 Amulange, Nda mvwisya eco. Nywebo mulizi na? Nku kwakkumi a milumbo yanu eyo Nje ponena. Ndu gwasyo

lwanu, kuno ku mbungano, kwakuti Ndi jisi muntu umwi wa kukambauka. Ndu yando lwanu, a “ma ameni” aanu, a luswaanano lwanu. A majwi aanu aluse akati kuya mu nyika kuya oko nko muunka, ku masi andeene koonse ku cisi, majwi aanu ayo gwasya kutola Mulumbe. Ndu lwanu. Tuli basikubeleka aamwi muli eci, a Kristo. Tuli babunyina a bacizi, alimwi Ngu Mwaami wesu. Alimwi Nda muyanda. Ndi—Ndi—Ndi—Ndi, oko Nkwe bede, Ndi yanda kuti mube nkuko. Nda ezya kwaandulula cisi, ku kanana kuli ndinywe kwa ziindi zikubwene. Ndi yandisya ku muswaana kuno Munsondo kuseeni. Nda muyanda. Nda kamuyanda lyoonse. Ziindi zimwi Nde elede kwaamba canguzu ncobeni, pele nkululamika buyo. Nywebo mwabona, cili buyo kuti Nda muyanda, mwabona, alimwi ta Ndi yandi kuti mu Ci sweekelwe. Nywebo, nywebo ta mweelede kucita eco.

⁴⁴⁵ Lino, cabubotu a bubombe buyo, a coonse eco cili mu moyo wako, kulaale kuni kwamoyo, amu Ci tambule buyo. Kwaamba, “Mwami Jesu, ndyoonya eno kogwisya buyo koonse kuli muli ndime, ezyo ziimpene kuli Nduwe, alimwi ndilekele ndigwisye kulisumpula kwangu koonse, oko koonse kuli muli ndime, kuzwe. Oonse masifwilila, kutasyoma koonse oko kuli muli ndime, Nda—Nda cigwisya eno, Mwami. Nda citapwida anze buyo. Alimwi lekela Muuya Uusalala mubotu wa Leza, mbuli nziba, useluke muli ndime. Ndi—Ndi yanda kupona Cabutamani, Mwami, alimwi Ndi—Ndi yanda kuti Undi gwasye ku ciindi eci. Ko cipa eno.”

⁴⁴⁶ Kuciindi nomu komba, alimwi tuyo kung’ung’una nyimbo eyi, na kuyiimba caansi, antoomwe, *Nda Mu Yanda*. Elyo, amwiibaluke, ciboola kwiinda ku luyando, nkambo Ngu luyando. Kuciindi ne Ndi jatilide maanza aa tutambala otu, nkaambo bantu inga ba tubweza kakutanaba masiku.

Nda Mu yanda, Nda Mu yanda
Nkaambo Wa kasaanguna ku ndiyanda
A kuula lufutuko lwangu
Aa cisamu ca Kalivari.

Nda Mu yanda, Nda Mu yanda.
Nkaambo Wa kasaanguna ku ndiyanda,

Lino kopa buyo buumi bwako kuli Nguwe.

A kuula lufutuko lwangu
Aa Kaliv- . . .

⁴⁴⁷ Mu yanda, mu yanda, ku Mu yanda. Bona eco Nca kakucitila. [Mukwesu Branham watalika kung’ung’una *Nda Mu Yanda*—Mul.] Nkwiinda ku luyando. Luyando luleta kuswiilila. Luyando luleta ciindi cakuzibana ku lukwatano. Luyando luleta lukwatano. Alimwi oko nko kubusena nkotuya, Cilalilo Ca lukwatano lwa Kabelele. Nda mvwa Mufutuli wangu kaita, kuti Ula ndiyanda, akwalo. Mebo, akwalo! Nda . . .

448 Buyo a moyo wako oonse, kumvwa buyo Cintu cimwi ka ciboola mu bubotu loko muli nduwe. Oyo Muuya Uusalala.

Nkaambo Wa kasaanguna ku ndiyanda
A kuula lufutuko lwangu
Aa cisamu ca Kalivari.

449 Ikuti . . . Njo nyamuna maanza angu mujulu, a baswiilizi, a lwiimbo. Ikuti na Nda kabisiya, ikuti na Nda kacita cintu cili coonse cilubide . . .

Ndili mukumukombela eno, a lwangu.

450 Ikuti na Nda kacita cintu cili coonse cilubide, janza lyangu kuli Nduwe, Mwami, lyaamba kuti Nda usa. Janza lyangu kuli Nduwe, Mwami, lyaamba kuti Ta ndi—Ta ndi yandi kucicita. Elyo Ndi lizi kuti Ndili mukufwa, Mwami. Nde elede kusiya nyika eyi, mu ciimo cakunyama. Ndi yanda ku swaanganya Nduwe. Janza lyangu lyaamba kuti, citole, Mwami. Kondi zuzya a Muuya. Kondi pa Citondezyo Cako aali ndime, Muuya Uusalala, eco ciyo ndibamba kupona cabubotu, cabuuya, kundibamba kupona Buumi obo bwakali muli Kristo; kuti moyo wangu uyoopya nkambo ka bamwi, kuti Nse kalyookezyi nokuceya, isikati a masiku, mane Ndi kakkwanye kuleta bantu boonse mbe Ndi konzya. Ndi yooba mbuli batumwa ku Jeriko; Njo unka ku muntu oonse oyo ngo Ndi konzya, kubona kuti na inga Nda baleta kuboola kungsi lya cizuminano ca Bulowa, kungsi lya Bulowa bwa Kabelele, kutegwa batambule Citondezyo.


451 Mwabona, Bulowa bulasalazya. I Muuya ngo Citondezyo cakuti Bulowa bwa bikkwa. Mwabona? I Muuya ngo Citondezyo cakuti Bulowa bwa bikkwa. Kusikila Bulowa bwa bikkwa, i—i Muuya taukonzyi kuboola. Pele cindi Bulowa bwa bikkwa, mpawo Muuya ngo Citondezyo, ku ujosya kuli nduwe, kuti lusyomo lwako mu Bulowa lwa tambulwa, lweendo lwako lwa bbadelwa. Lweendo lwako lwa bbadelwa. Ca mana. I kaambo kajalwa. Uli Munakristo. Uli musyomi. Kristo uli muli nduwe, a yebo muli Kristo.

. . . kusaanguna ku ndiyanda
A kuula lufutuko lwangu
Aa cisamu ca Kalivari.

452 A myoyo yanu kiikoteme eno kumbele lya Leza; mweembeli wanu, Mukwesu Neville, a majwi aakwe aa kujala a eco nca yanda kwaamba.

453 Amwiibaluke kuswaangana sunu masiku, kuswangana kwa kuponesegwa. Amuboole cakufwambaana. Atu talike aa seveni, andibe aa cibumbili aa seveni—theeti. Sa obo kuli kabotu, Mukwesu Neville? [Mukwesu Neville waamba, “Kuli kabotu.”—Mul.] Lino tu yooba a mulalilo, nywebo mwabona, sunu masiku. Amuboole!

⁴⁵⁴ Isikati sunu, amu kkale ncobeni a Nguwo. Muta lekeli Mulumbe kuunka. Amwiibaluke, mutasoli kulekela Mulumbe kuzwa!

⁴⁵⁵ I Bulowa buyooba Citondezyo kuteeti Buumi bwa pegwa. Mwabona? “Elyo cindi Nda bona Bulowa, Njo mwiindilila.” I Muuya Uusalala ngo Citondezyo kuti Bulowa bwa bikkwa ku moyo wako, alimwi Ngo Citondezyo kuti Bulowa bwa bikkwa. Ikuti na tii bwaka bikkwa, mpawo Citondezyo taciko boola. Mwamvwisya na? Amwaambe, “Ameni.” [Mbunga yaamba, “Ameni.”—Mul.] I Bulowa bweelede kubikkwa, elyo mpawo Citondezyo cila boola. Ngu Citondezyo cakuti Bulowa ibwa lununuko bwa bikkwa alimwi lweendo lwako lwa bbadelwa. Leza aku longeye. Mukwesu Neville. 

CITONDEZYO TNG63-0901M

(Token)

Oyu Mulumbe aa Mukwesu William Marrion Branham wakakambaukwa lutaanzi mu Chikuwa Munsondo kuseeni, Itwi 1, 1963, ku Branham Tabernacle mu Jeffersonville, Indiana, U.S.A., wakagwisigwa kuzwa ku rekordi yamagnetiki a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa akumwaisigwa aa Voice Of God Recordings.

CHITONGA

©2017 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org